



10866

I

Mag. St. Dr.

P

~~Hist. p. 1000.~~

~~181, 182, 183,~~

~~184, 185, 186.~~



VI. 1. 40.

Rudimenta historica

C. A. Lebris
D. Dolezaki

Rudimenta historica

Apparatum 14m.

Calisui 17.

1744.

10866I

RUDIMENTA

HISTORICA

SIVE

Brevis, facilisque Methodus
Juventutem Orthodoxam notitiâ
Historicâ imbuendi,

Pro

Gymnasiis Societatis JESU:

AUTHORE

Ejusdem Societatis Sacerdote.

OPUSCULUM

SEXTUM,

Descriptio Germaniæ & Continuatio
MONARCHIÆ ROMANÆ.

Cum Facultate Superiorum
Juxtâ Exemplar Vratisl: & Brunsbergense
cum auctuario.



CALISSI,

Typis S.R.M. Coll: Soc: JESU. A. Domini 1746



PRÆFATIO.

HOc quoquè Opusculum, perinde ac priora quinq-
què nonnisi orthodoxæ Juventutis, quam in
Gymnasiis nostris instituendam suscepimus, com-
modo atquè utilitati dicatum est, quo Romanorum
Imperatores Christianos summatim percensemus; quos-
dam etiam, idoneorum Scriptorum exemplo, omnino
prætermittimus. Quæ verò Historici, à Fide, ac verita-
te Catholica alieni adversùs Christi Ecclesiam, Roma-
nosquè Pontifices suis passim narrationibus falsò & con-
tumeliosè solent inspergere, vel consultò dissimulavimus,
vel strictim duntaxat attigimus, pleniore rerum hujus-
modi controversarum pertractatione ac refutatione A-
cademiis relicta. Addita insuper est seu potius, præmissa
ad initium opusculi istius (quod Auctuari, vices subit
præcedentium Quinq- Opusculorum) Descriptio im-
primis historica Imperii Romano Germanici, tribus
Capitibus prioribùs exposita tum deinde proponitur
quarto Capite Geographica explanatio Circulorum Im-
perii. Subsequitur demum partitio hujus Opusculi quæ
Christianos Imperatores à Constantino Magno ad Fran-
ciscum Primum hodie Gloriosissime Imperantem, re-
censet.

CAPUT I.
De veteri Germania.

§. I.

De situ veteris Germaniæ, ejusq;
partibus potioribus.

1. *Quæ veteris erat Germaniæ facies?*

Quantum quidem ex Historiographis cō-
pertum est, erat olim Germania regio am-
plissima; sed hinc sylvis vastissimis, il-
lic locis palustribus, alibi asperis montiū jugis
impedita. Nequē ab horrido, & inculto ter-
ræ ingenio abludebant incolarum mores.

2 *Quæ antiquorum Teutonum origo?*

De hac certi nihil ferè constat, idoneorum
auctorum defectu. Quippe veteres Germaniæ
populi de literis parum, aut nihil solliciti, ni-
hil admodum ad posterorum memoriam scrip-
to reliquerunt. Cæterum Tuisconem, & Gi-
gantem, & Nôemi filium post diluvium inter-
ras has immigrasse inter fabulas haud immeri-
tò numeratur. Propior veritati est illorum o-
pinio, qui Teutones primos ex Scythia, Dacia,
Pannonia profectos fuisse perhibent ex pro-
babili conjectura, quâ existimant, post Baby-
lonicam linguarum confusionem populos in
diversa abuisse non è vestigio, & catervatim,
sed sensim pro temporum vicissitudine, & po-
puli magis in dies magisque augescentis multi-
tudine, novas quoquoversum colonias dedu-
xisse.

A

3 *Qui-*

3. *Quam veteris Germaniæ limites?*

Hæc Danubio, Rheno, Oceano septemtrionali, & Vistula flumine conclusa, in quatuor colonias multò frequentissimas dividebatur, è quibus Ingævones magnū illum terrarum tractum, qui hodie tria Regna Borealia, Daniā, Norwegiam, & Sveciam complectitur, incoluere. Istævones verò Rheni incolæ Frisiam, Grœningam, Westphaliā; Vandali verò Pomeraniā, Saxoniam inferiorem, Marchiam Brandenburgicā, & hodiernæ Poloniæ partem obtinebant. Hermiones denique dimidium ferè harum Regionum possidebant per Saxoniam superiorem, Franconiam, Palatinatum, Bohemiā, Baviā, Sueviā.

4. *Quibus limitibus Noricum, Vindelicia, & Rætia terminabatur?*

Noricum, à Romanis ita cognominatum, complectebatur dimidiam Boicæ terræ partem trans Oenum, Salisburgense nempe territorium, Austriam, Styriam, Carinthiam. Vindelicia alteram Bojariæ partem conficiebat, à Danubio ad Alpes usque pertingens, & lacum Podamicum. Rætiæ pars erat Grisonia, Vallis Tellina, Tirolis, atque illa portio Italiæ, quæ illinc ad usque Alpes excurrit.

5. *Quæ celebriores erant Germaniæ Urbes Romanorum temporibus?*

Tametsi veteres Germani perpaucas numerarint urbes, in pagis plerumque commorari soliti; tamen vel ante Romanorum adventum fundatores fuerunt aliquot in Germaniæ urbium

bium. Has inter præcipuæ sunt Treviri, urbs Europæ antiquissima, Colonia, Augusta Vindelicorum, Solodorum &c. Hæ subinde à Romanis ampliata, & exornata alia nomina acceperunt. Sic Augusta in honorem Cæsaris Augusti Augusta Vindelicorū, Treviri Augusta Trevirorum, & Augusta Rauracorum, inter Basileam & Rhénofeldam pridem diruta, est cognominata. Cæterum Colonia hodie dum obtinet nomen ab Agrippina Neronis Matre, quæ hic loci nata traditur, vel certè ab Agrippa (ut alii perhibent) Patre ejusdem, forti defensore, & amico veterum Ubiorum. Atquæ indè urbi alterum cognomen, quò Colonia Ubiorum dicitur.

6. *Quæ aliæ insuper veteris Germaniæ urbes?*

Juvavia, quasi urbs adjutorii, hodie Salisburgum, à Romanis, ad defendendam circumcirca regionem exædificata erat. Moguntiacum, seu Moguntiam condidisse fertur Drusus, Romani exercitus Ductor, Augusti privignus. Extant ibidem in monte Jacobeo hodieque rudera tumuli honorarii, ex solido saxo in Drusi honorem excitati. Argentina sive Argentoratum, olim Tribocum, Wormatia, Borbetomagus & Augusta Vangionum, Spira Nemetes, & Noviomagum: Vienna Austriæ, Vindobona, Juliobona, vel Flaviana, Ratisbona, ad Cæsaris Tiberii gloriam posthumam Augusta Tiberia est appellata.

7. *Quibus nominibus vocabantur veteres Germ.*

A Romanis dicebantur Germani, idque, ut

A. 3

non

nonnulli existimant, ob fraternam in pace, & bello unitatem, & animorum conjunctionem. Ipsimet sese nominabant *Teutonas*, quàm nomenclaturam ex aliquorum sententia sibi adscivère à vetustissimo etymo Germanico *Theut*. Sonat hoc ipsum DEUM, quo adeò nomine insinuare volebant, se à DEO (ipsis Theut dicto) originem trahere. Sed & propter virilem prorsus fortitudinem, & animositatem Alemanni, perinde ac omnes *Viri*, gloriôsè nominabantur, quanquàm id nominis etiam Suevis separatim tribuatur. Alia porrò nomina certis quibusdam Germaniæ nationibus à Romanis indita, cognosci poterunt ex veterum Geographorum monumentis.

8. Unde erui possunt veterum Germanorum acta?

Cùm veteres Germani intermiserint gentis suæ historiam conscribere, necesse erit eandem ab exteris Scriptoribus petere. Ex eo genere sunt Julius Cæsar, Livius, Suetonius, Tacitus, pluresquè alii. Hi de Germanis ea scripsère, quæ vel propriâ experientiâ hauserant, vel bona fide aliunde acceperant. Id evenire antè non potuit, quàm Romani cum Teutonibus committerentur. Singularis extat liber à Tacito conscriptus, quò toto tractat de moribus Teutonum. Atque ex hoc potissimùm excerptus est proximus paragraphus.

De moribus, & ritibus veterum Germanorum.

1. *Quæ se habebat Religio apud veteres Germanos?*

ERant hi idololatræ, atquæ ea petissimū, quæ sub omnium aspectum cadunt, divinis honoribus prosequerentur, putà: Solem, Lunam, cæterosquæ planetas cum lucido ignis elemento. Nequæ tamen his Diis suis fana statuebant, rati, nequaquam conveniens esse, magna Numina ædificiorum angustiis velie concludere. Itaque iisdem dicabant, vastas & opacas sylvas, & saltus, quos ea propter singulari colebant industria, immolatis ibidem humanis nonnunquam victimis. Aliqui eorum litabant vel ipsi cacodæmoni, qui ab ipsis Swarte vel Tywel, à vetustissimis autem Latinis Tybelinus vocabatur. Hic quidem cultus eò tendebat, ut ne à Tybelino mali quid paterentur. Atq; hæ superstitionis ethnicæ tenebræ durabant usquæ ad annum Christi 580. quo magna pars superioris Germaniæ, & nominatim Bojaria Christianæ fidei lumine fuit illustrata. Eadem beata fors obtigit inferiori Germaniæ, operâ S. Bonifacii circa annum 720. ut ad Lutheri usquæ tempora fidei veritas inconcussa persisteret.

2. *Quæ indoles, & mores erant veterum Germ.*

Erant animosi, & bellicosi, cui jam inde à pueritia innutriti, venandi studio, & omne genus laboribus durabantur. Unde ipsi pro ce-

ra, & robusta corporis habitudo par ferendis quibusvis arduis. Libertatis supra ipsam vitam fuerunt amantissimi, cuius conservandæ causâ nullum vitæ periculum reformidabant. Et quamvis extima eorum facies, gestus minax, & truculentus videretur, tamen insignem animi candorem ab omni fraude, & perfidia alienum, circumferebant. Cæterùm quàm rudes omnium scientiarum erant, tam peritè & præcipuè tractabant lufum alearum, impendio, & damno non semel omnium suarum facultatum, ut postremùm suafinet personas deponere, ac ludendo perde e non dubitarent. Porro omne genus superstitionum, & harolationum mirè æstimabant amabant præterea canentes simplice rhythmo ligatas, uti & ad flammantem pyram haustum probatæ cerevisiæ, ubi conventus agere consueverant, & de possimis negotiis consultare, atque concludere.

3. *Quæ forma fuit Republica, atque Regiminis apud priscos Germanos?*

Tametsi sat barbara vivendi ratio apud illos videretur, non defuit tamen suæ Reipublicæ certus ordo. Quippe diversis Teutonum regionibus præerant sui reguli, ex flore nobilitatis electi. His tamen nullum jus fuit absque populi suffragio communi aliquid majoris momenti concludendi, & decernendi; sed id tantùm illis incumbibat, ut intellectâ omnium sententiâ plebiscitum fortiter, & graviter exquerentur. Et verò ad hujusmodi publica gen-

tis Comitia comparebat quisquē non nisi armatus, & cuius vel minimo jus compete-
bat suam sententiam proponendi. Sed & aliis Ger-
maniae populis regum vice fuerunt ex commu-
nitatis gremio denominati Duces, quos Rei-
publicae Patres appellabant. Ad id officii non
nisi sagacissimi, & fortissimi quique eligeban-
tur. Quem ergo fors ad id dignitatis evexerat,
belli tempore ducebat agmen, primus in fronte
exercitus, primus in aggreſſione hostium. Trā-
fugae perfidiam luebant suspendio: socordes &
abjecti nimio opere animi bellatores putri lacu-
na submergebantur. Delicta alia pro rei gra-
vitate mulctabantur per exactionem pecorum
nunc majorem, nunc minorem. Quippe ar-
gentae, vel aureae monetae usus ante Romano-
rum adventum erat Germanis incognitus, quo-
rum commercia sola rerum commutatio id tem-
poris absolvebat.

4. *Quem modum veteres Germani tenebant
belli tempore?*

Aliqui Germaniae populi, in primis Suevi,
dividebant inter se, Germano sanè candore &
fide, militiae instantis onera. Alternis eni-
m vicibus bellatura ibant, ita quidem, ut pars una
expeditioni instaret, altera domi facta tecta
conservaret, non tantum sua, sed & bellanti-
um foris, & absentium. A primis adeo annis
militiae assueſciebant ex patrio instituto: specta-
cula proin non alia dabat gens bellicosa, quam
de bellis, quorum studia ipsis in summo pretio.
Ceterum agmen, ad quod alterno ordine ex-

ped'itio bellica devolvebatur, secum abducebat & uxores, & proles, eo fine, ut harum præsentia ad certamen fortiùs incitaret. Quin uxores ipsæ in arma ruebant, ubi usus & necessitas poscebat. Eadem de caussa consanguinei cæteri, & necessarii amici interferebant sese aciei, ut nimirum alacrior pugnandi animus adderetur, & unà omne gravius periculum à cognato sanguine præverteretur. Exordium pugnae fiebat quà cantando, quà incondito clamore. Pugnatulis arma erant præacuti mallei, ponderosæ machærae, breviores lanceæ, & arcus, seu catapultæ. Nequè verò hujus armaturæ splendor ullum affectabant, sed robur, & pondus eiusdem pensabant. Flagranteprelio stabant densati, ut corpore, ita animo Germano, ruentes intrepidè in hostes, quibus ea propter plerumquè fuerunt in acie superiores. Atquè ea pugnandi dexteritas vel ipsis Romanis ansam dicendi dedit, ut, qui pugnando infelix vinci vellet, manus committeret cum Germanis.

§. 3.

Synopsis de veterum Germanorum actis.

1. *Quas in partes hæc acta commodissimè possunt dividi?*

IN sex tribui possunt capita. 1. Notanda veniunt acta Germanorum ante Julii Cæsaris tempora. 2. Acta sub eodem Julio Cæsare. 3. Acta

3. Acta sub Cæsare Augusto. 4. Status Germaniæ sub Ethnicis Imperatoribus à tempore Constantini Magni usq; ad Carolum Magnum. 6. Acta Germanorum à Caroli Magni tēporibus usquē in hodiernum sæculum.

2. *Quid ante Julii Cæsaris Imperium de Germania singulare est & memoratu dignum?*

Ea quidem tempestate Germani secura pace beati, non temerè se implicabant alienis bellis, sed mapalibus suis contenti, vota sua non ultrà ferebant. Primi omnium, qui extra patriam suam moverunt, fuerunt Cimbri, populus Aquilonaris, idquē integro ante Christum natum sæculo. Quippe cū maris exundantis æstus illorum peninsulam, hodie Jutlandiam dictam, Daniæ partem, eluvione sepelisset, compulsi sunt loco cedere, & alias sedes quærere. Quingenta proin millia Cimbrorum patrio solo excefferunt, junctoquē suo cum Germanorum cæterorum copiis agmine infestum Romanorum exercitum non una clade multarunt. Cimbri adeò per Noricum sive per Bojariam, Teutones socii verò per Galliam attentare viam in Italiam ausi sunt, in felicioribus illis terris colonias formaturi.

3. *Quem exitum tenuit Germanorum expeditio in Gallia?*

Sanè funestum, cū adverso Marte pugnâ-
rint post priores clades Romanis illatas. Cajus Marius enim, Romanus Consul, non procul Aquis Sextiis (Metropolis est provinciæ Gallicæ) propè ad internecionem illos cecidit, cū

ducenta Germanorum millia desiderarentur, octoginta autem millia captiva ducerentur. Unde factum, ut incolæ longo post tempore accumulatis cæsorum ossibus sua vineta sepi-menti loco incingerent, si Brietio quidem credimus. In perenne tantæ victoriæ monumen-
tum Marius ibi locorum trophæum ex secto la-
pide statuit, cujus rudera aliqua superesse di-
cuntur. Perditâ dicto modo victoriâ, Germa-
næ foeminæ flagitârunt Romanos, ut Vestali-
bus virginibus ad obsequia transmitterentur,
sed repulsam passæ, unâ omnes post mactatas
proles suas spontaneam sibi met mortem ferro
consciscere non dubitârunt.

4. *Qui progressus Cimbrorum in Italia fuerunt?*

Catulus quidem Romanus Ductor, ut maxi-
mè quærebat, illos compescere non valuit,
multò minùs superior evasit, ut ipsius exerci-
tus animò caderet, conspectâ maximè audacâ
Cimbrorum. Nam scutis hi suis insidentes,
per altissima Alpium juga nivibus tecta, de-
vehi præcipiti lapsu non horrebant. Marius
proin suppetias appropinquavit, qui Cimbrorum
aciem ita disjecit. ut deinceps nec unus il-
lorum conspiceretur.

5. *Quæ fors Germania fuit sub Julio Cesare?*

Stabilita in Gallia sede, quam in Roma-
nam Provinciam redegerat, paulo post cum
Germanis res ipsi esse cœpit. Quippe Ariovi-
stus eorum Rex & belli ductor fæderatos cum
Cæsare Heduos (Burgundos) valde infestabat,
contemptis omnibus, qui dehortabantur. Ita-

quæ

quē Cæsar Arminium, qui Rhenuta trajecorat, fortiter aggressus, eam Germanorum stragem edidit, ut ingens spatium ad triginta passuum millia prostratorum cadaveribus obtegeretur. In prælio hoc, quod prope Basileam commissum esse creditur, stabant Germani more suo in arctos cuneos densati, conjunctis supra capita clypeis tecti adversus Romanorum faxeam grandinem, & missilia tela. Cum igitur Romani apud ita protectos lorice in modum Germanos operam perderent, animoso tandem consilio in scutata capitum tegumenta insiliere, dissolutisque vi scutis desuper stantes cladem inferebant, ubi dolus tamen & virtus utrinque suas partes strenue egerunt, certe non incruentâ Romanis victoriâ, quæ quinquagesimo quinto Anno ante Christi in terris adventum contigit. Tertiò post annò Rhenu pontem stravit Cæsar, subegitque primò Svevos, deinde circa Colonensem tractum sitos Sicambros.

6. *Qua conditio Germanorum sub Casare Aug.*

Julius Cæsar post omnes ex Germanis reportatas victorias, securo necdum, fixoque cum suis loco consistebat, quod tamen effectum dedit Augustus. Hic Drusum, privignum suum, adversus bellicosos, & Romanis usque infestos Germanos subornavit. Et verò expeditionis felicitas ea fuit, ut ad Rhenum inferiorem plerique Germani à Druso subigerentur, exstructis non uno loco munimentis coercendi. Porro Teutones faminae in præliis contra
Dru-

Drusum, intra curruum junctorum propugnacula constitutæ tam desperato consilio pugnant, ut consumptis telis enectas allisu terræ proles in Romanorum facies ejacularentur, stupentibus omnibus seu crudelitatem seu animositatem.

7. *Quam urbem Drusus exadificavit in Germ.*

Moguntiam, ubi Mœnus Rheno jungitur. Quin & Augustam Vindelicorum annis antè Christi natalem quindecim expugnatam à Druso, & Romanorum coloniam factam fuisse perhibent. Bellum exinde contra Catts & Cheruscos, inferioris Saxonie gentem, non infelicer gesserat Drusus, cum anno ætatis tricesimo morte immatura præreptus est, Germanici nomine ejusdem familie indito. Tiberius Drusi frater, postea Cæsar, imperium militare contra Romanos suscepit quidem, sed nihil singulari dignum memoria gessit; ac multò minus Marcus Lollius, Consul Romanus, qui ingenti clade à Germanis accepta, Romam revertit inglorius.

8. *Quam porro victoriam Arminius à Romanis reportavit?*

Augustus Quintilium Varum cum exercitu miserat ad Germanos intra officii limites continendos; quos cum homo superbissimus, & inexplibilis avaritiæ tractaret asperrimè, Arminius jugum gravissimum à suo, suorumquè cervicibus dejecturus, cum delecta popularium manu Romanos haud procul Monasterio, Westphaliæ urbe, ad pugnam provocat, successu
tàm

tam prospero, ut ad quinquaginta hostium millia in acie occubuerint. Qua clade accepta Varum indignatio, & pudor eò perpulit, ut manus violentas sibi ipse intulerit. Cæsar verò Augustus eam jacturam tam iniquo tulit animo, ut præ iræ vehementia impos animi caput parieti impingeret, hæc identidem verba ingeminans: *Quintili Vare, redde mihi meas leviores!* Arminio porrò Germanicæ libertatis assertori ob perpetuum rei gestæ monumentum statuam posuere Teutonès, cui tunc quidem non nisi profanos, posteri verò divinos adeò honores deferre non dubitârunt, donec Carolus Magnus, fervente bello Saxonico, funditus evertendam curavit. In Vetusstis Germanorum commentariis statua hæc *Irmensul* appellatur.

9. *Quæ res subsequentiū Imperatorum Gentilium temporibus usque ad Constantinum Magnum in Germania gestæ?*

Vincebantur quidem Germani non semel; at sæpius etiam de Romanis triumphârunt, ut proinde hi nunquàm Germaniam debellare, suoquè subiicere imperio usquè qua potuerint.

10. *Quæ Germania fortuna à Constantini Mag: temporibus usquè ad Carolum Magnum?*

Circa dimidium tertii seculi extulêre caput Franci, quo nomine convenerant populi ex Saxonia, Westphalia, & Franconia in unum agmen collecti. Verò simile est, id nominis sibi adscivisse ideo, quò docerent, sibi abjecto penitus Romanorum jugo patriam libertatem

(hanc

(hanc enim vox Germanica *Franck* notat) u-
nicè cordi esse. eaque frui vel e citra omnem
servitutem. Optima ejus consilii exequendi
occasio se obtulit imperante Honorio quando
Romani Imperii res erant oppidò turbatae.
Quinto proin seculo Franci in arma ruerunt
Ducè Rege suo Pharamundo, & in Galliam
Romanorū in Provinciam irruptionem primò
fecerunt, quin tamen firmum ibi pedem fige-
rent. Regnante porrò Merovæo aliquot post
annis alteram impressionem tentarunt, jacto
Franconicæ Monarchiæ fundamento. Hanc
postea Clodovæus omnium primus firmato jam
Imperio possedit, præter Alemanniam & Thu-
ringiam, id temporis adjunctam.

11. *Quis porrò status Germaniæ ante Caro-
lum Magnum?*

Regnabat adhucdum avita magnam partem
superstitio, quamvis pluribus in locis Christi-
anæ fidei germen efflorescere jam cæperit.
Jam tum temporis Bojaria, Saxonia, aliæque
plures regiones à Ducibus suis regebantur.

12. *Quæ rerum Germanicarum vicissitudines
imperante Carolo M. ejusque Successoribus?*

Carolus quidem Magnus Germaniæ suam
barbariem abstergere institit, optimis eandem
legibus instruxit, veri DEI cultum, & univer-
sè Religionem promovit, bonis artibus scho-
las aperuit, cæteraquæ omnia in optimum or-
dinē redegit Debet enim verò Germania hu-
ic verè Magno Monarchæ sua incrementa, &
subsequentem felicitatem. Postquamjergo Bo-
jariam

jariam & Saxoniam suo adiecit regno, in divisione vastæ tunc Francicæ Monarchiæ Germaniam in peculiare regnum evexit, quod Ludovicus Pius Filio suo natu tertio Ludovico Germanico transcripsit. Henricus Au-
 cept suo sub regimine quâ exstructis plu-
 sculis urbibus, quâ institutis artium, & merci-
 monii exercitiis, quâ correctâ bellicæ disci-
 plinæ ratione admodum multa præstitit. Cæ-
 teri Cæsares, putà: Otho M. S. HENRICUS
 Bavarus strenuè perrexerunt excolere Germa-
 niam, & ad summa omnia promovere, do-
 nec tandem sub glorioso Austriacorum Cæsa-
 rum imperio, & præcipuè sub gloriosissimo ho-
 die feliciter regnante Cæsare Carolo VI. ad id
 fastigii ascendit: ut nec viribus, nec politiæ
 Christianæ legibus, nec promovendis sapientiæ
 studiis ulli orbis regno facile cedat.

C A P U T II.

*De Germaniæ Principibus quâ sacris,
 quâ profanis.*

Quandoquidem in priore, eoquè tertio
 Opusculo de Romano-Germanicis Cæsa-
 ribus, quantum satis actum est, necessa-
 rium videtur, ut hic de Germanicis S.
 R. I. Electoribus, & Principibus, eo-
 rumq; rebus gestis brevis fiat mentio.

§. I.

De tribus Ecclesiasticis Electoribus
Quid.

1. *Quid notandum venit de primordio Archi-
Episcopatus Moguntini?*

Sanctus Crelicens, discipulus S. Apostoli PE-
TRI, fuit primus Moguntiae Episcopus; San-
ctus verò Bonifacius postmodum, anno nem-
pe 744. à Zacharia summo Pontifice primus
Archi-Episcopus est renuntiatus. Willigisus
Fabri carpentarii Filius, ab Othone III. Ro-
manorum Imperatore omnium primus Elector
S. R. I. est declaratus, quem etiam ob singula-
rem sapientiam in Impetii negotiis tanquam
Cancellarium adhibuit. Continuavit hoc di-
gnitatis officium etiam sub S. HENRICO Cæ-
sare. Ex eo tempore illa Cancellarii dignitas
potissimum fuit penes Archi-Episcopos Mogun-
tineses. De Willigiso hoc facta est mentio
in tertio Opusculo sub Othone III.

2. *Quid cum Hatone ejus nominis secundo
Archi Episcopo Moguntino actum?*

Hatto vir immisericors, & durus erga mise-
ros mendicos fuisse scribitur, id quòd testatum
fecit premente annonæ caritate, & gravi fa-
mis calamitate, sed ad suummet exitium. Quip-
pe turmam mēdicabulorum, quæ panis aliquid
rogârant, horreo includi jussit, specie distribu-
endi ibidem panis. At interea ejusdem impe-
rio horreum incenditur, & unâ famelici pau-
peres conclusi quâ flammâ quâ fumo enecan-
tur. Eo incendii articulo cum lamentabiles
pereuntium ejulatus audirentur, joculari in
modum Hatto ad suorum aliquem dixisse fer-
tur: Audi, quomodo hi murescantillent! Cru-
dele

dele hoc factum in vestigio ultio divina est in-
secuta. Mox enim inconditus murium exer-
citus procurrit, Hattonem rectà aggreditur.
Hic adeò, ut se infestis his hostibus subduceret,
turrin, in medio Rheni stantem, tanquam a-
sylum, properè conscendit. Sed enim mures
manipulatim insequuntur, penetrant portam
& fenestras turris, & miserrimum Archi-Epi-
scopum depascunt. Atque hæc turris in hanc
usque horam à muribus nomen obtinet. Hæc
quidem imperante Cæsare Othone Magno
contigisse ferunt, quæ tamen alii Scriptores ad
fabulas relegant.

3. *Quæ Trevirensis Archiepiscopatus exordia?*

Sanctus Eucharis, ex septuaginta duobus
Christi discipulis, à S. Petro Apostolo ad præ-
dicandum Evangelium Trevirensibus submis-
sus est, quorum primus Episcopus fuisse tra-
ditur. Hic fatis concessit anno Christi sexage-
simo sexto. Porro S. Agricius, Patriarcha An-
tiochenus anno 330. primus Archiepiscopus
fuit constitutus. Hic textilem Christi tunicam
secum Treviros attulit, ubi hodiedum asser-
vatur. S. Helenæ Imperatricis domicilium in
templi formam redactum Agricius rite con-
secravit: palatium verò Constantini Magni
translulit in monasticam habitationem, quæ
nunc Abbatia S. Maximini vocatur. Primus
Electo Trevirensis erat Ludolphus, Saxonie
Dux Othone III. imperante. Dignitas Archi-
cancellarii aliquantò seriùs Archiepiscopatu
huic adjecta est.

Quid de primordiis Archiepiscopatus Coloniensis memoratu dignum occurrit?

S. Maternus circa annum Christi 99. veræ fidei lumine Coloniam illustravit, ibidem anno ætatis centesimo decimo quinto, Christi 128. mortuus. Traditur hic ipse Maternus viduæ Naimiticæ fuisse filius, quem JESUS, S. Luca teste, ad vitam revocavit. S. Agilulphus octavo sæculo à S. Bonifacio primus Coloniae Archiepiscopus fuit initiatus. Primus autem Elector fuisse fertur Heribertus, Marchio Foto-Julienfis sub Cæsare Othone III. Cæterum Archi-Cancellarii munus Archi-Episcopatui, subsequen-
tibus demum temporibus est ad-
junctum.

5. *Quinam Archi-Episcopi Colonienses vitæ
sanctimoniâ præ cæteris floruerunt?*

SS. Severinus, Evergisilus, Aquilinus, Simoneus, Cunibertus. Agilulphus, Heribertus, Anno, &c. Coloniae deposita sunt corpora quoque SSS. trium Regum, quæ sub Friderico Barbarossa Mediolano, per illum ipsum vastato, Coloniam pervenerunt.

6. *Quid de S. Archi-Episcopo Annone ex-
istimandum?*

Huic parum laudis tribuunt A catholici; cū tamen Scriptores Synchroni tanquam virum singulari sanctitatis fama conspicuum celebrēt: id fortasse nonnulli Viro huic sancto vitio ver-
tunt, quòd Imperii negotia imperante Hen-
rico IV. cujus adolescentiam moderabatur, tractanda suscepit. At in comperto est ex
veterum

veterum & probatorum auctorum fide, An-
 nonem id omne in commune Imperii ac præ-
 cipue Ecclesiæ bonum cum non vulgari sapi-
 entia & iustitiæ laude præstitisse.

7. *Quis casus fuit Coloniensis Archi-Epi-
 scopi Gebhardi?*

Sanè lamentabilis casus; nam anno 1583.
 amplexus sectam Lutheranam, matrimonio
 sibi junxit publicè Agnetem Comitem à Mans-
 feld. Equidem quærebat Archi-Episcopatum
 transmūtare in profanum Principatum, sed à
 Pontifice mox Vaticano fulmine ictus, à Ca-
 pitulo Cathedrali abdicatur, substituto ejus in
 locum Ernesto, Bojariæ Duce. Verùm Geb-
 hardus non eapropter statione cedendum ra-
 tus, ad arma profilit, adscitis in fœdus copiis
 Palatini Ducis, dicti Simmerensis. Horum ta-
 men consiliis Dux Bojus Wilhelmus Frater
 Ernesti obviam ivit. Itaque Gebhardum, pe-
 cuniâ, belli nervo destitutum, in Hollandiam
 expulit, ubi miserrimam vitam tolerans, ab
 omnibus desertus, infelici fato decessit anno
 1589. Exinde non nisi ex Ducibus Bavaris ad
 hujus Archiepiscopatus apicem sunt evecti.

*Quæ officia & prerogativæ sunt trium Ar-
 chi-Episcoporum Moguntinensis, Trevi-
 rensis, & Coloniensis?*

Imprimis singuli sunt S. R. I. Electores, quo-
 rum est, cum reliquis Electoribus secularibus
 Romani Imperii Caput deligere. 2. Mogun-
 tinus coronat electum Cæsarem, siquidem co-
 ronatio contingat in sui Archi-Episcopatus ter-
 ritorio:

ritorio: quoddam coronatio in Coloniensi Archiepiscopatu, loci Archiepiscopus Cæsarem Regem creat. 3. Quivis horum trium Archiepiscoporum Archicancellarii munere in Sacro Romano Imperio funguntur, Moguntinus quidem per totam Germaniam, Trevirensis per Galliam, & Regnum Arelatense, Coloniensis per Italiam. 4. Hi tres Ecclesiastici Electores ex more antiquo præcedunt suos Collegas Electores Laicos, & hoc quidem ob reverentiam avitam erga statum Ecclesiasticum. 5. Elector Trevirensis sibi vindicat primum suffragium in Imperii Comitibus, & è Regione Cæsaris confidet, habens ad dextram duos Ecclesiasticos, ad lævam Electores seculares.

§. 2.

De Regno & Electoratu Bohemico.

1. A quibus populis Bohemia olim habitata fuit?

Primi habitatores fuerunt Boji, qui annis quingentis & nonaginta ante natam mundi salutem sub Rege suo Sigovesto ex Gallia in Bohemiam migrârunt. Hanc de suo nomine Bojohemum dixerunt, seu Bojorum Coloniam, aut sedem. 2. Anno quinto post natum Christum expulsi sunt à Marcomannis, qui ex Germaniæ populis confederant prius Danubium inter & Niccarum fluvios. Itaque hi Duce suo Rege Maroboduo, Bojis ejectis, Bojohemum pleno jure sibi vindicârunt. Boji verò amissa statione cesserunt in proximam Regionem Narisco-

rilcorum, quam hodie dicunt Palatinatum superiorem. Indè Danubium transgressi circiter annum Christi 500. Romanis ex Vindelicia ejectis, in eadem sedem sibi fixerunt. Hæc proin Regio ab ipsis nomen accepit Bojariæ vel Bavarix. 3. Ad annum Christi 550. aut ex aliorum sensu annum 640. Slavi populi Bohemiam occupârunt, ex eaque Ducatum formârunt. Primus Dux fuit Zecchus, frater Lecchi & Russi. Horum fratrum primus cum suis in Polonia, alter in Moscovia sive Russia confedit, ubi utrinque ab ipsis forma Ducatus est introducta. Atque hæc Slavonica natio initium fecit extirpandis densis Bohemix saltibus, ad promovendam terræ fertilitatem.

2. *Quæ primariæ mutationes intervenêre à tempore Zecchi usque ad nostra tempora?*

Post Zecchum Bohemi à viginti duobus Ducibus regebantur serie non interruptâ. Sub duodecimo Duce Borivorio I. Bohemia Christianæ Religionis lumen feliciter aspexit, tempore Cæsaris Arnulphi circa annum Christianum 895. Anno subinde 1086. Ladislaum II. Henricus IV. Imperator Moguntix Regem dixit. Post hunc regimen transiit partim ad Duces, partim ad Reges, donec tandem Primislaos II. Regium Bohemix titulum Cæsar Philippus in perpetuum confirmavit. Paulò post idem Primislaus, utpote Rex & unâ Elector operam suam contulit in eligendo Friderico II. Post Primislaum Regum Bohemorum electio plerumque fiebat per scrutinii suffragia, ut Rex

tamen esset fiduciarius Cæsaris cliens, in suis propriis terris. Albertus II. & Ferdinandus I. ambo Cæsares ex Austriaca Domo Regnū Bohemiæ, & Hungariæ jure nuptiali sibi asseruerūt. Tandē anno 1620. Bohemia post famosā ad Pragæ mœnia victoriam à Ferdinando II. obtentā contra Fridericum, (unius hyemis Regem dictum) ejusque exercitum in jus hæreditarium, armis, partū, transiit, id quod pace Monasteriensi est confirmatum. Carolus VI. gloriosissimè regnans modò Romanorum Imperator, undecimus jam Bohemiæ Rex numeratur ex Archiducibus Austriacis.

3. *Quanam præterea Duces & Reges Bohemia sunt speciatim memorabiles ?*

1. Primislaus primus, tametsi ortu & conditione rusticus fuerit, tamen non vulgaris sagacitatis & prudentiæ laude eminuit. Quare Libussa tertia Dux Bohemiæ, quæ urbem Pragam condidit, illum in thalami conjugalis consortem adlegit, & eo pacto quartum Bohemiæ Ducem fecit. Huic septem ipsis annis vel tantum fuit cum Bohemis fœminis, quæ ductu nobilioris ex Libussæ aula mulieris Bohemiæ regimen sibi arrogabant. Et verò prius confictus illis prorsus ex voto cessit. Primislaus mansuetudine, & longanimitate feroces mulierum animos delinire, & expugnare satagebat. At cū nihil, lenitate proficeret, armata tandem manu ambitiosas has Amazonas cœgit ad domesticam colum reverti. Acta hæc sunt circa annum Christi, 650.

2. San-

2. Sanctus Wenceslaus decimus quintus Bohemorum Rex, viri sancti, numerisque omnibus absoluti formam in se ipse expressit. Singularem porro memoriam meretur tenerima ejus erga augustissimum Altaris Sacramentum pietas. Solebat enim quotannis triticum, divino Sacrificio servitutum, suis ipse manibus seminare, & metere: in eundem quoque finem esse vindemiator, & legere botros ad usum sacri Calicis consueverat. Tandem impiæ Matris Drahomiræ instinctu à crudeli Fratris Boleslai ferro in templo orans, Deo victima cecidit innocentissima. Drahomira, sanguinaria furia, meritissimas dein sceleris pœnas dedit, quando viva cum curru & equis terræ hiato fuit absorpta; Boleslaus verò id gratiæ à cœlo obtinuit, ut postea resipisceret. Cæterum Sanctus Martyr & Rex Wenceslaus in terris agebat Othonis Magni Cæsaris temporibus.

3. Venceslaus V. postremus Ducum Bohemorum fuit ex stirpe Primislai ruricolæ, anno 1306. violenta morte sublati. Paulò post successerunt tres Bohemiæ Reges, Carolus IV. Wenceslaus Piger sive Ignavus, & Sigismundus, quorum singuli subin Cæsares sunt creati.

4. *Quid præterea de Bohemis observatu dignum?*

1. Regnum Bohemiæ pars quidem Germaniæ censetur, sed nulli Circulo Imperii accensetur. 2. Rex Bohemiæ inter Electores Laicos principatum tenet, & suffragium fert proximè Archiepiscopum Coloniensem. 3. Olim

Rex Bohemiæ, quæ Elector, nihil admodum conferebat ad communes Imperii expensas, nec in ullis comparebat Comitibus: sed ab anno 1708. utrumque modò præstat. 4. Marchionatus Moraviæ, & Ducatus Silesiæ referuntur ad Bohemiam, uti & Lusatia, quæ tamen à Ferdinando II. Electori Saxonie relicta est ad compensandas impensas in bellum factas.

§. 3.

De Electoratu Bavarico, & Palatinatu Electorali.

Ambæ hæ Domus Electorales hic conjunguntur, quoniam eandem trahunt originem.

I.

1. Quis Bojaria status priscis Romanorum temporibus?

Imperante Augusto Bojaria erat Romanorum Provincia, cujus pars, Superioris Sueviæ contermina, Oenum inter & danubium, Lacum Podamicum, & Alpes sita, dicta est Vindelicia. Altera pars residuum Bojariæ completebatur tractum cis Oenum cum Austria, nomenq; Norici obtinuit.

2. Quæ ratione Bojaria à Romanis ad Bojos translata est?

Boji quingentis nonaginta annis ante Christi ortum è Gallia in Bohemiam transgressi, hanc exinde Bojohemiam apellârunt. Sed quîto post natum Servatorem anno à Marcoman-
nis,

nis, priscis Germaniæ incolis, sunt expulsi. Itaque in Nariscorum terras (Palatinum superiorem) profugi, sedem ibi fixerunt, donec anno 508. Ductore Theodone primo Almonium amnem trajecere, quo ipso ex transitu Dietfurto (seu Theodone vado) nomen deinceps adhæsit. Inde progressi, longius Ratisbonæ Danubium quoque superârunt, & pulsos ex Vindelicia Romanis, Boicum, eumque regium dominatum stabiliverunt. Porro Ratisbonam Romanis exortam, de Coniuge sua Reginobirga dixit Theodo Reginoburgum, in qua ipsa urbe Regiam sibi delegit. Ibidem loci Theodo III. sub finem seculi sexti à S. Rupertoin Deipatæ Sacello (*veterem Capellam* vocant) hodieque existente, sacro baptismatis fonte ablutus est.

3. *Quomodo Bojaria à primis Bojorum Ducibus ad Carolum Magnum transit?*

Thassilo ejus nominis tertius Bojariæ Dux in Conjugem acceperat Litopirgam, filiam Desiderii ultimi Longobardorum Regis. Hunc Carolus Magnus Ticini captum, Regno exuerat. Itaque Litopirga vindictæ furiis agitata, Thassilonem adversus Carolum Magnum concitare non destitit, quoad infesta arma caperet contra Regem Victorem. At enim ejus expeditionis consilium, sinister exitus frustratus est. Quippe à Carolo victus, suoque Ducatu privatus cum Principe filio in Gemetense Galliæ Monasterium migrare jussus est ubi vitâ laudabilissimè ductâ obiit circa annū 705.

Ex eo tempore Bojaria, in Gallicam Provinciam reducta, perstitit in Carolino stemmate usque ad Ludovici IV. obitum.

4. Quis inter mortuo Carolino stemmate Bojariæ imperavit?

Diversi imperârunt Duces, sed non ex una eademque Domo. Post mortem Ludovici IV. regnabat in Bojaria Arnulphus malus, ingenii planè inquieti Princeps. Hic invidens Cæsar rex coronæ, Conrado I & Henrico Aucupi bellum movit, sed ob id maleficium suis eteris expulsus. Arnulphus, filius Arnulphi, patriæ ausus est contra Othonem magnum, qui illum ità mulctavit, ut Ducatu adempto cum suis posteris in sortem Comitum retulerit. Ex hoc proin descendunt Palatini Comites Schi-
renses, & Comites Wittelsbacenses, qui tandem lapsu temporum restitutam Ducatûs dignitatem in Bojaria obtinuerunt. Neque exinde ea dignitas desit, sed hodiedum in Electorali Domo Boica floret.

5. Quinam Duces Boji post Arnulphum Malum, ejusque filium sunt memoriâ digni?

Post Arnulphum usque ad restitutionem Domûs Witelsbachia præerant Principes Saxones, Francones, & Suevi. Ex gente Saxo-Bavarica erat S. Henricus Cæsar, qui Abudiaci, oppido Bavaricæ ad Danubium, Ducalem Regiam suam locârat. Inter Duces Bojariæ ex Franconibus fuerunt Henricus III. & IV. postmodum Romani Imperatores. Hic remunerationis nomine Bojariam Guelphoni, è Comitum

tum Altorffensium in Suevia Itemmate possidendam dedit. Inter Guelphicæ prosapiæ Duces præ cæteris memorandi veniunt Henricus IX. *Niger*, Henricus X. prioris filius, *Superbus* dictus, & Henricus *Leo* cognominatus, postremi filius, qui præter Bojariam totam quoque possidebant Saxoniam, quam Henricus IX. conjugali fœdere sibi asseruit, Henricus *Leo* verò iterum amisit, quando à Cæsare Frederico Ænobarbo A. 1180. proscriptus, omnibusque suis Regionibus, præter Brunsvicensem & Luneburgensem, est exutus, Bojariâ Othoni Comiti Wittelsbachio, ob egregiam in bello navatam operam, attributâ. Interea temporis urbs Ratisbona in libertatem asserta, non rediit deinceps ad dominium Boicum. Idem Henricus *superbus* pontem illum celeberrimum Ratisbonæ è lapide quadrato sub A. 1140. exstruendum curavit.

6. *Quinam Duces & Electores post Henrici Leonis proscriptionem ad hanc usque diem rexere Bavariam?*

1. Otho M. Wittelsbachius, hodiernæ Domûs Bavaricæ Auctor. Obiit A. 1183.

2. Ludovicus Elector, qui totum Palatinum cum Electorali dignitate in familiam Wittelsbachiam pactis nuptialibus transtulit. Occisus est Kelhemii An. 1231.

3. Otho Elector obiit An. 1253.

4. Ludovicus Severus, Elector, occisa ob adulterii suspicionem conjuge cum aliis quatuor, tantis idcirco animi tormentis excruciat

tus est, ut insequente mox nocte totus inca-
nuerit, Fürstenfeldensis exinde Monasterii
conditor. Rudolpho filio, nominis, gentisq;
Palatinæ propagatori Palatinatum; Ludovi-
co verò, postea Cæsari, reliquit Bavariam, ex
eo tempore à Palatinatu, universè accepto,
semper sejunctam Obiit 1294.

7. *Quæ Bavariæ facta divisio à Ludovici Cæ-
saris obitu?*

Hujus filius Stephanus I. Bavariam tribus
suis filiis ità divisit ut Stephano, natu maxi-
mo, Ingolstadium, Friderico Landishutum,
Joanni natu minimo Monachium obvenerit.
Deficiente porrò post annos 53. Stephani pro-
genie, hæreditas obtrigit Duci Landishutano.
Sed & hujus stirpe post annos centum & un-
decim exarescente, Albertus IV. Bavariam
solus obtinuit, legemque tulit, ut deinceps na-
tu maximus Bavariæ universæ solus præesset.
Obiit Stephanus I. A. 1377. cujus filius Jo-
annes A. 1397. Ernestus verò Joannis filius
A. 1438. ex hac vita migravit. Albertus por-
rò Pius, Ernesti filius A. 1460. decedens, te-
stamento caverat, ut è quinque filiis summa
rerum ad Joannein & Sigismundum, natu ma-
jores, deferretur.

Sigismundus: Basilicæ B. M. V. Monachii
conditor, trienniū cū Joanne, hocque peste sub-
lato, solus biennium regnabat, Principatu ex-
inde in Albertum IV. fratrem sponte transla-
to; cui tamen Christophorus & Wolfgangus
fratres natu minores, multum negotii facesse-
bant.

bant. At longò difficilior eidem contentio fuit cum Georgio Duce Landishutano Ludovici divitis, qui Ingolstadiensem Academiam condidit, filio. Hic filiam Ruperto Palatino delpondit, dotique inferiorem dixit Bavariā. Orto indè bello gravissimo; iis tandem conditionibus A. 1505 pax firmata est, ut Ruperti pupillis Othoni Henrico novus, uti deinceps appellari cœpit, Palatinatus attribueretur.

8. *Qui Duces & Electores universa denuo Bavariæ imperârunt?*

1. Albertus IV. divisas Bavariæ Provincias iterum conjunxit A. 1507. Mortuus anno sequente 1508.

2. Guilielmus IV. Constans eò præcipuè appellatus, quòd in Bavaria Religionem Catholicam, grassante circumcirca hæreseos lue, & Marte rustico latè omnia devastante, factam, tectamque conservavit. Mortuo Landishuti Ludovico fratre inferioris Bavariæ Duce, solus rerum potitus. Decessit A. 1550.

3. Albertus V. Religionis Orthodoxæ in Germania propugnator fortissimus, legem jam antea latam stabilivit, ut nè posthac Bavaria divideretur. Societatem Jesu Ingolstadtum & Monachium introduxit. Obiit A. 1579.

4. Guilielmus V. Catholicæ itidem Religionis non in suis modò, sed exteris quoque Provinciis, præsertim adversùs Gebhardi Septemviri Coloniensis molitiones, vindex strenuissimus, Bavariæ Principatu, quem 17. annos summa cum laude tenuit, in Maximilianum

num filium sponte translato, per 29. annos vitæ reliquos animæ negotium, omnium gravissimum, unicequè necessarium, tractandum suscepit. Vivere desit A. 1626.

5. Maximilianus I. Heros incomparabilis, post Pragensem victoriam Septemvirali dignitate A. 1623. auctus, Palatinatum superiorè, & urbem Donaverdam Ecclesiæ simul Catholicæ, ac Boicæ Domui asseruit. Obiit Ingolstadii A. 1651.

6. Ferdinandus Maria, Principis optimi numeros omnes implevit. Nec minor ipsi, quàm Progenitoribus, Orthodoxæ Religionis cura erat, qui omnium Bavarix principum natus quasi character est, basisque & fundamentum boni, auspiciatque Principatus. Obiit Schleishemii A. 1679.

7. Maximilianus Emmanuel in Hungaricis præcipuè pro re Christiana susceptis expeditionibus, liberatione Viennæ, expugnationibus urbium Budæ, Strigonii, Neosolii, Elsecii, & maxime Belgradi, &c. pugnis item decretoriis ad Baracanum, Moliadium &c. immortale sibi nomen comparavit. Indè variis bellis implicitus, & fortunam utramque expertus, recuperatis A. 2715. Provinciis, Monachii diem obiit A. 1726.

8. Carolus Albertus, præfato Maximiliano & Rebellia Sobiescia consorte Joannis III. Poloniæ Regis filia progenitus 1697. Electus Imperator, & coronatus sub nomine Caroli VII. 1742. Obiit 1744.

9. Carolus Maximilianus hodiè, Bavarix Imperans.,

De Electoratu Palatino.

1. *Quæ Palatinatûs facies ante Caroli Magni tempora?*

1. Ante Romanorum adventum Palatinatûs vetustissimi Regni alemannici pars fuerat. 2. Imperante Augusto, & hunc, & omnes alias Provincias Rhenanas Romani in potestatem suam redege're 3 Incolæ Palatinatûs in Francica postmodum expeditione à Pharamundo A. 424. suscepta, superato Rheno, Romanos in Gallia sunt adorti.

2. *Quid de antiquis Comitibus Palatinis sciendum?*

1. Cùm olim Germania, in Principatus nondum distributa, solis pareret Imperatoribus, hique sedes suas identidem mutarent, fuerunt pro singulis Provinciis constituti supremi Præfecti, dicti Comites Palatini, qui, nomine Cæsaris absentis controversias dirimerent. Hos inter eminebat Comes Palatinus Rheni: quia non solum in adjacentibus terris, sed in ipsa etiam Aula Imperatoris, imò, cùm hic Romam proficisceretur, per universam Germaniam juris dicendi potestatem habebat. 2. Exstincta porrò per Ludovici IV. mortem Carolina stirpe, regionum Præfecti, in Palatinatu ac alibi, munia & Provincias fidei suæ commissas hereditario quasi jure possidere cœperunt. 3. Eberhardus A. 912. à fratre suo Conrado I. Cæsare Palatinatum pro sua familia obtinuit. 4.

Con-

Conradus Dux Sueviæ, frater Friderici I. Imperatoris anno 1156. Heidelbergam condidit.

3. *Quinam extincta stirpe Carolina Palatinatum obtinebant, donec is Domui Wittelsbachia obvenit?*

Nobilissima omnes, at diversa stirpe prognati erant, quos brevitatis studio præterimus. Henricus Henrici Leonis filius pactis dotalibus Provinciæ possessionem adiit; sed eadem iterum dejectus est anno 1215. quando à Friderico II. Cæsare fuit proscriptus. Postmodum Ludovico Bavariæ Duci, Othonis I. Wittelsbachii filio, Palatinatus clientelari jure est traditus; nec antè tamen in ejusdem possessione venire licuit, quàm Otho Ludovici filius Agnetem, Henrici proscripti filiam matrimonio sibi junxit. An, 1225.

4. *Quandiu Domus Bavarica Palatinatum simul ac Bavariam cum Electoratu tenuit?*

Annos circiter septuaginta, quoad nempe Rudolpho, Ludovici Severi filio natu majori, Palatinatus, Ludovico verò, postea Cæsari, Bavaria est attributa, divisione hac in hodiernum usque diem perdurante.

5. *Quinam exinde Electores Palatini Electoribus Boico-Palatinis succedere?*

Orti hi erant ex triplici stirpe. 1. Rudolphina. 2. Simmerensi. 3. Neoburgica.

6. *Quid de Rudolphinæ stirpis Electoribus universè memorandum?*

Ex hac tredecim Electoratum obtinere ab A. 1294. ad A. 1559. Nos aliquos memorabimus.

Rudolpho I. quod à Friderico Austrio contra Ludovicum fratrem stetit, proscripto, Palatinatum tamen cum Septemviratu recepere filii, ea lege (quam jam antea avus Ludovicus Cæsar, patruus fœdere Ticini inito renovaverat) ut ex Domo Bavarica & Palatina alternis posthac vicibus Septemviri legerentur.

Verum Carolus IV. Cæsar Rupertum I. Rudolphi I. filium, & Annæ Conjugis suæ fratrem, ejusque posteros edito Norimbergæ A. 1356. diplomate perpetuos S. R. I. Archidapiferos & Septemviros instituit.

Ruperto igitur I. successit Rupertus II. ex fratre nepos, & huic Rupertus III. qui exauclorato A. 1400. Venceslao, Cæsar est creatus.

Ludovicus Barbatus Ruperti III. filius, in Concilio Constantiensi Sigismundi Cæsaris, aliquoties absentis, vices implevit. Indè domum redux linguam Latinā jam senex cœpit addiscere, quod Cæsar Sigismundus sæpius conquestus esset, nullum ex Electoribus laicis latinè scire. Hujus progenies defecit A. 1559. Othone Henrico sinè liberis emortuo. Hic à Georgio Divite Duce Landishutano, avo suo materno Palatinatum novum seu Neoburgicum, post bellum cruentum Domum inter Bavaricam & Palatinam exortum, obtinuit.

6,

6. Qui

6. *Qui Electores Palatini è stirpe Simmerensi?*

1. Fridericus III. 2. Ludovicus. 3. Fridericus IV, 4. Fridericus V. qui post pugnam Pragensem septemviratu, & Bohemiæ Regno, in quod ambitiosæ potissimum cōjugis, aliorumque pessimis consiliis inductus, sese intruserat, exutus, fato cessit A. 1632. sex & triginta haud amplius annos natus. 5. Carolus Ludovicus Frid. V. filius, cui per pacta Monasteriensia octava dignitas Electoralis cum Archithesaurarii titulo adjudicata est. 6. Carolus A. 1685. sine prole decedens, cujus soror Philippo Aurelianensi nupta, ansam dedit bello exitiosissimo, quo miles Gallicus totum penè Palatinatum ferrò ac flammis depopulatus est.

8. *Qui Electores Palatini è stirpe Neoburgica?*

1. Philippus Vilhelmus, Domus Palatinæ augustum decus, & religionis præsertim orthodoxæ strenuus propugnator. Ex Elisabetha Amalia Hassiæ Landgravia Liberos suscepit septendecim, plerosque omnes infans, imperialibus, regibusque diadematis, insignibus Electoralibus &c. cōspicuos obiit A. 1690.

2. Joannes Vilhelmus, qui causam, Domum inter Palatinam, & Aurelianensem tandem agitatum, arbitro tandem Romano Pontifice obtinuit, nullique exindè pepercit labori, quo Palatinatum Gallorum incendiis, cædibus, direptionibus miserè devastatū erigeret, melioremque in statum restitueret. E vita discessit A. 1716.

3. Ca-

3. Carolus Philippus Elector, Joannis Villhelmi frater obiit A. 1743. Carolus Philippus ex Joāne Christiano Principe de Sulczbach & Maria Henrietta Filia Francisci Marchionis de latour Auvergnæ progenitus, successit 1743.

9. *Quas metamorphoses Religio subiit in Palatinatu?*

1. Fridericus II. Lutheranismum crūdum adhuc & impolitum. 2. Otho Henricus confessionem Augustanam, à Melanchtone cusam, ac sapius recusam. 3. Fridericus III. Zwinglii. 4. Ludovicus Ubiquistarum. 5. Fridericus IV. ejusque Tutor Casimirus Calvini sectam terris suis invexere, tam acerbis Neo-Evangelicorū odiis, & insectationibus, ut Lutherani Calvinistas, hique illos ferro, igne, rotā è templis, scholis, urbibus exterminatos vellent, donec tandem Wolfgangus Wilhelmus Religionem avitam, jam inde à S. Materni & S. Crescentis, primorum tractūs Rhenani Apostolorum, temporibus per annos 1400. usque ad horribile illud Germaniæ schisma cultam semper, observatamque A. 1614. cœpit reducere. Hujus exemplo non modò tota Domūs Palatina ad Catholica sacra postmodum reversa est.

§. 4.

De Electoratu Saxonico, Brandenburgico, & Brunsvicensi.

1. *Quid de Saxonia ante Caroli Magni tempora memoratu dignum occurrit?*

In Saxoniam Romani veteres nunquam penetrarunt. Unde Regio hæc ante & post Christi ortum usque ad Carolum magnum ab inquilinis prisco Germanorum more gubernabatur. At Carolus magnus continuo trium & triginta annorum bello illos tandem devicit, & cum Duce suo Wittekindo ad Christiana sacra traduxit.

2. *Qui Duces post Caroli Magni tempora regnarunt in Saxonia?*

Quintuplici stirpe orti erant, nempe 1. Wittekindorum. 2. Billingorum. 3. Guelphorum sive Bojorum. 4. Ascaniorum sive Anhaltinorum. 5. Marchionum Misnensium.

3. *Quò hi ordinè regnarunt?*

1. E Wittekindi stirpe, quæ ante & post Caroli magni tempora rerum potiebatur, originè duxere 5. Imperatores Saxonici: Hæricus auceps, Otho I. II. III. & Henricus 4. 2. Hermānus Billingus, vir nobilis, ab Othone Magno ob præclara in Cæsarem hunc merita, A. 960. Saxonix Dux creatus, stemmatis Billingani auctor fuit. Fertur hic antea non nisi septem in dynastia sua colonos numerasse, quos ad unum omnes ob furtum, communi opera, & consilio cummissum, in furcam agi iussit. 3. Exstincto dein Billingorum stemmate Saxonia ad Guelphicam Bojorum Domum A. 1125. est translata. 4. Henrico

rico Leone proscripto Albertus Ursus ex gēte Ascania sive Anhaltina Saxoniae Ducatum A. 1180. obtinuit; cujus filius & Successor Bernardus primus Saxoniae Elector fuisse traditur. 5. Hâc quoque stirpē exarescente, Sigismundus Cæsar Fridericum Bellicosum Misniae Marchionem ob strenuam in bello Hussitico navatam operam Ducem & Electorem Saxoniae A. 1423. creavit. Ad hanc Marchionum Misnensium stirpem hodierna Saxonū Domus universa originem suam refert.

4. *Quinam inter Saxoniae Electores Speciatim memorandi?*

I. Fridericus Bellicosus duos genuerat filios Ernestum, & Albertum, unde stirps Ernestina & Albertina. Ex Ernestina tres Electores, Fridericus cum Joanne fratre, hujusque filio Joanne Friderico; Duces itēm Vinnarienses, Isenacēses, Gothani, Coburgenses, Meinungenses, Rœmhiltani, Eisenbergenses, Hildbertshusani, & Salfeldenses; ex Albertina verò reliqui Saxoniae Electores, Ducēsque Weissenfelsenses, Merseburgenses, & Citienses originem ducunt.

2. Fridericus Elector Lutherum, tanquam obstinatum schismaticum, & notorium hæreticum in Comitibus Wormatiensibus à Cæsare Carolo V. sex Electoribus, cæterisque Imperii ordinibus proscriptum, solus protexit. Obiit cælebs A. 1525.

3. Joannes Elector Frater Friderici, Protestantium caput, Confessionem Augustanam cum
C 3 Georgio

Georgio Marchione Brādenburgico, Ernesto Duce Brunsvicensi, Philippo Hassiæ Landgravio, Wolfgango Principe Anhaltino, uribus Norimbergensi, ac Reutlingensi A. 1530. Augustæ Vindelic. Carolo V. porrectam, & ab Imperatore, sex Electoribus, cæterisque Imperii statibus rejectam, propugnandam suscepit; quam tamen biennio post ejuravit, ac testamēto cavit, nè filius in hæreditarias Provincias antè succederet, quàm Luthero ejusque affectis exterminatis, avita sacra reduxisset. Indè Sacramentis Confessionis, Euchariستيæ, atque Extremæ unctionis ritè susceptis, obiit Catholicus A. 1532. uti testantur literæ, à filio Joanne Friderico ad Guilielmum & Ludovicum Baviaræ Duces, eodem año 1532. 24. Aug datæ, quæ in Electoralis aulæ tabulario Monachii hodièque asservantur, ac sæpius typis sunt vulgatæ.

4. Joannes Fridericus statuerat quidē initio ex suprema parentis voluntate, fideque eidem data, Lutheri sectam stirpitus eradicare; sed aliorum consiliis in transversum actus, fidem fefellit, maximo suo damno: nam postquam & ipse & reliqui Smalcaldici foederis focii cum centum ferè millium exercitu anno 1546. Cæsarem prope Ingolstadium oppugnare adorti, nè tentato quidem pugna discrimine turpi fuga dilapsi fuerant, altero mox anno ad Mulbergam captus, libertate, fortunisque omnibus excidit, Septemviratu in Mauritiū Albertinæ stirpis surculum, ejusque propaginem translato.

5. Qui-

5. *Quinam Albertina stirpis Electores?*

1. Mauritius. 2. Augustus frater Christianus, qui Calvinii sectam in Saxoniam parabat introducere. 4. Christianus II. 5. Joan. Georgius I. 6. Joan. Georgius II. 7. Joan. Georgius III. 8. Joan. Georgius IV. 9. Fridericus Augustus, Georgii IV. frater, Saxonie Elector, & Poloniae Rex, Religionem Catholicam per tot secula jam inde à SS. Aegisti, Marciani, Ludgeri & Caroli Magni temporibus in Saxonia sede stabili receptam, indeque duce & auctore Luthero exulare iussam, domum suam recepit anno 1697.

Fridericus Augustus III. successit 1733. Eodem anno in Regem Poloniae electus & coronatus feliciter imperat.

II.

De Electoratu Brandenburgico.

1. *Unde originem trahit hodierna Domus Electoralis Brandenburgica?*

Ab antiquissimo stemmate Comitum Zolleranorum, è quibus Conradus I. Rudolphi II. Comitis Zollerani (à quo hodierni Principes Hohenzolleranti) filius, ante annos amplius quingentos Comes Castellanus sive Burggravius Norimbergæ fuisse perhibetur. Quam dignitatem Fridericus III. à Cæsare Rudolpho I. an. 1237. jure hæreditario obtinuit. Fridericus VI. Norimbergæ Burggravius à Sigismundo Cæsare Marchiæ Brandenburgi-

burgicæ vicarius primum administrator, dein A. 1417. Septemvir est renuntiatus.

2. *Quinam Marchiæ Brandenburgicæ ante Comites Zolleranos præfuere?*

1. Henricus Auceps circa A. 928. Sigefridum Comitem Ringelheimensem ex Wittekindi stirpe primum Marchionem designavit. 2. Fridericus Ahenobarbus Albertum Ursum ex Ascania seu Anhaltina Domo Marchionatu simul & Septemviratu condecoravit. 3. Cum ultimus è stemmate Ascanio Elector sinè liberis decessisset. Cæsar Ludovicus Bavarus Septemviratum filio Ludovico, & hic Ludovico Romano fratri tradidit, cui sinè prole defuncto Otho frater successit. 4. Cum & Otho improlis obiisset, Carolus IV. Othonis focer, Marchionatum filio Venceslao, hic verò, post adeptam Imperii & Bohæmiæ coronam, fratri Sigismundo, tandè Imperator, Friderico Burggravio Norimbergensi è Comitibus Zolleranis cessit, ut suprà meminimus.

3. *Quot Electores Brandenburgicos Domus Zellariana numerat?*

Tredecim, è quibus primi quinque Catholici, tres proximi sequentes Lutherani, reliqui Calviniani, hoc ordine. 1. Fridericus I. 2. Fridericus II. 3. Albertus ob animi altitudinem Teutonicus Achilles, ob eloquentiã Ulysses Germanicus dictus. 4. Joannes, ob facundiam, Germaniæ Cicero appellatus, sedè ex Franconia in Marchiam Brandenburgicã transtulit. 5. Joachimus I. os & oraculū Imperii, ac sui temporis Nestor cōmunī Scri-

ptorum elogiō celebratus, Lutheranae factioni invictā constantiā se opposuit. 6 Joachimus II. Lutheri sectam A. 1539. palām est amplexus. Interiit veneno per Judæum propinato. 7. Joannes Georgius, à quo hodierni Marchiones Culembacēses, seu Baruthani, & Onoldini originem trahunt, *Formula Concordiae*, novisque Ubiquistarum erroribus cū Augusto Saxoniae Electore subscripsit. 8. Joachimus Fridericus Havelbergensem, Lebusiensem Episcopatum cum Archiepiscopatu Magdeburgensi sibi vindicavit. 9. Joannes Sigismundus A. 1614. sectam Lutheranam cū Calviniana commutavit. 10. Georgius Wilhelmus Borussiae Ducalem, quam Albertus Brandenburgicus, supremus Ordinis Teutonici Magister, facta ab Ecclesia & ordine secessione, occupaverat, jure hæreditario sibi asseruit. 11. Fridericus Vilhelmus, rebus belli pacisque tempore gestis nominatissimus, annos 48. ad clavum sedit. 12. Fridericus III. Regis Prussiae titulum anno 1701. primus assumpsit. 13. Fridericus Vilhelmus rerum potitus obiit 1740. successit Fridericus Carolus.

III.

De Electoratu Brūsvico - Luneburgico.

1. *Quis hodiernae Domūs Electoralis Brunsvicensis Conditor ?*

Henricus Leo è Guelphica stirpe Comitū Altorf-

Altorfensium in Suevia, qui Bavariam juxta & Saxoniam, cujus pars tunc erat tractus Brunsvico-Luneburgicus, in sua tenuit ditio-
 one. At postquā A. 1180. à Friderico I. pro-
 scriptus fuit, Provinciis omnibus, præter
 Brunsvicensem & Luneburgicam, est exutus.

2. *In quot ramos stirps Brunsvicensis hodierna
 dividitur?*

1. In Guelferbutanum, & hic iterum in
 Brunsvicensem, Guelferbutanum, & Bevera-
 num. 2. In Luneburgicum, hîcque in Cellê-
 sem, & Hannoveranum.

3. *Quis stirpem Guelferbutanam propagavit?*

Antonius Ulricus meximi ingenii Prin-
 cept, qui fratri Rudolpho Augusto sinè libe-
 ris defuncto in Ducatu Brunsvicensi succe-
 ssit, & A. 1710. ad Ecclesiæ Catholicæ gremi-
 um rediit, pater Augusti Wilhelmi, hodierni
 Ducis Brunsvico-Guelferbutani, & Ludo-
 vici Rudolphi Principis Blanckenburgensis,
 cujus filia natu major Elisabetha, Augusta ho-
 die Imperatrix est, minor verò Alexii Russiæ
 Monarchæ parens fuerat.

4. *Quis stirpis Luneburgicæ propagator?*

1. Georgius, qui A. 1641. mortuus. 4.
 reliquit filios, Christianum Ludovicum, Ge-
 orgium Wilhelmum, Joannem Fridericum,
 & Ernestum Augustum 2. Christiano Ludo-
 vico sinè liberis defuncto, in Ducatu Cellêsi
 successit Georgius Wilhelmus; cûmque &
 hic A. 1705. obiisset improlis, hæreditas ad
 Hannoveranum est devoluta. 3. Provinciæ

Han-

Hannoveranæ celsère Joanni Friderico A. 1651. Religionem Catholicam amplexo, Patri Wilhelminæ Amaliæ, Josepho Romanorum Regi, postea Imperatori, nuptæ. 4. Joanni Friderico sinè prole mascula A. 1670. obeunti successit Ernestus Augustus frater, quem Leopoldus I. A. 1692. nonum S. R. I. Electorem dixit. 5. Georgius Ludovicus Ernesti filius post multas, gravesque altercationes in Electorum Collegium Ratisbonæ A. 1708 admissus, & A. 1714. ad Britannia solium vocatus est. 6. Georgio Parenti in itinere ex Anglia in Germaniam An. 1727. fatis functo successit Georgius Augustus,

§. 5.

De Austria, Styria, Carinthia, Carniola, & Tirol.

1. *Quid de Regionibus hisce generatim dicendum?*

Totus hic terrarum tractus *Noricum* vocabatur; Cæsar Augustus, post gravia bella Tiberii privigni sui ductu ibidem gesta, in Romanam redegit Provinciam. Hanc annis quingentis Romani, hisque à Theodone I. Bavarie Duce sub A. C. 508. pulsus, Boici, post hos verò, Thassilone ultimo Bojarie Duce Agilolfingicæ stirpis à Carolo Magno A. 788. exauctorato, Præfecti alii atque alii administrabant.

2. *Qui pri-*

2. *Qui primi Austriæ Marchiones, Duces,
& Archiduces ?*

1- Tametsi Provinciæ hujus Præfecti jam antea Marchiones fuerint appellati; hæc tamen dignitas hæreditaria non erat, quoad tandem Leopoldus Illustris à Cæsare Henrico Aucupe contra Honnorum præcipuè irruptiones Austriæ Marchio designatus, eandem jure hæreditario cœpit possidere. 2. Hæricus II. Leopoldi Sancti filius, à Friderico Ænobarbo A. 1156 primus Austriæ Dux salutatus, multisque aliis prærogativis est ornatus. 3. Fridericus II. inter Austriæ Duces quintus, à Cæsare Friderico II. *Archiducis* titulo insigniri cœpit.

8. *Quâ occasione Austriæ possessionem adiit Dominus Habsburgica ?*

Othocarus Bohemiæ Rex, Friderico II. ultimo Austriæ Duce extincto, ejusdem sororem Margaritam matrimonio sibi junxerat diuturni illius interregni tempore. Cum Rudolphus Comes Habsburgicus ad Imperii solium fuisset evectus, Othocarus clientelare eidem præstare obsequium recusabat. Bello igitur à Cæsare semel atque iterum illato, in acie cecidit. Indè Austriam Domino, Rectoreque orbatâ Imperator filio Alberto I. clientelari nomine tradidit, quâ rex eo tēpore Dominus Habsburgica in sua semper tenet ditione.

4. *Quo pacto Styria, Carinthia, Carniola, & Tirolis obvenêre Austriacis ?*

Provinciæ istæ post Caroli Magni tēpora suis

suis quæque Dominis parebant. Styria A. 1193. emptione Austriaci juris facta est. Cariniola extinctis A. 1233. loci Marchionibus Austriacorum potestati se ultro subjecit. Carinthia A. 1332. annuente Cæsare Ludovico Bavaro clientelæ nomine Austriæ obvenit. Tyrolis Margarita Maultaschia, ultimi Carinthiæ Ducis & Comitis Tirolensis filia post filii sui obitum An. 1664. Austriacæ Domui cessit.

§. 6.

De Principibus Imperii Ecclesiasticis.

Hos eò recensēbimus ordinē, quò in Imperii Comitibus considerare solent.

1. *Quid de Archiepiscopatu Salisburgensi summatim memorandum ?*

Sanctus Maximus sub A. C. 474. Episcopale ibi munus sustinuit. At ubi biennio post urbs illa à Gothis, aliisque gentibus barbaris funditus everfa est, annis 142. deserta suis in ruderibus jacuit, donec Theodo III. Bojariæ Dux, urgente S. Ruperto urbem instauravit, atque Episcopatū Salisburgensem condidit A. 616. Sanctissimus hic Præsul Episcopatui præfuit usque ad A. 623. Arno, sub Caroli Magni tempora, primus ibidem Archiepiscopus fuit in anno 798.

2. *Quodnam fuit initium Ordinis Teutonici ?*

Cum Fridericus I. 1189. sacram expeditionem in Palæstinam susciperet, Germana Nobilitas eum ærtatim secuta est, quæ extincto

etiam

etiam Imperatore rem tam itrenuè egit, ut cili
 Ptolemaidem, urbem munitissimam, cum aliis sco
 Palæstinæ locis expugnaret. Exinde stabilis in
 eisdem sedes Hierosolymæ in montè Sion dra
 attributa, Ordóque Teutonicus ab Henrico ac
 Solymæ Rege, probante Pontifice institutus mo
 fuit, assignata in scutum Gentilitium nigra cle
 Cruce in albicante area. Magnus Ordinis &
 Magister, S. R. I. Princeps, sessionem obti
 net præ omnibus Episcopis, proximus ab Ar
 chiepiscopo Salisburgensi. Primus Ordinis Co
 Magister erat Henricus Walpott à Bassen Pe
 heim.

3. *Quæ origo 22. Episcopatum Germania?*

1. Episcopatûs Bambergensis fundator S. tu
 Henricus Imperator, qui primum Episcopu H
 Eberhardum suum Cancellarium denomina fe
 vit A. 1006.

2. Herbipoli S. Bonifacius, Archiepisco
 pus Moguntinus circa annum 740. S. Bur
 cardum ad primum insulam Episcopalem e
 vexit. Carolus Magnus Cæsar Ducatum Frã
 conicum huic Episcopatui dono adjecit.

3. Wormatiæ jam A. 346. florebat Archi
 episcopatus. Sed An. 744. trāsatus est Mo
 guntiam, ut tamen Wormatiensis Episcopo
 esse perseveraret.

4. Episcopatum Aichstadianum S. Bonifa
 cius An. 740. erexit, cui omnium primum
 præfecit S. Wilibaldum.

5. Spiræ erat ipso jam An. 346. Episcopus
 nomine Jessius, qui cum pluribus aliis Con
 cilio

Concilio Colonienſi interfuit. Quod verò Epiſcopi ante ipſum rexerint illam Eccleſiam, incompertū eſt. Cæterum Canonici Cathedralis Spiræ, Moguntiæ, Wormatiæ perinde ac in aliis Diœceſibus præſcò illius temporis more juncti in commune vivebant vitâ Eccleſiaſtica, donec A. 969. ſeparatim vivere & habitare ſinguli cæperunt.

6. S. Amandus An. 346. Epiſcopatum regebat Argentorati, & ipſe præſens Concilio Colonienſi. Quinam Epiſcopi ante ipſum Pedum Epiſcopale tenuerint, incertum eſt.

7. Anno 594 Conſtantiam Epiſcopatus ex vetuſta, ſed diruta urbe Vindoniſſa eſt tranſlatus, cujus primus fuit Epiſcopus Maximus. Hic Epiſcopatus omnium ampliſſimus cenſetur in Germania.

8. Auguſto Vindelicorum tertio ſæculo primus Epiſcopus præſedit S. Dionyſius, ibidem in perſecutione Diocletiani Martyrio coronatus.

9 Epiſcopatum Hildeshemiſem Carolus Magnus fundavit, cui Guntharius omniū primus præſuit. In tota Saxonia ſub fatali Religionis ſchiſmate hic ſolus Epiſcopatus in Catholicæ fidei veritate conſtantiam tenuit.

10. Paderbornenſi Epiſcopatui itidem Carolus Magnus initium dedit, & cathedralem quidem Eccleſiam eo in loco condidit, in quo, dum in caſtris Cæſareū Textorium terræ depangitur, copioſa aquarum ſcatebra ſeſe aperuit, undè totus exercitus fuit recreatus.

11. Epi-

11. Episcopatus Frisingensi sub Annum 730. interventu Odilonis Ducis Boici, S. Bonifacius S. Corbinianum præfecit.

12. Episcopatus Ratisbonensis sub An. 739 item à S. Bonifacio institutus est, primo Episcopo Gaubaldo. Jam ante hunc tamen alii exteri ibidem Episcopi præfuere, sed absque Episcopatu, & legitima successione. Ejus generis fuerunt An. 640. Paulinus, An. 652. S. Martyr Emmeramus.

13. Episcopatus Laureacensis à Theodone III. Bojariæ Duce An. 634. Bojodurum sive Passavium est translatus, postquam Laureacum ab Hunnis ferro, flammâq; vastatum est.

14. Ecclesiæ Tridentinæ Jovinum primū præfecit Episcopum S. Hermagoras Episcopus Aquilejensis, S. Marci Discipulus. Eundem Episcopatum Theodosius M. & Carolus Magnus, postque hos Conradus II. multis beneficiis cumulârunt.

15. Brixinensi Episcopatus Sabionæ (urbs tunc erat binis circiter milliaribus Brixinâ distans; undè *Episcopatus Sabionensis* vocabatur) sub Annum Domini 350. fundato, præesse cœpit S. Cassianus. S. Albinus verò inunte sæculo XI. sedem Episcopalem Sabionâ Brixinam transferre statuit.

16. Primus Basileensium Episcopus fuisse traditur S. Pantalus. Sunt tamen, qui præcessisse scribunt Justinianum, aliosq; plures Episcopos, quorum nomina temporum injuriâ interciderunt. Episcopi porro Basileensis
sedes

sedes post Religionē Catholicā Basileā, ubi, quatuordecim & ampliùs seculis floruit, exulare iussam, Bruntrutum; Canonicoꝝ verò Cathedralium Arleshemium est translatum.

17. Leodiensis Episcopatus à S. Materno An. 101. Tūgris primū institutus; indè urbe hac ab Hunnis eversa, Traiectum translatus, ac tandem Leodii stabilitus est.

18. Episcopatum Osnabrugensem à Carolo Magno sub Annum Christi 786. fundatū primogessit Viso vel Vitho, donec multis post seculis per pacta Monasteriensia exemplo ultra sedecim secula inaudito, alterna vice praeesse coepit, nunc Episcopus Catholicus, nūc eo decedente, Princeps Lutheranus, sacra interim curante Archiepiscopo Colonienſi.

19. Monasteriensis (olim Mimigradensis seu Mimigardevordensis) Episcopatus pariter à Carolo Magno An. 788. fundatus, primum veneratur Episcopum S. Ludgerum.

20. Curiensem Episcopatum alii ab ipso S. Petro inchoatum, & à S. Lucio continuatum; alii sæculo IV. institutum fuisse perhibent, ex quorum sententia primus Curiae Episcopus fuit S. Afimo, quem An. 451. Cōcilio Chalcedonenſi interfuisse constat.

21. Primus Lausannensiū Episcopus Protaſius Clodovæi I. ætate etiamnum superſtes fuit An. 717. Urbe porrò, tractuque Lausannensi à Bernatibus An. 1533. occupato, sedes Episcopalis Friburgum Nuithonum translata est.

22. Episcopatum in Valetia primus gessit S. Theodorus, qui an. 381. Cōcilio Aquilejensi interfuit.

4. *Quot Germania Episcopatus facti cum Ecclesia Orthodoxa divortio, profanati fuere, & alienati?*

Sedecim: duo nempe Archiepiscopatus: Bremenſis, quem Carolus Magnus, & Magdeburgenſis, quem Otho M. instituit, cum Episcopatibus quatuordecim, nimirum Mindelſi, Verdenſi, & Halberſtadiano, à Carolo Magno fundatis, Caminenſi, itēm, Suerinenſi, Raceburgenſi, Lubecenſi, Miſnienſi, Merſeburgēſi, Naumburgenſi, Havelbergenſi, Brandenburgico, Lebuſienſi, & Schleſvicenſi, qui omnes partim Veſtphalico, partim Saxoniciſ Circulis ſunt adſcripti.

5. *Quæ S. R. I. Præpoſitura, & Abbatia Principes?*

1. Principem Abbatiam Fuldenſem Ord: S. Benedicti an. 744. S. Bonifacius Archiepiſcopus Moguntinus instituit. 2. Campidunenſem ejusdem Ordinis an. 777. fundavit S. Hildegardis Caroli Magni Auguſta Conjunx Princeps porrò Fuldenſis perpetuus Imperatricis *Archi-Cancellarius* eſt; Princeps verò Campidunenſis ejusdem *Archi-Mareſcallus*. 3. Magnus Equitum Melitenſium Prior, idemq; S. R. I. Princeps, cujus ſedes Heitersheim in Briſgoja, curat bona Ordinis Melitenſis (ſæculo XII. instituti) per Germaniam, Bohemiam, & Hungariam &c. 4. Præpoſitura Elvacenſis in Suevia à BB. Hariolpho, & Erlol-

S. Erlolpho ejus fratre, Lingonensium Episcopo, anno 764. est fundata, eratquè primùm Abbatia Ordinis S. Benedicti indequè ab an. 1460. Canonorum sæcularium equestri genere natorum Collegium & Princeps Præpositura. 5. Berchtolsganensem Præposituram Canonorum Regularium fundârunt anno 1108. duo fratres & Comites Sultzbacenses. 6. Abbatia Prumiensis, à Pipino Caroli Magni parente, Benedictinis primùm, dein an. 1526. Archiepiscopo Trevirensi supremo cum jure ac dominio tradita est. 7. Weissenburgensis Abbatia in Alsatia à Dagoberto Galliarum Rege an. 629. itidem Ordini S. Benedicti, dein an. 1526. Canonicis sæcularibus, ac tandem Episcopo Spirensi est attributa. 8. Abbatia Stabulensis Ord: S. Bened: in Leodiensi Diœcesi primordia sua refert ad annū 657. fundata à Sigeberto Austrasiarum Rege. 9. Abbatiam Corbejensem ejusdem Ordinis in Circulo Westphalico sub annum 822. fundavit Ludovicus Pius, Cæsar. 10. Abbatia Murbacensis & Luderensis Ord: S. Bened: in Alsatia, cui utrique unus idemque Abbas præest, in Comitibus antehac sessione & suffragio gaudebant; sed modò sub Gallica sunt ditione. Fundator erat Eberhardus Alemanniæ Dux anno 724. Principem porrò Abbatiam Hirsfeldensem Hassio Casselanus; Saalfelden sem verò Saxo-Saalfeldensis Dux occupavit. Utraque Ordinis S. Benedicti erat.

6. *Quæ S. R. I. Principes Antistitæ Catholicae ?*

1. Antistia Ellendienſis, in Ducatu Montano. Collegii Nobilium Virginum Fundator fuit S. Alſfridus Episcopus Hildeſienſis sub annum 860.

2. Buchaviensis ad lacum plumarium in Suevia, ubi Sancta Adelindis S. Hildegardis Imperatricis Soror, sæculo VIII. Nobilium pariter Virginum Collegium condidit.

3. Andlaviensis in Alſatia, ubi Principem Nobilium Virginum Parthenonem an. 880. fundavit Richarda, Caroli Crassi Augusta Conjunx.

4. Lindaviensis in urbe Imperiali Lindavia, ubi ineunte sæculo IX. Adalbertus Comes Rhætiae Curiensis Collegium Nobilium Virginum excitandum curavit an. 866.

5. Ratisbonæ Parthenonem Inferiorem ineunte sæculo X. fundavit Juditha Conjunx Henrici I. Bojariae Ducis.

6. Superiorem verò Parthenonem ibidem condidit Hemma Caroli Crassi Mater sæculo IX.

Abbatiae porrò Principes Quedlinburgensis, Herfordiensis, Gerenrodensis, Ganderſheimienſis &c. ab Ecclesia Orthodoxa deſcivere.

§. 7.

De reliquis Principibus S. R. I.
Laicis.

I.

Antiquiores Principum Domus.

1. *Quæ origo Ducum Megalopolitanorum?*

Hi originem ducere perhibentur ab antiquissimis Regibus Vandalorum nominatim à Genferico, qui vivebat sæculo V. quorum, uti & sequentium Principum in varias stirpes, ac ramos propagatio ex genealogicis passim tabellis colligi poterit.

2. *Quæ exordia Domûs Wirtembergicæ?*

Orti hi sunt à vetustissimis Dynastis Beutelsbacensibus, quorum quidam sæculo IX. Hildegardem Caroli Magni filiam in matrimonio habuit. Conradus Beutelsbacensis à Cæsare Henrico IV. actus est Comitatu Wirtembergico sub annum 1080. Eberhardus VI. an. 1495. à Maximiliano I. Cæsare primus Wirtembergiæ & Tecciae Dux salutaris est.

3. *Unde Hassiæ Landgraviæ oriundi?*

A priscis Brabantiae Ducibus, qui genus suum referunt ad Pharamundum Franciæ Regem. Henricus Magnanimus Brabantiae Dux duos reliquerat Flios, Henricum Māsuetum, & Henricum *Infantem* dictum, quod jam tūc parente fuit orbatus. Igitur hic jure materno (Mater Thuringiæ Landgravia erat.) successit in Hassiæ Lādgraviatu, prioribus Thuringiæ Landgraviis, qui & Hassiæ Domini erant, an. 1247. extinctis.

4. Unde orti Marchiones Badenses?

A priscis Ducibus Zæringensibus, quibus parebat magna pars Helvetiæ, Alsatia, Brisgoja, &c. Quippe Hermannus Marchio Badensis Parentem nactus est Bertholdum I. Zæringæ Ducem circa annum 1050.

5. Quis Ducatus Holsatiæ Auctor?

Ferunt, Wittekindum conditorem dicti Ducatus fuisse. Ad nostra tempora si propius accedamus, constat, Theodorico Fortunato, Comiti Oldenburgico filium fuisse, qui primus Holsatiæ Dux, demum Rex Daniæ fuit. Anno. 1448.

6. Qui Natales Ducum Saxo-Lavenburgicorum, & Principum Anhaltinorum?

Ambo originem referunt ad Electores Saxonix, illi quidem ad Albertum anno 1285. hi verò ad Bernardum, filium Alberti Urli. Stirps Saxo-Lavenburgica exaruit, sed Anhaltina hodie dum floret.

I I.

Recentiores Principum Domus.

1. Quando, & à quo Comites ab Aremberg evicti sunt ad Principum dignitatem?

Primus hunc honoris gradum conscendit Joannes Comes ab Aremberg anno 1565. sub Cæsare Maximiliano II.

2. Quinam in Principum Collegium cooptati à Cæsare Ferdinando II.?

1. Vetustissima Comitum Stirps Zollerna, cujus primordia fluunt à Rege Franciæ Pharamundo, dein à Guelphis Altorffii in Sue-

Suevia Comitibus. Principatûs insignia accepit anno 1623. 2. Domûs Lobkowizia, parentiqua Bohemiæ Stirps anno 1624. 3. Domûs Salmenfis pervetusta, orta ex Vildgraviis & Rheingraviis, Principatûs nomen obtinuit anno 1622. 4. Comites Dietrichsteinii ex Carinthia 1622. 5. Comites Liechtensteinii anno 1623.

3. *Qui verò à Cæsare Ferdinando III.?*

1. Comites Nassovienses anno 1654. 2. Comites Auersbergenses 1653. 3. Comites Frisiæ Orientalis 1654. 4. Piccolomini è nobilissima Hetruriæ familia 1654.

4. *Quosnam ad hunc honoris apicem evexit Cæsar Leopoldus?*

1. Landgravios Furstenbergicos antiquissimæ prosapiæ, utpote ex Agilolfingico Stemmæ prognatos. Ex his Stirps Heiligenbergensis Principis dignitate aucta est an. 1667. eaque extinctâ, Domûs Molskirchensis & Stulingensis 1716. 2. Comites Schwartzbergicos ex antiquissimo stemmate Comitû de Seinsheim 1671. 3. Comites Oettinganos jam indè ab Othonis M. ætate florentissimos 1671. 4. Portianos ex Foro Julio 1662. 5. Schwartzburgicos 1697. Domûs porrò Eggenbergica, an. 1623. & Croyensis, anno 1666. in S. R. I. Principum Collegium cooptata, extincta est.

5. *Qui S. R. I. Principes creati à Josepho I.?*

1. Lambergenses 1707. 2. Trautsonii 1711. 3. Lowensteinii 1711. quibus Carolus

ius VI. hodiernus Imperator adjunxit Principes Waldeckenses.

Observationes ad partem primam.

1. *In quò Imperii Romano-Germanici felicitas sita est?*

In eò, ut membra, seu status Romani Imperii cum suò Capite, nempe Cæsare, secundum Imperii statuta, arctissimè sint conjuncti, nec in sua duntaxat commoda, sed totius Imperii salutem, ex antiqua fidei Germanicæ integritate, unicè sint intenti.

2. *Quæ jura suprema Majestatis Cæsareæ?*

1. Cæsar supremum jus habet in totum Romanum Imperium. 2. Reges, Duces, Principes, Comites, Barones, Nobiles &c. creare potest. 3. Beneficia Imperii clientelaria omnibus Imperii statibus, exacto ab iisdem fidelitatis sacramento, confert. 4. Academias erigit, aut confirmat. 5. Novas condit civitates, easque peculiaribus favoribus & privilegiis ornat, ut taceam plures alias prærogativas, quas *Regalia* seu *Reservata* Imperatoris vocant.

3. *Quid sunt Imperii Comititia?*

Est omnium Imperii ordinum Conventus, à Cæsare, monitis prius per Legatos Electoribus, coactus, in quò de magni momenti negotiis in Imperii emolumentum deliberatur, & consultatur.

4. *Quæ Comitiorum Methodus?*

1. Imperator, aut ejus Legatus (vulgò
Prin-

Principalis Commissarius) res deliberandas proponit. 2. Harum capita scripto traduntur tribus Statuum Collegiis. 3. Præstituta die Collegia singula, in suo quodque senaculo, congregata, consilia ineunt, privatimque suum ferunt suffragium, Principes quidem viritim, imò & reliqui; ità tamen, ut horum posteriorum suffragia nonnisi pro numero classium seu subcelliorum supputentur, ut supra dictum est pag. 26. & 28. 4. Hac consultatione finita, Collegia Electorum & Principum in unum conveniunt locum, & suffragia seorsum lata in commune conferunt. Inde advocatis quoque civitatum Delegatis suam aperiunt, ac eorum vicissim exquirunt sententiam, in quam si plures iverint, hæc Cæsari probanda offertur, qui approbandi aut reprobandi jus habet, etiamsi omnes concordassent. Quòd si ordinum sententiam ratam habuerit Cæsar, hæc in tabulas relata, post Cæsaris, Ordinumque subscriptionem constitutio seu *Recessus* Imperii appellatur, vimque legis obtinet. Variantibus porrò Ordinum sententiis, de integro repetitur consultatio, disquiriturque: num qua ratione omnium, aut plurium saltèm consensus obtineri possit? Sin minus; suffragia, ut ut discordantia, cum Cæsare tamen communicantur, cujus solius est decretoriam pronuntiare sententiam.

5. *Quis Comitiorum ingressus?*

Si Cæsar ipse præsens, hunc Electores è
pala-

palatio ad Templum comitari antehac consuevère hoc ordine.

| | | |
|-------------------------|--------------------------|---------------------|
| <i>Trevirensis.</i> | | |
| <i>Brandenburgus</i> | <i>Bavarus</i> | <i>Palatinus</i> |
| <i>cum Sceptro.</i> | <i>cum Imperii Pomo.</i> | <i>cum Corona.</i> |
| <i>Saxo cum Gladio.</i> | | |
| <i>Moguntius</i> | <i>Imperator.</i> | <i>Colonienfis.</i> |
| <i>Bobemus.</i> | | |

In Templo pro auspicato Comitiorum successu solemne fit Missæ Sacrificium. Quo peracto ad locum Comitii destinatum disceditur.

6. *Quis ibidem sedendi ordo?*

Cæsar solio insidet tribus gradibus distincto, sub conopeo Electorum sedes duobus, Principum uno gradu attollitur. Ordo est sequens;

| | | |
|------------------------------|--------------------------|-------------------------|
| <i>Imperator.</i> | | |
| <i>Maguntinus</i> | <i>Rex, si quis est,</i> | <i>Trevirensis,</i> |
| <i>Bobemus.</i> | <i>Romanorum, è</i> | <i>Colonienfis,</i> |
| <i>Bavarus.</i> | <i>regione Cæsaris.</i> | <i>Saxo.</i> |
| <i>Brandenburgus.</i> | | <i>Palatinus.</i> |
| <i>Brunsvicensis.</i> | | |
| <i>Archidux Austria.</i> | <i>Antistites Au-</i> | <i>Principes laici,</i> |
| <i>Principes Eccle-</i> | <i>gustanæ Conf.</i> | <i>Comites.</i> |
| <i>siast. & Abbates.</i> | | |

Delegati Civitatum.

7. *Quô demum modô terminantur Comititia?*

Quæ in his decreta fuère, summam com-
prehensa in membranas seu tabulas referun-
tur, Cæsareq; & Statibus præsentibus, à Mo-
guntino, Imperii Archicancellario, recitantur,
ad

ad quæ exequenda Imperator Ordines paucis cohortatur, sicque Comitibus finis imponitur.

8. *Cur Imperii Comitibus Ratisbonæ adhuc fieri solita, dicuntur continua?*

Quia jam inde à 20 Januarii anni 1663. in hanc usque diem perdurant. His semper è S. R. I. Principibus. Cæsaris vice ac nomine præest Legatus, seu *Principalis*, ut vocant, *Commissarius*. Cæterorum pariter Ordinum delegati suorum quisque Dominorum nomine Imperii negotia tractanda suscipiunt.

9. *Quæ Electorum munia primaria?*

Tres Electores Ecclesiastici sunt S. R. I. Archicancellarii, uti supra c. 3. meminimus. Bohemus est Archipocillator, Bavarus Archidapifer, Saxo Archimarescallus, Brandenburgus Archicamerarius, Palatinus Archithesaurarius.

10. *Quid sibi volunt officia hæreditaria?*

Singuli Electores singulos habent muneris sui vicarios, qui absentium vices expleant, hancquæ dignitatem jure hæreditario semper retineant; undè officia *hæreditaria* appellantur. Comites Althanenses sunt hæreditarii S. R. I. Pocillatores, Comites Valdburgenses Dapiferi, Comites Pappenheimii Marescalli, Principes & Comites Zollerani Camerarii, Comites Sinzendorfii Thesaurarii.

11. *Quandonam Germania Episcopi cum Abbatibus quibusdam appellari ceperunt*

S. R. I. Principes?

Quamvis hi jam inde à Caroli Magni tem-

poribus ad Imperii Comitia convenerint; Principis tamen titulum iisdem jam tunc fuisse adscriptum haud satis constat. Id verò exploratum habemus, à Cæsare Othone M. ejusquè successoribus quàm plurimos nominatos fuisse S. R. I. Principes Ecclesiasticos. Hodie Germaniæ Episcopi à Cathedralium Canonorum senatu eliguntur, qui à summo dein Pontifice inaugurantur, à Cæsare verò tanquam S. R. I. Principes in fidē & clientelam recipiuntur.

12. *Num hæc dignitatis accessio detrimenti quid attulit Imperio?*

Id nonnisi heterodoxi, jurati Ecclesiæ Catholicæ, & Sacerdotii hostes pro more suo comminiscuntur; quippe omnibus notum est Principes Ecclesiasticos ex fundis clientelaribus ad communia Imperii onera ferenda sociam conferre operam, suisquè suffragiis in Imperii Comitibus nihil adhuc detrimenti, emolumenti verò plurimum attulisse Reipublicæ.

13. *Quando S. R. I. Principes laici fuere instituti?*

Caroli Magni temporibus Provinciæ præque omnes vicario nomine administrabantur. At stirpe Carolina exspirane, Præfecturæ hæ factæ sunt hæreditariæ.

14. *Ecquod discrimen Comites inter Palatinos, Marchiones, Landgravios, & Burggravios?*

Olim Comites Palatini Palatii Cæsarei, Marchiones limitum Imperii, Landgravii
Pro

Provinciarum, Burggravii castri Cæsarei, seu Regiæ (quales tunc pluribus in locis habebant Imperatores) Præfecti erant ac Prætores.

15. *Quæ origo Comitum, Equitum, & urbium Imperialium ?*

Comites secundum etymon Latinum inde appellati fuisse videntur, quod Imperatores & Reges suos, quorum supremi erant Præfecti, & Aulæ Ministri, *comitari* ut plurimum consueverint. Secundum etymon verò Germanicum nomen traxisse videntur à *Canis*, sive *canitie*, quod Reges, Ducesque Germanorum olim in supremos Aulæ Ministros, judiciorum Præsides, locorū Præfectos, &c. non alios plerumque sibi delegerint, quàm qui prudentiâ, doctrinâ, virtute, usu, & experientiâ, ac proinde ætate & *canitie*, venerabiles omnibus erât, ac spectabiles. Et quamquam dignitas hæc hæreditaria non erat; filii tamen, si modò idonei censebantur, rarò à successione excludebantur. Deficiente porro Caroli stemmate. hæc quoque munia, uti plura alia, antiquata fuere. Comitum nihilominus & nomen & dignitas ad posteros est propagata. Undè sensim non pauci ob potentiae & auctoritatis prærogativam Imperii Ordinibus sunt adscripti; quos inter Liberi quidam *Barones* idem cum Comitibus sessionis ac suffragii jus obtinent. 2. Nobiles Imperii jam inde à Caroli M. temporibus inclaruere, Imperii quondam Statibus annumerati.

rati cum jure sessionis & suffragii, quo tamen hodie carent. Dividuntur in tres classes; nempe in Suevicam, Franconicam, & Rhenanam. 3. Civitates Imperiales diutini potissimum illius Interregni, & Caroli IV. tempore in libertatem sese asseruere.

16. *Quid est Imperii Matricula?*

Est album sive index, ubi non solum Imperii Statuū nomina singula descripta sunt; sed insuper designatur, quid, quantumvè cuivis statui ad communes Imperii expensas sit contribuendum.

C A P U T IV.

De Circulis Imperii Germanici.

I.

Circulus Austriacus.

1. *Quæ Religiones hoc circulo continentur?*

I. Archiducatus Austriæ, qui dividitur in superiorem, & inferiorem. Hæc infra, illa supra Anasum est. Mediam interfuit Danubius, cui Anasus infra urbem cognominem se miscet. Austriæ inferioris totiusquè Imperii Germanici, metropolis est Vienna, Imperatoris Regiâ, Archiepiscopatu, Academiâ, propugnaculis, &c. longè celeberrima.

II. Ducatus Styriæ, in superiorem & inferiorem divisus. Inferioris totiusquè Ducatus Caput est Græcium ad Muram amnem, arce, propugnaculis, Academiâ, &c. celebris. Insuperiore Styria est Judenburgum, Secco-

vium

vium Episcopi sedes, Mariæ Cella, cœlestib9 favoribus, & prodigijs celebratissima. Ducatui quoque huic annexus est Comitatus Cillejēsis, cujus urbs primaria Cilleja ad Savum.

III. Ducatus Carinthiæ, superior, & inferior, ubi Episcopus Guicentis, & Lavantinus. Urbs princeps est Clagenfurtum.

IV. Ducatus Carniolæ, cujus caput Labacum Episcopi sedes. Memoratu dignus est Lacus Circonicentis, ubi anno eodem & piscari, & frumentari, & venerari licet, aquis ingruente hyeme cum magna piscium copiâ ex abdito profiliētib9; ætate verò æstate recedentib9. Huc referenda quoque sunt 1. Marchia Vinidorum, cujus caput Metulum in Croatiæ limitibus. 2. Comitatus Goritensis, cum urbe cognomine. 3. Comitatus Gradiscanus, Comiti de Althann jure beneficiario traditus. 4. Aquileja urbs olim percelebris, hodie in solitudinē propè redacta. 5. Tergestum urbs Istriæ cum portu. 6. Flumen *Fiume*, seu Flumen S. Viti, urbs ad sinum Carnarium.

V. Comitatus Tyrolensis, in Provinciam Athesianam, vallemquē Oenanam distinctus, cujus Metropolis est Oenipontum, ubi & Academia. Olim Merania Ducum Meraniæ Sedes erat. Bollanum solemnibus nūdinis, Hala salinīs, officinâ monetariâ, regio Parthenone celebris est. Sunt itē in hoc Comitatu duo Imperii Principes, & Episcopi, Tridentinus, & Brixinensis, quorū ille Tri-

den-

denti, hic Brixinæ sedem habet Episcopalem.

VI. Austria anterior, sive Suevia Austriaca, ubi 1. Marchionatus Burgoviensis cum urbe cognomine, & Gūnzburgo. 2. Comitatus Montfortensis Brigantinus itēm & Veldkirchenſis, quorum ille ab urbe primaria Brigantia, hic à Veldkirchio nomen trahit. 3 Dynastia Nellenburgica cum arce cognomine. 4. Comitatus Hohenbergensis, ubi Rottenburgum ad Nicarum. 5 Urbs Constantia. 6. Præfectura Provincialis Suevica, plures urbes, & oppida complectens. 7. Brisgoia, cujus caput Friburgum, urbs munitissima, ubi & Academia; itēm Brisacum fortissimū adversus Gallos propugnaculum. 8. Quatuor urbes Sylvestres Rheno-felda, Seckinga, Lauffenburgum, & Waldishutum, quibus accedit Comitatus Hauensteinensis.

2. *Quis Circuli Austriaci Director?*

Imperator ipse tanquam Archidux Austriæ.

3 *Quæ ibidem Religio?*

Avita ubiq; Religio Catholica nunc floret.

4. *Quæ alia insuper Regiones Domui Austriacæ sunt subjectæ?*

I. Bohemiæ Regnum in decem & octo Circulos distributum, cujus Metropolis Praga ad fluvium Moldavam sita, sede Archiepiscopali, arce Regia, Academiâ, &c. præsignis, *Triurbs* dicta, quod ex *Nova, Vetere, & Parva* Praga constet.

II. Moraviæ Marchionatus à Morava amne, à quo in duas ferè partes dividitur, nomen trahens. Urbes præcipuæ sunt Olomucium, ubi Episcopalis sedes, & Academia, & Bruna à Suecis An. 1645. irritò conatu obfessa.

III. Silesiæ Ducatus superior, & inferior in decem & septem Principatus, & sex Dynastias divisus. Totius Silesiæ Metropolis est Vratislavia, ubi sedes Episcopalis, & Academia, à Leopoldo I. fundata.

IV. Serviæ Regnum, cujus Metropolis Alba Græca An. 1717. post insignem de Turcis relatam victoriam recuperata est cum urbibus Orsava, Semendria, Passarovicio, &c.

V. Sclavoniæ Regnum, cujus urbes præcipuæ Posëga, Esseckium, Gradisca, Petrovaradinum, &c. cum Comitatu Sirmienti, urbequè cognomine, ubi Episcopi sedes.

VI. Croatiæ Regnū, cujus pars etiamnum sub jugo Turcico gemit. Urbes præcipuæ sunt: Caroloftadium, Zagrabia, ubi Episcopi sedes, & Academia, Castanovicium, &c.

VII. Dalmatiæ Regnum, ex quo etiam Veneti, Turcæ, & Respublica Ragusana sibi partem vindicant. Austriacis subest 1. Urbs Senia, ubi Episcopi sedes, & portus ad sinū Carnarium, vulgò *Carnero*. 2. Buccaris urbs, ubi portus insignis, mercimoniis recens destinatus.

E

VIII.

VIII. Bosniæ Regni pars, Savi ripis adjacens, Austriæ cedit pactis Passavovicensibus. IX. De Hungaria, X. & Transylvania. XI & Belgio Austriaco infra dicetur. In Italia Austriacis subest.

XII. Neapolitanum Regnum, quod etiam Regnum Siciliæ cis Pharum, seu fretum, Siculum, dicitur, in quatuor majores, atque universè in duodecim Provincias distributum, regio fertilis admodum & culta, atque ab Apennino monte in duas ferè partes secta. Regni Metropolis est Neapolis, urbs amplissima, & frequētissima, Archiepiscopi, & Proregis sedes. Sunt in hoc regno Archiepiscopatus 20 Episcopatus 107. & urbes 1580.

XIII. Sicilia, seu regnū Siciliæ trans Pharū, tribus promōtoriis terminatur; unde & Trinacria à *treis*, tres, & *akra* græca voce *summitas*, *promontorium*, dicitur, dividiturque in tres Provincias seu valles. Urbes præcipuæ sunt Messina Proregis sedes, & Panormum. Utrobique Archiepiscopus Sacris præest. Vino, frumento, fructibus, &c. ità abundat, ut Italiæ horreum ac promptuarium jure appellari possit.

II.

Circulus Bavaricus

1. *Quinam circuli hujus Director?*

Electōr Bavarus (qui & circuli Dux) & Archiepiscopus Salisburgensis.

2. *Qua.*

2. *Quæ Regiones Electori Bavaro subiectæ ?*

1. Ducatus Bavarix in superiorem, & inferiorem divisus. Superioris, totiusquæ Bavarix Metropolis, & Electoris sedes est Monachium ad Maram; dein Burghusium ad Salzam, ubi *Regimen*, ut vocant, Electorale, Ingolstadium ad Danubium, ubi Academia; Landsperga ad Lycum, Neo-Oettinga ad Oenum. Indè haud procul abest Oettinga vetus, sacris peregrinationibus ad Thaumaturgam Deiparæ statuam à mille amplius annis longè latequæ celebratissima. In inferiore Bavaria eminent urbes Landshutum, & Straubinga cum Electorali utrobiquè *Regimine*, Ratisbona itèm, Regum olim & postea Ducum Bavarix sedes, &c. 2. Palatinatus superior, cujus Metropolis cum Electorali *Regimine* est Amberga. 3. Landgraviatus Leuchtenbergensis cum urbe Pfreimda. 4. Comitatus Cambensis, Breitenekensis, &c. 5. In Suevia, Dynastia Mindelhemienfis, Comitatus Wisensteigenfis, Donawerda, urbs olim Imperialis, Wemdinga, &c.

3. *Quinam in hoc Circulo status Ecclesiastici ?*

I. Archiepiscopus Salisburgenfis, Legatus Pontificius natus, Germanix Primas, &c. Metropolis sedesquè Archiepiscopi est Salisburgum, ubi & Academia. II. Episcopus Frisingensis. Urbs sedesque Episcopalis est Frisinga. III. Episcopus Ratisbonensis, cujus Dioecesis olim latè per Bohemiam protendebatur. Sedes Episcopi est Ratisbona. IV.

Episcopus Pallaviensis. Urbs sedesq̃ Episcopi est Pallavium seu Patavia, quadriferiam divisa, nempe in Pallavium, Instadium, Ilzstadium, & Oberhusum. V. Princeps Præpositus Berchtolsgadensis, Canonorum Regularium S. Augustini, cui urbs Berchtolsgada cum adjacente tractu subest. VI. Principes Antistitæ *Monasterii*, ut vocant, inferioris, & superioris Ratisbonæ. VII. Abbates, Cæsareensis, & ad S. Emmerami Ratisbonæ.

4. *Qui reliqui status seculares?*

I. Dux Neoburgicus, cujus Ducatus hinc, quidem juxta Danubium, ubi Neoburgium, Ducis sedes, Lavinea, Hochstadium, &c. illinc verò per Palatinatum superiorem, ubi Schwandorffum. Hilpoltsteinium, &c. porrigitur. II. Dux Sulzbacensis è Domo Palatina Neoburgica, cujus sedes est Sulzbachium in Palatinatu superiore, &c. III. Princeps Lobkowicius, ob Comitatum principis Sternsteinensem in superiori itidem Palatinatu. IV. Comites, Hohenwaldekenfis, & Maxelrainius in superiore, & Ortemburgicus in inferiore Bavaria. Comitatum porro Sulzbergensem in Palatinatu superiore Comites Volfsteinenses, nuper extincti, possidere. V. Urbs Imperialis Ratisbona.

5. *Quæ in hoc circulo Religio?*

Ubique Catholica, si paucos illos exceperis, qui in Comitatu Ortemburgico, & Sulzbergensi, urbeq̃ Ratisbona ab avita Orthodoxaq̃ Religione descivère.

Circulus Suevicus.

1. *Qui status Ecclesiastici in hoc Circulo?*

I. Episcopus Constantiensis, cujus Diocesis longè olim latequè patens, hæreticorū postea ab ovili Christi secessione haud parum fuit diminuta. Sedes Episcopalis est urbs Marisburgum trans lacum Constantiensem.

II. Episcopus Augustanus, cujus sedes Episcopalis alias in urbe Dilinga, ubi Academia.

III. Episcopus Curiensis, magnis olim abundans proventibus; qui tamen post Grisonū à vera fide defectionem plurimū fuere accisi. Sedes Episcopi est Curia, urbs Rhætiæ primaria.

IV. Princeps Abbas Campidunensis Ord. S. Benedicti, qui perpetuus est Imperatricis *Archi-Marescallus*. Principis territorium est in Algoja circa Ilarum amnem.

V. Princeps Præpositus Elvacensis, cujus est Elvacum urbs cum circumjacente tractu VI.

Præpositi, & Abbates 1. Ord. S. Augustini Canonici Regular. Vettenhusanus. 2. Ord.

S. Benedicti Elchingensis, Gengenbacensis, Isingensis, seu Ursinensis, Isnensis, Ochsen-

husanus, Ottoburanus, Petershusanus, SS. Udalrici, & Afræ Augustæ Vindel. Veingar-

tensis, Zwifaltensis. 3. Ord: Cisterci. Salemitanus. 4. Ord: Præmonstr. Marchtalen-

sis, Rodensis, Roggenburgensis, Schussenriedensis, Urspergensis, Veissenaviensis, sive Au-

giæ minoris. VII. Principes Antistitæ nobili-

bilium Virginum, Buchaviensis ad lacum Plumarium, & Lindaviensis in urbe Imperiali Lindavia. VIII Antistitæ Bainrensis, Guttencellenensis, Hegenbacensis, & Rubromonasteriensis, Ordinis omnes Cisterciensis.

2 *Qui status seculares?*

I. Dux Vurtembergicus, cujus sedes urbsque primariā est Sturgardia. II. Marchiones Badensis, & Duralcensis. Badensi Marchionatus superior, cujus urbes primariæ Badena, Rastadium, &c. Durlacensi verò subest Marchionatus inferior, ubi Durlacū, Pforzheimium, &c. Marchionatus superior religioni adhæret Catholicæ: inferior Lutheranae, uti & Vurtembergiæ Ducatus. III. Principes Hohenzolleranus, Hechinganus, & Sigmaringanus, Religionis uterque Catholicæ. IV. Principes Furstenbergenses, Moskirchensis, & Stulingensis, itidem Catholici. V. Princeps Oettinganus. qui solus ex antiquissima hac familia Luthero adhæret. VI. Præter Comites Oettinganos, in tres stirpes Vallersteiniam, Spilbergicam, & Balderanam divisos. Circulo huic adscripti sunt Comites Fuggeri, Graveneggii, Gohenemsi, Justingenses, sive Freybergii, Königseggii, Montfortu, Pappenheimii, Rechbergii, Truchsessii de Valdburg, Volfegg, Zeil, &c. VII. Urbes Imperiales Catholicæ sunt: Buchavia, Buchornia, Cella, Gamundia, Gengebachium, Offenburgum, Pfullendorffium, Rotwila, Uberlinga, Vangena, & Vila. Mixtæ Re-

Religionis: Augusta Sueviæ Metropolis, Biberacum, Dunckelspilla, Kauffbura, Leutkirchium, & Ravenspurgum. Lutheranæ: Alena, Bopfinga, Cimpidunum, Esslinga, Gienga, Hala, Heilbrunna, Itnia, Lindavia, Meminga, Nordlinga, Reutlinga, Ulma, & Vimpina.

3. *Qui Circuli hujus Directores?*

Episcopus Constantiensis, & Dux Vurtembergicus, qui & Circuli Dux est.

IV.

Circulus Rhenanus Superior.

1. *Qui Status Ecclesiastici?*

I. Episcopus Vormatiensis II. Episcopus Spirensis. III. Episcopus Argentoratensis. IV. Episcopus Basileensis, qui postquam Basileâ veram Religionem abjuravit, Bruntruti sedem fixit Episcopalem. Episcopatus porrò Metensis, Tullensis, & Virodunensis pridem Gallis celsere. V. Princeps Abbas Fuldensis, Ord: S. Benedicti, perpetuus *Archicancellarius* Imperatricis, & Abbatum per Germaniam, & Galliam *Primas*. Principis porrò Abbatiae Prumiensis possessionem pridem adiit Elector Trevirensis. VI. Magn9 Equitum Melitensium *Prior* per Germaniam, cujus sedes est Heitershemii in Brisgoia VII. Princeps Antistita Andlaviensis in Alsatia inferiore.

2. *Qui status sæculares?*

I. Comites Palatini Rheni, Bipontinus, & Bir-

Bircofeldensis. Comitatus porrò Veldentianus, & Simmerensis sub Electoris Palatini ditione est. II. Landgravii Hassiæ, quadrisariam divisi, nempe in Casselanos, Darmstadianos, Rhénofeldenses, & Homburgenses. Hassio-Casselanus possidet 1. potiorem Hassiæ inferioris partem. 2. In Hassia superiore Marpurgum, aliasque urbes. 3. Principatum Hirschfeldiæ, insignem olim Abbatiam, &c. Hassio Darmstadianus potissimam Hassiæ superioris partē obtinet cum urbe Gissa; Comitatum itè Cattimelibocensem superiorem, cujus Caput Darmstadtum. Hassio-Rhénofeldensis tenet Comitatum Cattimelibocensem inferiorem; in Hassia verò inferiore Rottemburgum, Landgravii Rottemburgensis, & Vanfridam, Vanfridenensis sedem, &c. Hassio-Homburgensi subiecta est urbs Homburgum in Hassia superiore. III. Principes Nassoviæ, in sex ramos divisi, nempe in Dietiensensem, Dillemburgensem, Hadamarientensem, Idsteiniensem, Sigenensem & Usingensem, cum Comitibus Sarbrukenensibus, Ottweileranis, & Viburgensibus. Omnes hi nomen ducunt à Principatu urbeque primaria Nassovia, suntque partim Catholici, partim A catholici. IV. Princeps Comitatus Montis Bellicardi, Duci Vurtembergiæ subiectus. V. Princeps Salmensis, & Princeps Valdecensis. Comes itè Hanoviensis, cujus est Hanovia, ampla, munitaque Vetteraviæ urbs. VI. Comites Hassfeldenses, Isenburgici, Leiningenses, Saynenses

nenses, & Virgensteinenses, Solmenses, Viendenses, Vild- & Rheingravii, &c. VII. Urbes Imperiales Vormatia, Spira, Fridberga, Vezlaria, Gelnhufum, & olim Argentina, aliaque Alsatiae urbes, nunc Gallicae omnes ditionis. Duces quoque Sabaudiae, & Lotharingiae Circulo huic sunt adscripti.

3. *Qui Circuli hujus Directores?*

Episcopus Vormatiensis, & Landgravius Hassio-Casselanus.

V.

Circulus Rhenanus inferior, seu Electoralis.

1. *Qui Circuli hujus status Ecclesiastici?*

I. Archiepiscopus, & Elector Moguntinus, qui possidet 1. ditionem Moguntinam. 2. Stradiam Montanam. 3. Eislefeldiae tractum. 4. Erfordiam, Thuringiae Metropolim cum tractu adjacente. 5. Frislariam, Ameneburgum, &c. in Hassia inferiore. 6. Aschaffenburgum, Gerreshemium, &c. II. Archiepiscopus, & Elector Trevirensis, cujus praeter Treviros, Metropolim, est Confluentia, ubi Mosella Rheno jungitur, Vefalia superior, Prumia cum Abbatia Saburgum, &c. III. Archiepiscopus, & Elector Colonienfis, cujus sedes Electoralis Bonna. Idem praeter alia possidet quoque Vestphaliae Ducatum.

2. *Qui status saeculares?*

I. Elector Palatinus, cui subest 1. Palatinatus

natus Rhenanus, live inferior. 2. Ducatus Neoburgicus in Circulo Bavarico 3. Ducatus Juliacentis, & Ducatus Montanus cum Dynastia Ravensteinensi in Circulo Vestphalico, &c. II. Princeps Arembergicus, cujus Principatus urbsque Aremberga in Eistalia. III. Comites Sleidani, Manderfcheidenfes, Reifferscheidenfes, & Virneburgēfes, omnes itidem in Eistalia.

3. *Quis Circuli hujus director, & Dux?*

Director est Elector Moguntinus, Dux verò Elector Palatinus

IV. *Circulus Vestphalicus.*

1. *Qui Status & Ordines Ecclesiastici?*

I. Episcopus Monasteriensis. II. Episcopus Leodiensis. III. Episcopus Paderbornensis. IV. Episcopus Osnabrugensis. Verdensen porro Episcopatum Suecus primùm, ac nuper Hannoveranus; Mindensem verò Brandenburgus occupavit, profani utrumq; juris factum in pacificatione Vestphalica. V. Abbates, Principes Corbejenfis, & Stabulensis. Abbas item Verdensis, & Cornelienfis. VI. Princeps Antistita Essendiensis, & Abbatissa Burscheidenfis. Princeps porro Antistita Herfordiensis Calvinò adhæret.

2. *Qui status seculares?*

I. Dux Juliacentis. II. Dux Montensis. III. Dux Clivensis. Ducatum Juliacentem, & Ducatum Montensem, cujus Metropolis Duf-

Dusseldorpium, Possidet Elector Palatinus; Clivensem verò cum Comitatu Marchiæ, & Comitatibus Ravensbergenfi, Lingensi, &c. Elector Brandenburgicus Vastphaliæ porrò Ducatus Electori Colonienfi est subiectus. IV. Princeps Frisiæ Orientalis. V. Comites Bentheimenses, Bronchorstii, Lippienses, Reckheimenses, Styrumii, Tecklenburgici, Vehlenfenses, &c. Plures alios Circuli hujus Comitatus possident Rex Daniæ, Luneburgici, Hassi, &c. VI. Urbes Imperiales, Colonia, Aquisgranum, Tremonia.

3. *Qui Circuli Directores?*

Episcopus Monasteriensis, & Dux Julia-censis cum Clivensi alternatim.

VII.

Circulus Franconicus.

1. *Quinam status Ecclesiastici?*

I. Episcopus Bambergensis, cui & in Carinthia loca quædam subiecta sunt. II. Episcopus Herbipolensis, qui & Dux Franciæ Orientalis III. Episcopus Eustadianus. Urbs Princeps est Eustadiû ad Almonum amnem. IV. Magister Equitum Teutonicorum, cujus sedes est Mergenthenii ad Tuberum amnem, postquam Equites Teutonici ex Borussia commigrare sunt compulsi.

2. *Qui status sæculares?*

I. Marchio Byruthanus, seu Culembacensis. II. Marchio Onoldinus, sive Anspacensis. Uterque hic Marchionatus Luthero adhæret.

hæret. III. Princeps Schwarzcergensis, & Princeps Lowensteinus, live Verthemielis. Princeps porro Comitatus Hennebergicus inter Saxonie Duces est divisus, excepta Smalcaldica urbe, quæ Hasso-Casselano celsit. IV. Comites Castellani, Drenbaceses, Erpacenses, Limburgenses, Hohenloici; Reinecani, Schoenborni. &c. V. Urbes Imperiales Norimberga, Francofurtū ad Moenum, Schweinfurtum, Rottenburgū ad Tuberum, Veissenburgum, & Vinsheimium.

3. *Qui Circuli Directores?*

Episcopus Bambergensis, & Marchio Byruthanus, qui & Circuli Dux est.

VIII.

Circulus Saxonie superioris.

1. *Qui Circuli hujus Directores?*

Electōr Saxonie (qui & Circuli Dux) & Electōr Brandenburgicus.

2. *Quæ Provinciæ Electori Saxonie subjectæ?*

1. Saxonia propria, sive Electoralis in septem Circulos, Electoralem nempe, Thuringicum, Misniensem, Lipsiensem, Montanum, Voigtlandicum, & Neustadianum divisa. 2. Lusatia superior, &c. Electoris sedes est Dresna ad Albim.

3. *Quid in hoc Circulo Elector Brandenburgicus possidet?*

1. Marchiam Brandenburgicam, quæ in Veterem, Novam Mediam, & Ukeranam, &c. distribuitur. 2. Pomerianam ulteriorem, partem-

temque citerioris, cum principatu (olim Episcopatu) Caminensi, aliisque. Electoris sedes est Berolinum ad Spreham amnem.

4. *Qui status Ecclesiastici?*

Florebant olim in hoc Circulo Episcopatus Misnensis, Merseburgensis, Naumburgensis, Brandeburgensis, Havelburgensis, Caminensis, & Lebusiensis. Abbatia item Principes Saalfeldensis, Quedlinburgensis, & Gerenrodensis, &c. nunc profani omnes juris. Nam Misnensem, Merseburgensem, & Naumburgensem Episcopatum cum Abbatia Saalfeldensi Saxoniae Duces; reliquos vero Episcopatus Elector Brandenburgicus occupavit. Quedlinburgense, & Gerenrodense cœnobium Abbatissæ, ut vocat, Lutheranae incolunt, ut plura alia monasteria silentio involvam.

5. *Qui reliqui status seculares?*

I. Saxoniae Duces, Veissentelsenses, Merseburgenses, Vinarienses, Isenacenses, & Gothani in plures ramos divisi. II. Principes Anhaltini, Dessavienses, Bernaburgenses, Cœthenses, & Servestenses. III. Principes Schwarzburgici, Sondershusiani, & Rudelstadiani: Princeps item Fūdanus, qui Mansfeldiae Comes, Catholicus. IV. Comites Barbienses, Gleichentes. Hohensteinii, Reussenses, Schoenburgici, Stolbergenses, &c.

IX.

Circulus Saxoniae inferioris.

1. *Qui Circuli hujus Directores?*

Archiepiscopi Magdeburgensis, & Bre-

mensis, in quorum locum succedere Electores Brandenburgicus, & Hannoveranus.

2. *Quæ Electoris Hannoverani Provincia?*

1. Ducatus Luneburgicus, & Lavenburgicus. 2 Principatus Calenbergensis, sive Hannoveranus, ubi Hannovera, Electoris sedes. 3. Principatus Grubenhagensis, &c. præter Ducatum (olim Archiepiscopatum) Bremensem, &c

3. *Qui status, sive Ordines Ecclesiastici?*

Ex tot Circuli hujus Episcopatibus, Magdeburgensi nempe & Bremensi, Halberstadiano, Sverinenli, Slesvicensi, Lubecensi, & Raceburgensi solus Hildesienlis in pristina Juris, & Jurisdictionis sacre possessione, fideq; Orthodoxa ad huc persistit, posteaquam in pacificatione Westphalica Archiepiscopus Magdeburgicus cum Episcopatu Halberstadiano Electori Brandenburgico; Archiepiscopus Bremensis Sueco primum, ac pronuper Hannoverano; Episcopatus Sverinensis, & Raceburgensis Ducibus Megalopolitanis cedere. Episcopatum porro Lubecensem Princeps Lutheranus ex Holsatiæ Ducibus Gottorpianis, quem Episcopum vocant, administrare solet; Slesvicensem verò Rex Daniæ tenet.

4. *Qui reliqui status seculares?*

I. Dux Guelferbytanus, cujus est Ducatus Brunsvicensis, &c. Domus item Beverana, & Blanckemburgensis ex eadem Ducum familia. II. Duces Megalopolitani, Sverinensis, & Strelitiensis. Sverinensis possidet Ducatum Megalopolitanum, Principatum Vandalix, & Comitatum Sverinensem, Rostochiense Dominium cum urbe Rostochio; Strelitiensis verò Principatum Raceburgensem, & Dominium Stargardienle, &c. III. Dux Slesvicensis, & Dux Holsatiæ. Uterq; hic Ducatus inter Daniæ Regem, Ducemq; Holsatiæ est divisus. IV. Urbes Imperiales Hamburgum, Lubeca, Brema, Goslaria, Mülhusium, & Nordhusium.

CON.

CONTINUATIO MONARCHIÆ ROMANÆ,

ad nostra usque tempora.


Postquam Imperatores ethicos, qui primis tribus à Christi ortu sæculis Imperii habenas moderabantur, opusculo secundo sumus complexi, Imperatores Christianos à Constantino Magno ad Franciscum I. hodie gloriosissimè imperantem, sexto hoc opusculo recentebimus, quod in quatuor distribuimus partes. Prima continet Romanorum Imperatores à Constantino M. usq̃ ad collapsum aliquamdiu Occidentis Imperium. Altera Romanorum Imperatores Græcos usque ad instauratum à Carolo M. ejusdem Occidentis Imperium. Tertia Romanorum Imperatores Germanos, à Carolo Magno, usq̃ ad Rudolphum I. Quarta Romanorū Imperatores Germanos, maximam partem Austriacos, à Rudolpho I. ad Carolum IV. Pium, Felicē, Augustum.

Harum quatuor partium Epochas sic habeto.

Ann. C.

| | |
|--|-------|
| Initium Imperii Constantini M. | 306. |
| Imperium Occidentis collapsum. | 475. |
| Idem instauratum à Carolo M. | 800. |
| Rudolphus I. Habsburgicus, Imperator. renunciatus. | 1237. |

Parti-



Partitio hujus Opusculi.

P A R S I.

*Romanorum Imperatores Christiani
à Constantino M. usque ad collapsum ali-
quando Occidentis Imperium.*

CAPUT I.

Imperatores Seculi IV.

Constantinus M.

Constantinus II. Constans & Constantius.

Julianus Apostata.

Jovianus, live Jovinianus.

Valentinianus I. & Valens.

Gratianus, & Valentinianus II.

Theodosius Magnus.

Arcadius & Honorius.

CAPUT II.

Imperatores Seculi V.

Theodosius II. Junior.

Valentinianus III.

P A R S II.

*Romanorum Imperatores Græci in Oriente
usque ad Carolum M.*

CAPUT I.

Reliqui Imperatores Seculi VI.

Martinus.

Leo I.

Leo II.

Zeno.

Anastasius.

) 81 (

CAPUT II.

Imperatores Saculi VI.

| | |
|----------------|---------------------|
| Justinus I. | Tiberius Constanti- |
| Justinianus I. | nus III. |
| Justinus II. | Mauritius. |

CAPUT III.

Imperatores Saculi VII.

| | |
|---------------------|------------------------|
| Phocas | Justinianus II. Rhino- |
| Heraclius. | tmerus. |
| Constantinus IV. | Leontius. |
| Constans II. | Tiberius Absimarus. |
| Const: V. Pogonatus | |

CAPUT IV.

Imperatores Saculi VIII.

Justinianus II. Secundò.
 Philippicus.
 Anastasius II.
 Theodosius III.
 Leo III. Isauricus Iconoclasta.
 Constantinus VI. Copronymus.
 Leo IV.
 Constantinus VII. & Irene.
 Irene Sola.

P A R S III.

Romanorum Imperatores.

*Germani post instauratum Occidentis Imperium,
 à Carolo M. ad Rudolphum Habsburgicum.*

CAPUT I.

Imperatores Saculi IX.

Carolus M.

Opusculum VI.

F

Ludo-

Ludovicus pius.

Lotharius.

Ludovicus II.

Carolus II. Calvus.

Ludovicus III. Balbus.

Carolus III. Crassus.

Arnulphus.

Ludovicus IV.

CAPUT II.

Imperatores Seculi X.

Conradus I.

Henricus I. Auceps.

Otho I. Magnus.

Otho II.

Otho III.

CAPUT III.

Imperatores Seculi XI.

Henricus II. Sanctus.

Conradus II. Salicus.

Henricus III. Niger.

Henricus IV.

CAPUT IV.

Imperatores Seculi XII.

Henricus V.

Lotharius II.

Conradus III.

Fridericus Ænobarbus

sive Barbarossa.

Henricus VI.

Philippus.

CAPUT V.

Imperatores Seculi XIII.

Otho IV.

Fridericus II.

Conradus V.

Interregnum.

PARS IV.

Romanorum Imperatores Germani

à Rudolpho Habsburgico ad nostra usq; tempora.

CAPUT I.

Reliqui Imperatores Seculi XIII.

Ru-

| | |
|----------------------------|-------------------------|
| Rudolphus I. Habsburgicus. | Adolphus Nassovius. |
| | Albertus I. Austriacus. |

CAPUT II.

Imperatores Seculi XIV.

| |
|---|
| Henricus VII. Luxemburgicus. |
| Ludovicus V. Bavarus, & Fridericus III. Austriacus. |
| Carolus IV. Venceslaus iners. |

CAPUT III.

Imperatores Seculi XV.

| | |
|--------------------------|-----------------|
| Rupertus Palatinus. | Fridericus IV. |
| Sigismundus. | Maximilianus I. |
| Albertus II. Austriacus. | |

CAPUT IV.

Imperatores Seculi XVI.

| | |
|----------------|------------------|
| Carolus V. | Maximilianus II. |
| Ferdinandus I. | Rudolphus II. |

CAPUT V.

Imperatores Seculi XVII.

| | |
|-----------------|------------------|
| Mathias. | Ferdinandus III. |
| Ferdinandus II. | Leopoldus M. |

CAPUT VI.

Imperatores Seculi XVIII.

| | |
|-------------|---------------|
| Josephus. | Carolus VII. |
| Carolus VI. | Franciscus I. |

P A R S I.

Imperatores Romanorum à Constantino M. usquè ad collapsum Occidentis Imperium.

Pars isthæc Imperatores complectitur quindecim, qui sæculo post Christum natum quarto & quinto Imperii clavum tenuère usquè ad annum Christi quadringentesimum quinquagesimum quintum.

CAPUT I.

Imperatores Sæculi VI.

Constantinus M.

Nobis inter Imperatores trigesimus octavus.

1. *Quo duce atquè auspice Constantinus ab Idolorum cultu ad Christi Religionem est traductus?*

Duce, atquè auspice Deo; nam cum è Gallia in Italiam contra Maxentium, Romæ crudeliter ac libidinosè debacchantem tenderet Constantinus, ecce tibi sub meridiem cum toto exercitu crucem, ex lucidissimis formatam radiis vidit cū hisce vocibus Græcis *En tou to nikas*, *in hoc vince*, ac insequente mox nocte Christū aspexit, disertè monentem, crucis in àère conspectæ effigiem vexillo, quod *Labarum* exinde dictum, præfigeret, Hoc signo fretus animatusquè Imperator, superatis Alpibus, Maxentii primū Ducem, ad Taurinum, Brixiam, & Ve-

& Veronam fundit, fugatque; tum Maxentium ipsum, ingenti cum exercitu occurrentem profligat, qui dum per pontem solutilem, Tiberi impositum, fugam properè capeffit, eodem, ob nimiam insistentium molem, & stipationem disrupto, gurgitibus haustus, dignas libidinis & crudelitatis suæ pœnas luit. A.C. 312.

2. Num victo Maxentio, debellatum erat cum Imperii hostibus?

Unus supererat Licinius, Oriētis Imperator, homo præferoci ingenio, & literarū, quas Reipubl: pestem nominabat, osor acerrimus. Hic, etsi Constantino, cujus sororem Constantiam uxorem duxerat, affinitate junctus, Christianos dirum in modum vexare cœpit. Sed Constantino affinitate potior Religio fuit. Itaq; Licinio frustra commonito, ut ab impio cœpto desisteret, pium bellum intulit, atq; iteratis cladibus attrito vitam tandem cum imperio ademit. A.C. 325.

3. Quo in Christianos animo fuit Constantinus?

Benignissimo. Nam 1. amplissimam omnibus potestatem fecit orthodoxæ Religionis amplectendæ (A.C. 312.) 2. Eversis idolorum delubris, vero Deo templa ædificavit ipse, & aliis ubivis terrarum ædificanda concessit. 3. Pœnas contra Christi Martyres, & cælibes latas, quibus ab hæreditate & successione suorum arcebātur, penitus abolevit, piasq; Christianorum donationes & legata, uti & cælibatū, olim ab Augusto prohibitum, ratum habuit. 4. Edicto sanxit, nè quis facinorosorum crucis deinceps supplicio mularetur. 5. Romæ à S. Silvestro sacris undi

ablutus, ad construendam ibidem Principi Apostolorum basilicam duodecim terræ, quam ipse effoderat, cophinos suis met humeris portavit. 6. Dei Ecclesiam amplissimis donariis locupletavit, eximiisque ornavit privilegiis.

4. *Qui in Concilio Nicæno suam Imperator sustinuit personam?*

Trecenti decem & octo Episcopi jussu & auctoritate Pontificia Nicææ Bithyniæ urbe convenerant, cum de Paschate celebrando, tum de impiis Arii, qui Christo divinitatem abrogare ausus est, dogmatis cognituri, presidentibus binis Romani Pontificis Legatis A. C. 325. Eum porro honorem Episcopis habuit Imperator religiosissimus, ut non nisi humiliore confidens sella, sacro illi Patrum Senatui interesse animū induxerit, non consultoris aut arbitri, sed defensoris duntaxat officio sapienter fortiterque perfectus. Aderant inter Patres illos egregii quidam Christi pugiles, tot trophæis, quot acceptis pro Christo vulneribus inclyti. Horum cicatrices osculatus Cæsar, disertè pronuntiavit, præclarius nihil, atque illustrius sibi videri iis vulneribus, quæ quis pro Christo fortiter pugnans accepisset.

5. *Quid de Helena Constantini matre memoria proditum est?*

Hæc monitu Divino Palæstinam petiit, ubi Domini crucem, omni thesauro pretiosiores, humi defossam reperit, orbiq; adorandam proposuit. Inde Judæâ infandis Dæmonum simulacris, fanis expurgatâ, duas diversis locis basilicas,

silicas, Constantinus unam in ipsa urbe Hierosolymitana magnificentissimam excitavit. A. C. 326.

6. *Quam Constantinus urbem molitus est?*

Cum providentissimum Numen Romam veterem, orbis caput, & gentium Dominam suo interris Vicario, & supremo Sacrorum Antistiti sedem propriam destinasset, res hoc disposuit ordine, ut primus inter Christianos Imperator novam, conderet Romam, Imperii deinceps sedem futuram, quæ prius Byzantium, inde à Conditore Constantinopolis est appellata.

7. *Qua arte, astuq; pio Constantinus aulæ quodq; suæ Proceres in novam hanc urbem pellexit?*

Cum hi Persica expeditione distenti, decem & sex menses domo abessent, Imperator nova Bizantii palatia exstruenda curavit, illis, quæ Romæ incoluerant, simillima; cumq; eorum & liberos, & uxores & supellectilia illuc transtulisset, haud difficulter cunctis persuasit novi domicilii amorem, & veteris oblivionem. Nova porro hæc Roma Virgini Deiparæ, Augustissimæq; Cælitum Roginæ solemniter consecrata, & dedicata est. A. C. 330.

8. *Quando, & ubi Constantinus diem supremum obiit?*

Dum Persas rebelles frenatus, maximis itineribus in Orientem contendit, gravi afflictus morbo, haud procul Nicomediâ, diviso inter tres Filios Constantinum, Constantium, & Constantem Imperio terrestri, ad cælestem ipse migravit, anno ætatis 76. Imperii 32.

Christi 337. de Ecclesia optimè meritis, dogmatumq; Synodi Nicænæ ad mortem usque retinentissimus, quem ipse S. Athanasius Imperatoribus omnibus imitandum proponit.

9. *Num Sol hic Serenissimus omni caruit macula?*

Duas præcipuè notârunt Scriptores, nempe quòd Constantinus Faustæ uxoris, quæ Priscum privignum, & Arianorum, qui Athanasium sublatum volebant, fictis criminationibus inductus illum necari jussit; hunc Treviros relegarit. Tantum nempe potuit apud Principem cætera optimum ambitiosa mulier, & implacabile hæreticorum in Catholicos odium.

39. Constantinus II. 40. Constantinus. 41. Constantius.

1. *Diune tres inter hos Fratres concordia tenuit?*

Haud quaquam; nam dum Constantinus natus maximus, transalpinis regionibus haud contentus, Constantem, natu minimum, cui Italia, Africa, Illyricum & Græcia obtigit, armis lacefferet, ab ejusdem ducibus per insidias interemptus est non minore Arianorum gaudio, quàm Catholicorum, quos strenuè semper defenderat, luctu, cùm tertium necdum annum imperando explèssset.

2. *Num melior & fors & mors Constanti obvenit?*

Hic quoq; transalpinis gentibus in ditionem suam reductis Magnentii tandem tyranni perfidia à sicario est trucidatus anno Imperii decimo

cimotertio. Scriptores ethnici graviter in Imperatorem hunc invehuntur; verum alii Principem apprimè Catholicum, & Religionis contra Fratris Constantii & Arianorum insectationes propugnatorem strenuum, S. Athanasius etiam Martyrem appellat. Geminâ igitur illâ Constantini, fratrisq; Constantis nece geminum Religionis orthodoxæ columnen corrui, orbis demum totius imperio ad unum Constantinum, acerrimum hæreticorum defenforem & Patronum, devoluto. Ex quo arcana Dei judicis cognoscere licet, ac venerari.

3. *Quem tandem exitum habuit Constantii fortuna?*

Magnentio tyranno, qui in Imperii solium se intruserat, bellum illaturus, Constantius, Gallum patrualem Orientis Imperatorem creat. Verum dum hic potestate sua per vim & libidinem abutitur, ad se accitum, capite plesti jubet, cujus frater Julianus, Eusebiæ, uxoris Constantii, rogatu servatus, Athenas studiorum causâ mittitur. Constantius porro Constantiæ amitæ potissimum instinctu hæresis Arianæ, quæ pestilentissimæ contagionis instar orbem propè univertum infecerat, propugnatorem se profitetur acerrimum, ejusq; dilatandæ studio omnia miscet, Catholicos atrocissimè vexat, Athanasium & Hilarium Ecclesiæ, in Oriente illum, istum in Occidente, columnas firmissimas loco movet, Liberium Papam, Arianæ hæresis oppugnatorem & Athanasii fautorem, urbe pellit. Nec impune tamen; quip-

pe & à Persis magnas accepit clades, & Julianum, quem septimo ab hinc anno Cæsaris Titulo ipse ornarat, militum factione Luteriæ Parisiorum Augustum proclamatum esse comperit, quem cum dolore pariter & vindictâ ardens, debellatum iret, in itinere subito eoque mortifero morbo correptus, interiit anno quarto & vigesimo, quàm imperare coeperat, Christi 361.

42. Julianus Apostata.

1. *Unde huic tam infame cognomentum?*

A sacrilego è Christi castris ad execrandas ethnicorum superstitiones transfugio, quod pridem meditatus, nunc tandem, adita Imperii possessione, palàm executus est, dum ejuratis Christianæ Fidei Sacramentis omnibus, Pontificem maximum se antiquo ritu & sacrificiis inaugurandum curavit.

2. *Quo adversus Christianos erat animo?*

Hoc, uti Christum ipsum, per ludibrium Gallilæos vocitavit, eoq; afflixit crudeliùs, quò calidiùs, quippe quos illecebris potiùs, quàm cruciatibus ad defectionem sollicitaverat. Si quos ob Religionis professionem de medio sustulit, alias supplicii causas obtendebat, Martyrii lauream invidens generosis Christi athletic Scientiarum adminicula Christianæ juventuti erepturus, Scholas claudi, librosq; flammis aboleri jussit. Quæ res Gregorium Nazianzenum impulit ad condendos versus, Homericis si non meliores, longè profectò utiores.

3. Num Deus exitiosissimam hanc orbis pestem
diu grāssari est passus?

Sesquiannum fermè à Constantii obitu non
Imperatorem, sed tyrannum egerat Julianus,
cū in expeditione Persica jaculo, incerta
manu emissō, confossus, animam scelestissimā
Orco tradidit, A. C. 363. Moriens exceptum
volā cruorem in cælum jecisse fertur cum hac
voce: *Vicisti Galilae.*

43. Jovianus, sive Jovinianus.

1. *Quibus huic auspiciis imperare cepit?*

Longè optimus. Nec aliud in principe hoc
lectissimo desiderabatur, quàm diuturnius re-
gimen. Sublato Juliano, militari mox suffra-
gio Cæsar renunciatus, Imperium antè susci-
pere noluit quàm milites universi Christianos
se fore professi sunt. Indè antiquius nīl habu-
it, quam ut Religionē, antecessoris impietate
labefactatam, pro viribus iustauraret. abolitis
penitūs ethnicae superstitionis monumentis.

2. *Quis vitæ ejus exitus?*

Pace cum Sapore Periarum rege ex neces-
sitate magis quàm Imperii utilitate inita, cum
Constantinopolin redux, in cubiculo, calce re-
cens illito, pernoctasset, gravi prunarum va-
pore exanimis ibidem est inventus, octavo Im-
perii mense A. C. 364.

44. Valentinianus & 45. Valens.

1. *Qua ratione Valentinianus ad supremum
Imperatoria dignitatis apicem est evehsus?*

Succollante Dei hominumq; favore, quem
eximia

eximia illi virtus peperit, & constans veri Numinis cultus, ob quem à Juliano fortunis omnibus exutus, Christo inter adversa omnia firmissimè adhæsit, dignus, qui vel absens ad imperii coronam evocaretur septimo à Joviani obitu die.

2. *Qua porrò laude ad Imperii clavum sedit?*

Cum tot provinciis regendis par unus sibi haud videretur, Fratrem suum Valentem, in Imperii societatem adscitum, Orienti præfecit; ipse verò in Occidentem, ingentibus bellorum motibus agitatam, concessit, justitiæ imprimis, atque orthodoxæ religionis vindex egregius, & terror Barbarorum, quos iteratis cladibus domuit. Verum dum in Moravos, defectionem molientes mover, eorundem Legatos ob rebellionē tanta animi corporisq; contentione increpuit. ut ruptâ arteriâ copioso cum sanguine vitam profuderit, Anno Imperii 12. Christi 375. relicto imperii ac virtutis hærede Grâtiano, quē abhinc septennium summo ordinum consensu Augustū dixerat. Illi nihilominus, adnitente potissimū Cereale avunculo, Valentinianus, alter ex Justina Filius, vix novem natus annos, collega est additus.

3. *Qua porrò laude & commendatione Valens res Orientis administravit?*

Hic fratri omnino dissimilis, fovere impensè Arianos, aliosq; Hæreticos, Catholicos acerbè affligere, Episcopos, à Cōstantio expulsos, atq; à Juliano restitutos, denuo relegare Basilio doctrinā

Arinà & sanctitate toto orbe celebratissimo, exiliū, Deo portētis & prodigiis impio conatui intercedēte, decernere, viros Ecclesiastici Ordinis octogenos, longè honestissimos de intollerabili Arianorum fastu, petulantia, & savitia apud Cæsarem conquerentes ac supplices, navi in medio mari expositos, comburere, Monachos gravissima tributū exactione, à qua exemptos esse voluerant Constantinus, & Constantius exagitare, eosdemq; à piis exercitationibus abstractos militaribus addicere ministeriis, ac reluctantes fultuario mactare quoad tandem à Gothis, quos in fidem antea receptos Ariana infecerat peste, bello laceratus, amisso exercitu, cum tugurio, quo sagittā saucius confugerat, justissimā talionis poenā vivus est combustus, Anno Tyrannidis 14. Christi 378.

46. Gratianus, & 47. Valentinianus II.
five Junior.

1. *Quibus virtutum radiis Imperator hic solium illustravit?*

Imperium fortitudine & sapientiā, rem Christianam pietatis, ac religionis studio plurimum adjavit. His præfidiis munitus, insignem ab Alemanis reportavit victoriam, an plus triginta eorum millibus caesis. Exstincto Valente patruo improle, Orientis quoq; Imperium adēptus, istud Theodosio, eximio belli Duci, gubernandum tradidit, qui victis profigatisque Hunnis, Alānis, & Gothis, Imperio pacem, sibi immortalem nominis gloriam peperit.

2. *Qua occasione Princeps hic laudatissimus immatura morte est præceptus?*

Dum Maximum, qui Britannis tyrannidem arripuerat, justis armis persequitur, turpiter desertus à suis, Andragathii Ducis dolo perimitur A. C. 383. Princeps meliore fato dignissimus. Imperavit à Patris obitu annis octo.

3. *Num & Valentinianus præclaras Fratris virtutes est æmulatus?*

Quin potius Matris Arianæ, à qua virus pestiferum cum lacte hauserat, instinctu, Catholicis, atque inprimis Ambrosio extrema quæq; minitabatur, dum tandem vindex Nemesis Maximum Tyrannum evocavit in Italiam, quam unà cum Matre Justina, tantæ causâ præcipuâ calamitatis, relinquere cogitur, & in exilium, quod Ambrosio intentaverat, proficisci Constantinopolin, auxilium à Theodosio petiturus. Cui Cæsar, quid mirum, inquit, *Valentiniane, quòd Maximum habeas adversantem tibi, cum tute Christo ipsi adversari non dubites?* Verùm isto meliora omnia pollicente, Theodosius ingenti cum exercitu in Italiam advolavit, pulsoquè inde Maximo Valentinianum in pristinam dignitatem restituit.

4. *Num tandem ad frugem rediit Valentinianus?*

Matre mortua, Arianam perfidiam execratus, totum se permisit Ambrosio, quem dum baptismatis suscipiendi causâ Mediolano Viennam Galliar accersendum curat. Arbogastis supremi militiæ præfecti, quem exauctoraverat fraude, in palatio suo strangulatur, atq; ut mor-

mortem sibi ipse conscivisse crederetur, laqueo suspenditur, anno, quàm Augustus proclamari cœpit 16 Christi 393. Huic Ambrosius ipse copiosis lacrymis & oratione funebri parentavit, qua eximiam ejusdem pietatem virtutesquè cæteras posteritati tradidit.

48. Theodosius Magnus.

1. *Quanta Religione fuit Theodosius?*

Tantâ, ut Ecclesiam, ejusq; Præpositos non modò summâ semper observantiâ coleret, sed & fortissimè defenderet, sæpe dicere solitus, multò pluris sibi esse Christiani, quàm Cæsaris nomen, majoriq; sibi honori ducere, quòd Filius sit Ecclesiæ; quâ supremus orbis Dominus.

2. *Qua vero ratione hanc pietatem Deus remuneratus est?*

Eugenium, & Arbogastem Tyrannos Imperium affectantes, ope Divina compressit, in ipso enim ancipitis prælii æstu ventus vehemens obortus, pulvereâ subito nube hostes involvit, tela in eorundem ora retorfit, ademptaque videndi ac respirandi facultate in turpem fugam conjecit.

3. *Quæ Theodosio Imperatoris sobolis ritè educandæ, formandæque cura.*

Longè maxima. Hinc cùm Arcadium & Honorium Filios Arsenio, moderator pio, gnavo, prudenti in disciplinam tradidisset, eos non ut Cæsares, sed discipulos tractari, quin & verberibus, si quid deliquissent, castigari jussit. Cùmq; fortè Muleum ingressus Magistrum stātem,

tem, fillos sedentes confpexisset, indignè id ferens Imperator, Arsenium sedentem docere, Cæsares stantes auscultare voluit.

4. *Quodnam tanti Principis vitium?*

Irâ quandoquè nimium præceps, qua abruptus gravem Thessalonicensium cædem aliquando edidit, eâ tantum causâ, quòd nonnullis motibus urbem turbassent septem enim civium millia Cæsaris furori immolata ceciderunt. Factum profectò crudele, sed quod insignis pœnitentia correxit: nam à S. Ambrosio Mediolanensium Antistite ingressu templi prohibitus. publicam aliquot mensium pœnitentiam serio humiliq; animo egit, pulcherrimo sanè ad omnes exemplo. Tandem in ejusdem Præfulis manibus Anno Imp: 16. C. 395. vitam pientissimè clausit, inter Magnos Imperatores ob factorum præstantiam jure númerandus.

49. Arcadius 50. Honorius.

49. *Quenâm inter filios Theodosii facta Imperii divisio?*

Oriens Arcadio, Occidens Honorio cessit, tantamquè deinceps vim obtinuit hæc divisio, ut nunquam sæculis sequentibus ad hanc usquè diem congiungi potuerit utrumque Imperium.

2. *Quæ Arcadii fors fuit in Oriente?*

Imperator felix, quamdiu religiosus, sua felicitate postremum excidit, ubi nimirum hortante Eudoxia conjuge in exilium relega-

re non dubitavit S. Joannem Chrysostomum Patriarcham, quod Imperatricis flagitia perstrinxisset. Decessit Arcadius in ætatis flore, cum imperâisset annos 13. usquè ad A. C. 408.

3. Quæ Honorii fata in Occidente?

Stiliconis, belli ducis quidem peritissimi, sed perfidi hominis artibus exciti sunt Vandali, Gothi, Svevi, Alani, & Burgundi, qui magnis motibus Italiâ, totumquè Occidentem concussere. Indè factum, ut capta & spoliata sit Roma à Gothis sub Alarico, iterumquè; sub Ataulpho, eorum regibus. Tandem & Hispania genti Barbaræ cedi debuit, ut Italiâ desererent. Moritur Imperator religiosior, quàm felicior. A. C. 432. Imperii 28.

CAPUT II.

Imperatores Sæculi V.

51. Theodosius II. sive Junior.

52. Valentinianus III.

1. Quæ virtutes Theodosium II. commendarunt?

Pulcheriæ Sororis industriâ sanctissimè educatus, à teneris unguiculis pietatem tam ardentem cœpit studio colere, ut nullam non diem suis ferventer precibus Deo initiaret, piaquè sancti Evangeliorum codicis, quem mana sua descripserat, lectione condiret.

2. Quam lābem passa est hæc virtus?

Pulcheria sorore migrare ex aula iussa, fovere Eutychen hæreticum cœpit Imperator, qui antehac Ecclesiâ fortissimè propugnârat.

Opusc: VI.

Re-

Revocata Iulin Pulcheria, qua absente omnis exulâsse fortuna videbatur, cuncta restituit, ac Theodosium paulò post obeuntem vidit, actâ seriò pœnitentiâ, Anno Imperii 42. Christi 450.

3. *Quomodò sedatus ingens terra motus Constantinopoli Theodosio imperante?*

Factum est, ut innocentem puerulum vehemens turbo in auras sublimem auferret. Audistis Angelos canentes: *Sancte DEUS, S. Fortis, S. Immortalis miserere nobis*; iussus hoc canticum docere homines, quo terræ motum compescerent.

4. *Quis interea sub Valentiniano Imperii status in Occidente?*

Longè miserrimus; nam miserè discerptum, Imperium spectare ad interitum cœpit, ad quem sub Valentiniano magnis passibus properavit.

s. Quæ Provinciæ ab Imperio divulsæ?

Affricam occupârunt Vandali Anno Christi 427. Galliam Franci, Duce Meroveo Anno Christi 448. Britanniam Angli gens Saxonum A. C. 446. Hos Britanni adversus Scottorum, Pictorumq; incursiones auxilio advocârunt, qui tulère quidem suppetias, at fugatis hostibus sibi vindicârunt provinciam, unde ista Angliæ nomen obtinuit.

Sub idem ferè tempus A. C. 450. Attila Hunnorum Rex omnia latè populatus Pannoniam involavit, quæ ab hisce inquilinis Hungaria dicta est. Flagellum Dei seipsum nominabat Attila, quòd ad orbem castigandum electus esset.

6. *Qualis tot inter turbas Valentinianus?*

Redempta iniquissimis conditionibus pace, voluptatibus totum se dedit, quo vivendi genere ultimum sibi & Imperio exitium paravit. Maximi patritii conjugem violârat. Quâ injuriâ ille vehementer commotus, securum sui Valentinianum eò tandem adduxit, ut invictus militibus vitâ ab iisdem exueretur. A. C. 455. Imp: 30.

7. *Quinam postremi conatus emorientis Imperii?*

Intra viginti annos à Valentiniani obitu decem Tyranni potius, quàm Imperatores ruenti Monarchiæ humeros supponere tentârunt. Verùm altero alterum dejiciente convulsam magis Imperium ad interitum promoverunt.

8. *Quanam istorum nomina?*

1. Maximus, 2. Avitus. 3. Majoranus. 4. Severus. 5. Anthemius. 6. Ricimerus. 7. Olybrius. 8. Glycerius. 9. Julius nepos. 10. Romulus Momyllus Augustulus.

9. *Quâ tandem ratione extinctum penitus Imperium in Augustulo?*

Heruli sub Rege Odoacro in Italiam delati, variè à suis intus afflictam occupant. Pulso Augustulo, Italiæ regem se dicit Odoacer, novumq; regnum super imperii ruinas constituit. Cœpta igitur sub Augusto Monarchia post annos fere 500. desit in Augustulo, non nisi post 300. annorum intercapedinem à Carolo Magno iterum instauranda.

Obser-

OBSERVATIONES

Ad primam partem Historiæ de Imperatoribus Christianis.

1. *Quæ Imperii facies à Constantino usq; ad illius in Occidente interitum?*

Floruit Sæculo quarto ferè integro, maxime sub Constantino M. & Theodosio M. Facta sub Arcadio, & Honorio divisione, Imperii divisum quoquè est robur. Inclinari ergo cœpit Occidens sub Honorio; ad finem properavit sub Valentiniano; expiravit sub Augustulo.

2. *Quæ causa extincti Imperii?*

Honorii ætas minor, nec animus sat firmus; Tutorum perfidia; auctæ Barbarorum vires, imminuta Imperii existimatio; provinciarum jactura illud ad interitum, disposuere ac Valentiniani scelera evertère.

3. *Nihilne interea passum Orientis Imperium?*

Occidente collapsò, quasi mutilus altero pede Oriens minùs deinceps firmus stetit. Sub initia sæculi sexti nata Saracenorum pestis varias provincias occupavit, ipsum tandem Imperium, Imperiiq; sedem Constantinopolim invasura.

4. *Quando contigit celebris illa migratio Gentium?*

Sæculo quinto, quando Vandali in Africam, Franci in Galliam, Gothi in Hispaniam, Hunni in Pannoniã, Angli in Britanniam, Heruli & mox Longobardi in Italiam commigrârunt, ut
su.

suprà memoratum est Hinc nata Hispaniæ Gal-
liæ, Hungariæ, & Angliæ regna, quæ hodie-
dum florent.

5. *E quibus orbis partibus hæ gentes advenère?*

1. Vandali è Provinciis Borealibus, ubi mo-
dò Pomerania, & Marchionatus Brandebur-
gicus. 2. Franci ex Germania. 3. Gothi se-
cundùm nonnullos ex Suecia, secundùm ali-
os ex Asia. 4. Hunnis, gens torva, ex Regioni-
bus ad fluvium Tanain, & mare glaciale sitis.
5. Angli è Saxonia. 6. Heruli ex ora maris
Baltici, & parte Orientali Pomeraniæ &c.

6. *Quales populi fuère Suevi, Alani, Burgun-
di, Longobardi, Scoti, & Picti?*

Suevi majorem partem antiquæ Germaniæ,
Alani Sarmatiam, sive Moscoviam incolebant:
Burgundi ad Vandalos referebantur. Longo-
bardos alii ex Suecia & Norvegia, è Saxonia
& Magdeburgensi ditione deducunt alii, Scoti
& Picti è Scythia oriundi Britannos multùm
exagitârunt.

7. *Quenam Ecclesiæ incrementa Sæculo quar-
to & quinto?*

Maxima sanè, ubi depulsa persecutionum
sæva hyeme Imperatores Christiani fovere
Ecclesiam cœperunt; mox enim ubiquè terra-
rum diffusa Christi fides mirificè est propaga-
ta. Orientis Imperium dudum antea ab Apo-
stolis excultum, sub Constantino Ecclesiæ pars
major fuit. In Occidente Burgundi, Galli, Sco-
ti, Hiberni Sæculo, quinto: Bavari. Hispani,

Angli &c. sæculo sexto ad Christum accessere.

8. *Quibusnam adversis agitata Ecclesia Sæculo quarto?*

Hæresi præsertim Ariana, quæ nonnullos Imperatorum, & Episcopos non paucos corripuerat. Nocuit plurimum Julianus Apostata, aliiq; Imperatores Hæresum Patroni.

9. *Num profuerunt Ecclesiæ Barbarorum incursiones?*

Mirabiliter disponente DEO profuerunt plurimum, eò quòd Barbari Christianis immixti ad sanctæ legis notitiam, æstimationem, ac desiderium paulatim fuerint perducti.

10. *Quid sentiendum de Baptismo Constantini Magni?*

Sentimus nos cum Ecclesia, eundem Romæ à S. Silvestro Papa sacro fonte ablutum, atquè à lepra mundatum esse. Contrarium sentiunt Scriptores A catholici: hi enim Constantinum paulò ante mortem Nicomediæ ab Episcopo Ariano baptizatum esse contendunt, secuti Eusebium Scriptorem Arianum, cujus dubiæ & subleste Authoritati mentem Ecclesiæ longissimè anteferimus.

11. *An credibile est, Constantinum ea de causa Baptismum distulisse, ut in Jordane fluvio ablui posset?*

Non credimus de piissimo Imperatore dilationem tantum, fundamento parùm solido nixam; nequè iis assentimur, qui volunt, ideò dilatum à Constantino Baptismum, ut absterfis paulò ante mortem vitæ maculis celo scè certius

perium censuit, à qua præclarè jam ante fuit administratum. Consultura Imperii commodis Pulcheria, Martianum conjugem virginem virgo sibi sociavit.

2. *Quo Imperii & Ecclesia bono coaluit hoc virginum conjugium?*

Eximio sanè utriq; enim pacem; pacisq; fructus prædulces peperit, quos Imperator pius, fortis, & pacificus unà cum Augusta conjugè sexeniò melluit usquè ad A. C. 457.

54. Leo I. Thrax. 55. Leo II.
sive junior.

Quid de his Imperatoribus memorandum?

Non aliud ferè, quàm Imperii in Occidente ruina, quæ ipsis in Oriente regnantibus evenit. Imperavit Leo I. annos 17. Leo II. anno uno usquè ad annum C. 475.

56. Zeno. 57. Anastasius.

1. *Quæ corporis, & animi species Zenoni?*

Corpus illi deforme admodum, & in eo animus vitiorum sordibus deformior Basilisci artibus Imperio pulsus, paulò post revocatur à populo, cui Basiliscus ob crudelitatem se fecerat exosum Zenonem more suo ebrium, Ariadne uxor vivum sepeliri jubet, Anno Imp: 18. C. 491.

2. *Quid interim gestum in Italia?*

Odoacrum ab everfa Monarchia primum Italiæ Regem Theodoricus Ostrogothorum Rex debellat, sibi què Italiam vindicat.

3. *Quandonam Anastasius Ecclesiam & Pontifices affligere cepit?*

Imperii quidem initia mira lenitate insignivit, populi oneribus imminutis: at hæresi Eutylianâ paulò post infectus, nec Ecclesiæ nec Pontificibus pepercit.

4. *Quas idcirco pœnas dedit?*

Fertur, in somno quondam vidisse v'rum horrenda specie, minaci vultu, qui librum manu præferens, indè annos vitæ 14. delere se dixit ob sceleratos Anastasii mores fulmine exinctus periiit post annos Imp: 27. A.C. 518.

CAPUT II.

Imperatores Sæculi VI.

58. *Justinus I. Tharx.*

Quibûs gradibûs ad Imperii apicem conscendit?

Bubulcum egit juvenis, tum secutus militiam per omnes dignitatum gradus ascendit. Tandem in solium evectus palàm fecit egregio virtutum splendore, se Imperio fuisse dignissimum. Primus huic fuit, qui Imperii coronam è Pontificis manibus accepit, nec immeritò, fuit enim Ecclesiæ studiosissimus. Præfuit annis 9. usquè ad A. C. 528.

59. *Justinianus.*

1. *Quâ potissimum re hic Imperator æternum sibi nomen peperit?*

Quòd Imperii leges ferè innumeras à viris doctissimis colligi, & in ordinem digeri iussit; unde Jurisprudentiæ initium dedit.

2. Num & bellica fortitudine claruit?

Belisarii potissimum operâ Gothos ex Italia, Vandalos ex Africa migrare cōegit, quorum Rex ultimus Gilimer, in triumpho ductus, illud Salomonis identidem ingeminabat: *Vanitas vanitatum, & omnia vanitas!*

2. Quæ tandem Belisarii fors fuit?

E dignitatum apice ob affectati Imperii nonnullam suspicionem dejectus, & oculis orbatus stipem rogâsse fertur, his verbis: *Date obolum Belisario, quem fortuna in altum evexit, invidia oculis orbavit.* Pœna hæc fuit, quod S. Silverium Papam in exilium ejecerit, & Vigilio Pontificatum pretiō vendiderit.

4. Qualia Justiniani in Ecclesiam merita?

Præclara fuissent, si satis firma. Idolorum cultū, omnemq; hæresim, severè prohibuit; sanctæ Sophiæ templum nobilissimum condidit ac donis magnificè auxit: Verum constantia defuit virtutum coronæ: quippe hæreticos fovere cepit, factus tandem & ipse hæreticus. An deniq; resipuerit, incertum est. Imperavit annos 38. ad A. C. 566.

60. Justinus II. junior.

1. An Imperio satis consuluit Justinianus cū nepotem Justinum Casarem dixit?

Minimè; quamvis enim Justinus initiō Virtutem coluerit, brevi tamen vitiis totum se dedit.

2. Quâ ratione Italia ad Longobardos transiit?

Justini potissimum & conjugis culpâ. Hæc Narsee-

Narfeti, belli ducum nobilissimo, parùm addi-
cta, Justinum eò permovit, ut illum Præfectu-
râ Italiæ exueret; namquè per contemptum
ajebat Imperatrix, revocandum ex Italia Eu-
nuchum, ut pensâ traheret cum ancillis in
gynæceo. Quò auditò, respondit Narses: te-
lam se illi orsurum, quàm ipsa, dum viveret,
detexere amplius non posset; moxq; Longo-
bardos è Pannonia vocat in Italiam qui novum
inibi regnum condunt. Relicta est Imperatori
modica pars Italiæ, quæ Exarchatus dicta est
quòd Præfecti à Cæsare missi, Exarchæ appella-
rètur, qui Ravennæ sedē posthac fixère. Post an-
nos Imp: 10. mète motus obiit Justinus A. C. 675.

61. Tiberius Constantinus III.

*Quomodo hujus in egenos liberalitatem Deus
remuneratus est?*

In palatio fortè deambulans lapidem vidit
cruce signatum, quem nè pedibus calcaretur
signum salutis nostræ, mox amoveri jussit; quò
facto latentem sub illo thesaurum eruit. So-
lium tenuit non nisi 6. annis ad A. C. 583.

62. Mauritius.

Quânam re hic Imperator claruit?

Fortiter acceptâ è manu DEI peccatorum
pœnâ, quàm facta sibi optione, in hac vitâ su-
bire maluit. Caganus Avarum Rex præliò
Mauritium vicerat, ac duodecem milium mil-
lia in captivitatem abduxerat; hos tamen o-
mnes pecuniâ minimè, grandi offerebat redi-
mèndos. At Mauritius aurum modicum liber-
tati

tati suorum prætulit; quos ea propter Caganus ad unum omnes occidi iussit. Vindictam inclamavit fusus cruor, eaq; brevi secuta est. Phocam Cæsarem dixit moes. Ille in oculis Mauricii, primum liberos & conjugem, deniq; Mauritium ipsum securi percuti jubet, ad singulas suorum mortes illud pie ingeminantem: *Iustus es Domine, & rectum iudicium tuum!* Imperavit ann. 19. ad A. C. 602.

CAPUT III.

Imperatores Seculi VII.

63. Phocas.

1. *Cur Deus Tyrannum hunc præesse voluit?*

Id ipsum in oratione querenti cuidam ser-vo suo respondit Deus, hunc à se electum, quia deteriorem non invenisset, ad plectenda Christianorum scelera.

2. *Quale factum illud unicum, quod laudem mereatur?*

Arrogabat sibi titulum Episcopi æcumenici, seu universalis Patriarcha Constantinopolitans. At vetuit Imperator, nè porro uterentur Patriarchæ isthac appellatione, quæ soli Romano Pontifici compereret. Occisus est Phocas, postquam imperavit annos 8. usque ad A. C. 610.

64. Heraclius.

1. *Quid memorabile huic circa sanctam Christi Servatoris crucem evenit?*

Eandem Persæ, captâ Jerosolymâ secum abduxer-

duxerant sub initium Imperii Heraclii. Versâ postmodum belli aleâ, sacrum lignum denun-
secepit suisquë humeris ad priorem locum de-
ferre statuit. Igitur Imperatorio indutus ha-
bitû per urbis plateas sanctum pignus magna
celebritate bajulat. Verûm sub ea urbis por-
ta, quæ ad montem Calvariæ ducit, subsistere
cogitur vi occulta retentus. Monuit urbis E-
piscopus Heraclium, videret, an splendida ve-
stis cum Servatoris humilitate satis consentiret?
Tum Heraclius deposito quamprimum orna-
tu, veste plebeja indutus, reliquum viæ faci-
lè confecit. Carterûm in hæresin Monotheli-
tarum lapsus, Heraclius haud levem nomini
suo maculam aspersit.

2. *Quo tempore Mahomet, insanus legislator,
sectam suam condidit?*

Heraclio imperante circa annum C 630. in-
gentes ac celeres Saracenorum, qui Mahometi
adhasere, progressus fatalem animi ægrimo-
niam, ac præproperam mortem pepererunt.
Imperavit an. 30 ad A. C. 641.

65. Constantinus IV. 66. Con- stans II.

1. *Cur optimus Princeps Constantinus celerè
fata sublatus?*

Is Heraclii filius, charus omnibus, novercæ
sux artibus post 3. mensium Imperium vitâ
quoquë privatus est; quippe illa filium Hera-
cleonam solio admoverè parabat. Crudele
factum indignati procures, matrem cum filio
præcisâ

præcisâ illi linguâ, huic defectis naribus, exilio multavêre. A. C. 642.

2. *Quæ Constantis encomia?*

Pietate parenti dissimilis, impietate multum avô superior, crudelitatem hæresi sociavit, dum interea Saraceni insulas Rhodum ac Cyprum occuparent, & colossi Rhodii fragmenta nongentis camelis aveherent. Romæ subin, templis omni pretiosâ supellectile spoliatis, Syracusas venit, ubi ab ancilla in balneo, impactâ in caput situlâ, animam efflavit. A. Imp: 26. Chri: 668.

67. *Constantinus V. Pogonatus.*

1. *Quid Ecclesiæ bono Constantinus effegit?*

Duo præstitit: Concilium œcumenicum sextum Constantinopoli haberi petiit, ad convellendam Monothelitarum hæresin; deinde Convēntus pro electione Pontificum haberi solitos, & à Justiniani temporibus omisos denuo instaurari voluit. Imperium tenuit annos 17. ad A. C. 685.

2. *Quæ pestis sub hac tempora Romæ sævit?*

Visus fuit specie informi diabolus compita obambulare Angelo comite, quo jubente quoties cujusquē domûs januam lanceâ percussisset, tot in illa peste extincti postridie efferebantur. Tandem, cœlo admonente, S. Sebastiani honoribus erectum altare malo medicinam fecit.

68. Justinianus Rhinotmetus. 69. Leontius. 70. Tiberius Absimarus.

1. *Quid singulare Justiniano Pogonati filio
evenit?*

Quod, Imperio decem annis malè administrato, & sceleribus contaminato, abscissis naribus solio sit dejectus, ac denuò restitutus post duorum Cæsarium regnum intercalare.

2. *Quinam hi duo Cæsares?*

Leontius, quem post Imperium triennale naso mutilat Tiberius Absimarus; hic verò septennium imperando exegit, quo evoluta Trebellii Bulgarorum Regis auxilio reversus ad Imperium Rhinotmetus (naso carentem id nomen sonat) annos adhuc septem præfuit. Necatur in seditione Ann: Chr: 711.

CAPUT IV.

Imperatores Seculi VIII.

71. Philippicus. 72. Anastasius

73. Theodosius III.

1. *Quæ Philippici fors fuit?*

A seditionis electus, sed inutilis plebi, quod errores Monothelitarum tueretur, oculis orbatur post duos Imperii annos A. C. 712.

2. *Quid de Anastasio singulare?*

Fuit is Imperator doctus æquè, ac pius, qui sacrarum Imaginum cultum fortiter asseruit. Imperii anno tertio milites illum ab officialibus irritati, in monasterium detradunt Anno Christi 715:

3. *Quæ Theodosii fortuna?*

Imperium, quod acceperat invitus, Leoni III. sponte cessit, vitam solitariam in cœnobio amplexus; ubi majorem, quàm in Imperio felicitatem reperisse se postea fassus est. Illi præfuit anno uno ad A. C. 716.

74. **Leo III. Isauricus Iconomachus**

1. *Quò locò apud Scriptores habetur Leo tertius?*

Propè nullo nisi pessimo: quia sacras imagines à templis ac privatis ædibus abstrahi, confringi, & cremari, earumquè Cultores diris modis vexari jussit.

2. *Quis huic sese impietati opposuit?*

Gregorius II. à quo in Concilio Romano damnati Iconoclastæ, & assertus sacrarum Imaginum cultus. Leo verò ab Ecclesiæ communione semotus, populi odium incurrit, præsertim in Italia, ubi vix quisquam Cæsari hæretico parere amplius voluit; hinc Exarhatus propè ad finem perductus. Adversus impium Leonem Papa iniit fœdus cum Carolo Martello, Caroli M. avo, qui Galliam administrabat, fuitquè is Ecclesiæ ac Pontificum defensor eximius,

3. *Quæ inter hæc rerum vices in Hispania?*

Witiza, Rege impio Veneri litante, ac palatium in lupanar mutante, adest Maurorum exercitus ingens; à quo major Hispaniæ pars occupata. Ægyptum quoquè Sarâceni in potestatem redege-
Impe-

Imperante, Africam quoq; suam fecerant. Sæ-
viit Leo annis 24. ad A. C. 741. diris colicæ
doloribus extinctus.

75. Constantinus VI. Copronymus.

1. *Quid mali adhuc infans præfagit?*

Salutaribus undis tingendus, sacrum Bapti-
smi fontem sordibus infecit, undè & nomen
Copronymi obtinuit. Indè ansa vaticinandi fu-
it S. Germano Episcopo, Constantinum Eccle-
siam pessimè inquinaturum; id quod eventus
docuit. Namq; sacrarum Imaginum hostis a-
cerrimus Constantinus innumeros earum cul-
tores sustulit; cœnobîa vel evertit, vel incen-
dit, aut militibus habitanda permisit, ejectis
Monachis; dicatas autem Deo Virgines ad in-
eunda connubia pertrahere conabatur, oculos
eis eruendos minitatus, nî morem gererent:
at maluerunt illæ oculorum, quàm virginita-
tis jacturam facere.

2. *Quas pœnas dedit tantorum scelerum?*

Adversum Bulgaros movens, febris arden-
te correptus, perpetuò vociferabatur: *Uxor mo-
rior!* mortuus enim verò est morte impiorum,
qui annos 34. sceleratè in Imperio vixerat A.
Christi 775.

76. Leo IV. Porphyrogenitus.

1. *Num patre suo hic melior fuit?*

Haud procul à stipite pomum cecidit: quip-
pe sacras Imagines, & earum cultores exem-
plo patris paribus odiis insectabatur Leo fi-
lius.

2. *Quò supplicio mactatus interit?*

Coronam auream e Sanctæ Sophiæ templo fur sacrilegus Leo abstulit, quam ut primum capiti suo imposuit, subitis ardoribus est correptus: perinde ac si cadentibus prunis caput illius torreretur atq; eo supplicio etiam interit, A. Imp: 5. C. 780.

77. *Constantinus VII. 78 & Irene.*

1. *Quis Imperii status sub Constantino & Irene?*

Annum ætatis decimum agebat Constantinus, patre Leone mortuo, Ergo Irene illius mater, fœmina prudens & fortis; sed ambitiosa, locò filii Imperium regendum suscepit. Pacem Ecclesiæ redditura, Concilium universale septimum celebrari à Pont. fice petiit, in quò damnati rursus Iconoclastæ, & SS. Imaginum cultus stabilitus. Imperavit loco filii annos 10. ad A. C. 790,

2. *Qua in regimine oborta mutatio, ubi Constantinus adolevit?*

Matrem ab Imperio dimovere conatus quidem est, annos jam 20. natus; sed Irene verberibus etiam excepto quietem imperavit; brevi tamen post urgente exercitu mater cedere Imperium filio coacta est, cui annis septem ad Ann. Christi 797. solus ille pessimè præfuit, paternæ impietatis hæres. Ea de causa Imperii Proceres Irenen supplices adeunt, & ut sceptrum filio eriperet. hortantur, quod quidem illa haud quaquàm invita præstitit; excæcato mox filio, cui ea calamitas mortem accelleravit.

3. *Quàndiu à filii cede sola mater præsuit?*

Annis adhuc quinq; ad A. C. 802. Namq; illi ob ambitionem Græcis tandem invisæ Nicephorus Patritius subrogatur, à quo publicè orbata sceptro in exilium ablegata est. Interea Occidentis Imperium Carolus M. denuò instauravit, cujus rei summa necessitas erat, cum Ecclesiam non modò non tuerentur amplius, sed impiè vexarent Imperatores Orientis.

OBSERVATIONES Ad Partem secundam Historiæ de Imperatoribus Christianis Roma- no Græcis.

1. *Auctumne Imperium, an restrictum sub Imperatoribus Romano-Græcis?*

Restrictum potius, à Saracenis præcipuè, qui Arabiam, Africam, Ægyptum, Cyprum, aliasquè regiones ab eo distraxere

2. *Qua ratione Deus providit Ecclesiæ sub his Imperatoribus?*

Forti brachio eandem servavit, dum Imperatores magnam partem aut hæretici, aut impij parùm illi proderant, nocebant plurimùm. Hinc dedit Ecclesiæ Deus Pastores pervigiles, sanctitate claros, quales fuere inter plurimos S. Gregorius Magnus, S. Leo, S. Hilarius, S. Felix, S. Anastasius, aliquè summi Pontifices magno numero.

3. *Verumne illud, quod Phocas per Diploma Cæsareum Papa dignitatem Episcopi œcumenici contulerit?*

Ità quidem Scriptores A catholici; sed pessimè, cùm nec Phocas, nequè ullus Imperatorum conferre dignitatem potuerit; quæ à solo Christo in ejusdem Vicarios promanavit. Igitur solùm declaravit Phocas, Romano Pontifici, minimè verò cuiquam Patriarcharum jure competere appellationem Episcopi universalis, quod ipsum ante omnem Phocæ declarationem probè fidelibus & sinè dubitatione constabat. Ergo Phocas merè fuit instar brachii sæcularis, quo Ecclesia aliquando indiget.

4. *Verumne, quòd Pontifex Diplomate illo à Phoca obtento. Mauritii eadem comprobavit?*

Calumnia est, & omni fundamento carens fabula, ut odium conflarent Christi Vicario infensissimi Ecclesiæ hostes.

5. *An unquam Pontificum electiones opus habuerunt Imperatorum calculo, aut consensu, ut essent validæ?*

Neutiquam id fuit necesse. Illud verum est, aliquamdiu per vim Orientis Imperatores sibi jus arrogasse Pontificum electiones sua auctoritate permittendi, aut confirmandi.

6. *Verumne, quod ajunt A catholici, Iconoclastas sacrarum Imaginum adorationem rejecisse &c.*

Nolunt interelligere malevoli, quid inter cultum, & adorationem intersit. Hanc nunquam sustinuit Ecclesia; illum semper probavit. Quæ

reſnon adorationem, quæ nunquam exſtitit,
ſed cultum vexârunt Iconoclaſtæ.



P A R S III.

De Imperatoribus Chriſtianis Ro-
mano - Germanicis in Occidente
à Carolo M. uſque ad Rudol-
phum Habsburgicum.

Quinquè Sæculis cum dimidio pars iſta abſol-
vitur, numeratquè Imperatores 27.

C A P U T I.

Imperatores Sæculi IX.

è Stirpe Caroli M.

79. Carolus Magnus.

1. *Qua ratione iuſtauratum Occidentis Imperium?*

Carolum Magnum Galliæ Regem, Pipini Bre-
vis filium, Dei Providentia elegit, ut maximo
Eccleſiæ bono Imperiũ Occidentis, ante annos
325. collapſum, reſtitueret Præſidii nihil, ve-
xationis autem plurimũ, ab Orientis Impera-
toribus capiebat Eccleſia, cujus ditiones infeſta-
bant Exarchiæ, & Reges Longobardi opprime-
bant. Igitur Leo III. Pontifex, Divino utiquè
inſtinctu, Carolum, optimè de Eccleſia meritũ,
ipſa die Chriſto naſcenti ſacra, in S. Petri tem-
plo corônâ Imperatoriâ exornat, acclamâte po-
pulo: Carolo Pio, Auguſto, à Deo coronato, Magno
& Pacifico Imperatori Vita & Victoria?

H3

2. Quo

2. *Quo Juramento se obstrinxit Carolus
suscepto Imperio?*

Constante defendendi Ecclesiam, quod munus indè à Constantino Magno, Imperatorum fuit proprium, à multis quidem fortiter adimplerum, ab aliis neglectum.

3. *Quibus beneficiis Carolus Ecclesiam affecerat, antequam dictus est Imperator?*

Desiderius, Longobardorum in Italia Rex postremus, cùm Ecclesiæ ditiones, tum Ecclesiæ Caput Adrianum miserè vexabat, Monitus à Carolo, resistere noluit. Adest igitur, rogante Papa, cum exercitu Ecclesiæ defensor Carolus, ac geminâ pugnâ victum Desiderium Licini capit, & regno exuit.

4. *Quibus donis Ecclesiam auxit?*

Exarchatum, & Umbriam Ecclesiæ jam donârat Pipinus; patris donationem firmavit Carolus, adjectâ Corsicâ, Sardinia, Sicilia, Spoletum, Hetruriâ, Benevento &c. Regnum verò Italiæ sibi servavit.

5. *Quale fuit bellum Saxonicum Caroli Magni?*

Ante obtentum Imperiûm Saxones diuturno bello Ecclesiæ tandem, sibiq; subjecit Carolus Rex. Gens hæc bellicosa, & Galliæ tributaria jugum excutere parabat, Carolo alibi agente. Advolat ille cum exercitu, ac feditiosos domat. Iterum, iterumq; ab officio discedentes 33. annorum spatio sibi iterum & Ecclesiæ subjicit, dum gentem hanc cû Witikindo Duce ad Christum adduxit. Fundavit porrò in Saxonis undecem amplissimos Episcopatus, ut adeò Provinciam

vinciam ferè integram Ecclesiæ vindicârit.

6. *Quid factum Thassilone Bavariæ Duce?*

Stimulante conjuge sua. Desiderii Longobardorum Regis filiâ, in Carolū M arma sumpsit, Italiam sibi vindicaturus; sed omni ditio-
ne exutus in monasterium detruditur.

7. *Quanta fuit Caroli pietas?*

Verè Imperatoria & magnifica Princeps illi cura semper fuit Ecclesiæ defensio, & propagatio Divini honoris incrementa spectabat, cum idola subverti, proscribi hæreses, populos erudiri & Pastoribus idoneis instrui sollicitè curavit. Fundavit Episcopatus 11. Monasteria tot, quot literas habet Alphabetum: Divinis officiis quotidie aderat, quin & sæpissimè pueris cantoribus in Ecclesia immixtus, divinas cum ipsis laudes alacriter decantabat. Nunquam prælium commisit cum hostibus, nisi ardentè invocato prius in Ecclesia cœlesti auxilio Sacerdotes quoq; constituit, qui, dum conferebatur prælium, felicem illius exitum à Deo exorarent: hinc utiquè tanta, in bellis gerendis felicitas, quæ non nisi Cœlo auspice conficiebat.

8. *Quibus animi dotibus præfulsit hic Imperator?*

Soliditatem in rebus omnibus spectabat Princeps magnanimus, itaq; curabat maxima, ut, quæ viderentur minima, nō negligeret. Plerisque scientiis insigniter excultus, videlicet Musicâ, Mathesi, Philosophiâ, Astronomiâ, Pœticâ, Theologicâ. Linguam Græcam, & Latinam apprime calluit; Germanicam tamen, qua ut plu-

rimum utebantur, præ cæteris adamavit, quam & insigniter excoluit. Vestitus, & mensa illi vulgaris, quam lectione utili plerumquè condiri volebat.

9. *Quò literas promovendi studiò arsit Carolus Magnus?*

Istud facto memorabili palàm fecit. Ad Scholas invisebat sæpius tantus hic Princeps, suâ præsentia, & adhortatione Juventutem stimulaturus ad discendum. Fortè sciscitatus ex ludimagistro, quinam proficerent melius, nobiles, an plebeji, responsum accepit, plebejos discendi alacritate nobilibus longè anteire. Igitur & hos & illos in medium ad se vocat Carolus, plebejis ad dextram, nobilibus ad sinistram stare iussis. His ignaviam suam exprobravit, illis verò dilaudatis suos imposteriorum favores, & suo tempore ad officia promotiones spopondit, optimè gnarus: quantum Reipublicæ bene gerendæ pondus tribuat Juventus probè erudita.

10. *Quo fato functus hic Imperator?*

Ætatis anno 72. febri correptus, quam incassum depellere solitâ abstinentiâ conatus est, obiit Aquisgrani, omnibus morientium Sacramentis munitus anno Regni Francici 46. Imp: 14. C. 8 14. Hæc illi familiaris fuit tessera: *Christus regnat, Christus vincit, Christus imperat.*

80. Ludovicus Pius.

1. *Quanam Ludovico debita laus?*

Etsi fortitudinem Parentis & magnanimitatem

rem affecutus non est; pietate tamen haud multò fuit inferior, Pii propterea nomine insignitus.

2. *Quid in illo carpendum?*

Lenitas nimia, cui aut firmitatem, aut severitatem, cum opus esset, admiscere haud noverat; hinc ab aliis contemptus, à filiis vehementer etiam fuit afflctus.

3. *Quenam hujus vexationis causa?*

Inter filios Lotharium, Pipinum, & Ludovicum provincias diviserat Imperator; at Carolo Calvo postea in lucem edito, mutata divisio. & sua quoq; huic portio adjudicata. Ægre habuit tres filios natu majores, quòd imminui assignatas sibi ditiones cernerent, atquè hinc exemplo hæctenus inaudito arma in Parentem expediunt.

4. *Quanam catastrophe clausa Tragedia?*

Parentem prope Basileam Imperio exuunt filii, nonnullorum Procerum auctoritate suffulti, ac pœnitentis habitu indutum in captivitatem detrudunt, cum illis ipse non armatus, sed pacificè rem transacturus occurrisset. Evolato unius anni spatio facti pœnitentes Ludovicus, & Pipinus solio Parentem restituant.

5. *Quâ pœnâ filiorum scelus emendavit Imperator?*
Cōsueta lenitate culpā illis omnē ultro dimisit.

6. *Quæ prima Ludovici cura?*

Pietas tum propria tum aliena; hinc fundandis, & exornandis Ecclesiis, abusibus tollendis, Cleri ac populi moribus reformandis unicè delectabatur. Piissimam vitam simili fine clausit.

præmissò 40. dierum jejunio, & susceptis Sacramentis Anno Imp: 26. C. 840.

81. Lotharius.

1. *Quam labem in Imperii aditu nomini suo aspersit?*

Ditionis augendæ cupidine inductus cum fratribus bello contendit, quod Galliam pæne totâ eversum ibat. Verûnigemino atroci prælio victus. leges accepit, qui dare voluit: Solâ igitur Italiâ & Australiæ parte quam dein à suo nomine Lotharingiam dixit illi relictâ Carolus Calvus Galliam, Ludovicus Germaniam, Pipinus Aquitaniam retinuit.

2. *Qua factò Imperii exitum memorabilem reddidit?*

Seu rerum caducarum, seu fortunæ tædio in cœnobiûm se abdidit Imperio sponte dimissò, quod unâ cum Italia in filium Ludovicum transfudit, Lotharingiâ Lothario, Carolo assignatâ Burgundiâ. Veste Religiosa indutus in Monasterio Prumiensî prope Treviros paulò post æternitatem adit. An: Imp: 15. C. 855.

82. Ludovicus II.

1. *Quàm prope ad avi Caroli M. virtutes accessit Ludovicus secundus?*

Ut nemo è Carolingis propiùs. Accepta Romæ Imperii coronâ illud unicè curavit, ut Ecclesiæ prodesset. Profuit enim verò, dum Saracenos Italiam vastantes ad sua redire compulit, dum virtutibus Imperatore dignis solium illustravit, Princeps optimus, Justus, Pacificus.

2. *Qua*

2. *Qua temporum iniquitas orbem afflixit
Imperante Ludovico?*

Fames atrox, & pestis adeò dira sæviit, ut tertiam hominum partem fuisse absumptam, testentur Scriptores. Obiit Ludovicus Mediolani post annos Imp: 20. Chr: 875. Cumq; hærede careret, extincta cum ipso est stirps Carolingorū Italica, transiitq; Imperium ad Gallicam.

83. Carolus Calvus.

1. *Quibus artibus ad Imperium est eluctatus?*

Ludovico Germanico, fratri natu majori, sceptrum debebatur. At verò Carolus electus jam prius Lothario Lotharingiæ. Imperium quoq; cum Italiæ Regno Ludovico fratri præripere nil dubitavit. Igitur Joanne VIII. Papa in suas partes pertracto, Romæ Imperator solenniter inauguratur.

2. *Cur Pontifex Carolum potius, quàm Ludovicum coronâ impertivit?*

Ultro sese obtulit Carolus ad suscipiendum è manu Pontificis Imperium; neq; enim illud jure sanguinis adiri necessario debere contendeat; sed & electione Pontificis, ac populi Romani obtineri posse judicabat. Haud ægre annuit Pontifex. præcipuè cùm plus auxilii adversum Ecclesiæ hostes à Carolo quàm à Ludovico expectaret.

Qualem in Imperio se præstitit Carolus?

Quàm iniquus ante Rex, tam insignis postea fuit Imperator, meritoq; dein Ecclesiarum beneficus Pater, Defensor Fidei, ac literatorum eximius.

eximius fautor est habitus. Venenum illi propharmaco, dum agrotaret, archiater Judæus præbuit An: Imp: 3. Chr: 877.

84. Ludovicus Balbus.

Cur solam Imperatoris dignitatem, sinè Regno Italiæ, adit Ludovicus?

Mortuo Carolo parente, Ludovicus à Joanne VIII. in Gallias profugo, diademate exornatus est, postquam Carolomannus Ludovici Germanici filius Italiam sibi vendicaverat. Anno Imperii altero Balbum, à lingua balbutiente sic nuncupatum, mors sustulit A. C. 879.

85. Carolus Crassus.

1. *Cur omissis Ludovici Balbi filiis Carolus Imperator dictus?*

Quia opis indigus Papa adversùm Saracenos à Ludovici filiis ob ætatem sperare nihil poterat, Carolum Crassum in Italiam invitat, ac Saracenis robore militum ejectis, ad Imperii fastigium extollit.

2. *Qua ratione Monarchia integra ad Carolum est devoluta?*

Decefferat sinè liberis Ludovicus Germanicus junior; successit igitur in Regno Germaniæ Carolus, Ludovico autem Ignavo, & Carolo Simplice filiis Ludovici Balbi ineptis ad regendum, Galliæ Proceres istud quoq; Regnum Carolo deferunt. Sic mutatione subita & mirabili, Monarchia integra, ut eandem Carolus M. possederat, Carolo Crasso paruit.

3. *Qua-*

3. *Quenam alia multò magis stupenda mutatio paulò pòst evenit?*

Carolus Crassus tot regnorum potens Monarcha, subito ad incitas redactum se vidit, cū Galliæ, ac Germaniæ Status unanimi consensu eundem Regnis omnibus, & Imperio exuerunt. Tres erant casûs gravissimi causæ: prima, quòd cum Normannis pacem probrosam Carolus iniisset, relicta iisdem Neustria Gallicæ Provincia, quam à suo nomine Normanniam dixere. 2. Quòd falsis accusationibus inductus, Richardē conjugem iniq; repudiasset. 3. Quòd animo hebetatus, nihil deinceps profuturus Imperio; sed nociturus videretur.

4. *Quenam Caroli adempto Imperio fortuna?*

Deploranda sinè metamorphosi eò redactus est, ut nè unicus quidem illi famulus esset super, qui offam pararet: fame igitur fuisset interiturus, nisi Luitbertus Moguntinensis Archiepiscopus miserrimo Principi victum præbendum curasset. Obiit paulò pòst, annis 7. in Imperio transactis A. C. 886 Sepultus in Monasterio Augiæ divitis. Non desunt, qui asserunt, Carolum Neidingæ in Suevia à malevolis strangulatum. Is primus in Diplomatis Christi nascentis Epochâ usus esse perhibetur.

86. Arnulphus.

1. *Quis Imperii status Carolo exauctorato?*

Omnino turbulentus: Arnulphum Germani Regem suum dixere: Gallia ad Carolum Simplicem ultro rediit; in Italia Guido Spoleti Dux, Lam-

Lambertus ejusdem filius, & Berengarius è Regum Longobardorum prognatus sanguine Imperium singuli adière, de quo sibi impofterum afferendo annis minimùm 50. hi Principes Itali decertârunt.

2 *Qua demum ratione Arnulphus Imperator est renunciatus?*

Annis octo solam Germaniam rexerat, cùm in Italiam, ubi Lambertus magnas excitaverat turbas, ad easdem sedandas evocatur à Formoso Pontifice. Romam hostili munitam præsidio diu incassum obsidet Arnulphus, dum tandem eventu planè ridiculo urbem in suam redigit potestatem.

3. *Ecquisnam eventus ille?*

Lepusculum, è dumeto fors excitatum, ad permedia castra diffugientem insequitur militum turma; quam dum inter clamores inconditos ad urbem accurrere vident ordines in exercitu postremi, & ipsi accurrunt, impetum in urbem faciendum rati. Clamore infano, & hostium numero exterriti, qui mœnia custodiebant, aufugiunt ad unum omnes. Desertas igitur stationes & muros occupari à suis quamprimum jubet Arnulphus, Duce Lepusculo urbis victor celeberrimus, in qua mox Imperator est renunciatus & coronâ aureâ insignitus.

4. *Quis paulò post infelix casus Arnulphum prostravit?*

Lambertum æmulum, in arce Camerinensi unâ cum matre sua latentem, obsidebat Imperator. Illum femina hæc, cùm aperta vi non posset,

posset, clàm tollere è medio statuit. Quare corrupto pecuniis Arnulphi Pocillatori persuader, ut hero suo poculum venenatum præbeat; quo Imperator exhausto, tres dies noctesquè continuas pertinaci somno extraxit: eversa dein vi potûs hujus valetudine, biennium varios inter morbos ad omnia inutilis exegit, consumptus tandem Oettingæ Rhatix, sepultusq; Ratisbonæ in S. Emmerami œde. Imp: ann: 4. C. 899.

87. Ludovicus IV.

1. *Quis è stirpe Caroli M. ultimus Imperium*

Ludovicus hic, Arnulphi filius, Infans à nonnullis dictus, quòd septennis à Germaniæ Proceribus Imperator sit renunciatus.

2. *Cur ab Hungaris sub Ludovico vastata Germania?*

Hunos Arnulphus contra Bohemos obsequium detrectantes, auxilio advocârat. Illi viam, qua redirent, edocti, ad fuere sub Ludovico non jam ut socii; sed hostes. Conserto ad Arnsburgum, Baviariæ oppidum, triduo prælio, tanta clade Germanos affecerunt, ut passim super cæsorum cumulos, velut super menses convivaretur victor Hungarus: quocum nō nisi auro plurimo, & annuo vectigali redimere pacem Ludovicus potuit, mœrore idcirco, ut ajunt confectus. Imperavit annos 12. ad A. C. 912. sepultus pariter Ratisbonæ ad S. Emmerami.

CA-

) 128 (

C A P U T II.

Imperatores Seculi X.

88. Conradus I. Franco.

1. *Quo is pacto ad Imperii fastigium áfendit?*

O: honem Saxoniz Ducem ad Imperium postulárant Germani. Verùm is recusata ob senium dignitate, Conradum Fraucioniz Ducem, ceu Herodém Imperio dignissimum, subrogari sibi petit; quamvis ipsemet filium haberet Henricum Aucupem tanto muneri parem.

2. *Qua laude præfuit Conradus?*

Aquisgrani accepta à Moguntino coroná, insigni prudentia & fortitudine jus suum contra æmulos Arnulphum Malum, Bavariz Ducem, & Henricum Aucupem prosecutus est.

3. *Quemnam sibi Imperatorem subrogari moriturus petiit?*

Hostem suum Henricum Aucupem, à quo magnam cladem acceperat Merseburgi in Saxonia. Nimirum privatis odiis præhabita Imperii salute, sceptrum Henrico destinavit, quò digniorem sciebat neminem. Obiit post annos Imp: 7. Chr: 919.

89. Henricus Auceps.

1. *Unde nomen Aucupis obtinuit?*

Quod ab Episcopis & Principibus Germaniz Imperator dictus, tantæ dignitatis insignia acceperit ancupio intentus, quò mirificè delectabatur.

2. *Quid*

2. *Quid illi cum Hunnis negotii?*

Loco vectigalis annui à Ludovico IV. ex-
torti, canem illis scabiosum reddi iussit: quo
probrio vehementer exacerbati, mox in Ger-
maniam valido cum exercitu irrumpunt; sed
ingenti suorum clade ab Henrico depulsi,
Germanorum vires pluris, quàm antehac fa-
cere docti sunt. Tantam Victoriam (50. enim
Hunorum millia hoc prælio cæsa sunt) Cœ-
lo auspice Imperator tulit, quod edito de bla-
sphemia & simonia tollenda voto, propitium
sibi reddidit: quippe Angeli pro Henrico pu-
gnare sunt visi, dum interea in ipso prælii æ-
tuo loco militaris clamoris exercitus Kyrie e-
leyson tam constanter quàm piè ingeminaret.

3. *Cur Germania major urbium numero au-
geri cepit?*

Urbes rariores numerabant Germani, alen-
do ut plurimum pecori & ruri colendo in pa-
gis intenti. Cruentæ Hunnorum incursiones
moenibus viros claudere, ac munimenta con-
dere Henricum docuerunt: namquè observa-
tum fuerat, Hunnos, omissis urbibus, quas ex-
pugnandi artem ignorabant, patentes solum
provincias infestasse.

4. *Quinam ludi equestres, quos Henricus
instituit?*

Ut Germana Nobilitas opportunè exercè-
retur, & ad bella rite gerenda pararetur, ha-
stiludia instituit, ad quæ non nisi avita & in-
tegræ famæ Nobilitas certis legibus admitte-
batur. Ad primum Magdeburgi celebratum
puse: VI. I hasti-

hastiludium 974. Viri Nobiles convenère.

5. *Quo fine Imperii Marchiones instituit?*

Ut fines Imperii contra hostium invasiones tuerentur. Hinc Danis Marchionem Sleswicensem Brandenburgensem Vandalis, Misnensem Bohemis, Austriacum Hungaris opposuit. Atq; hi Marchiones, fortiter agendo, ditionibus aucti in potentes tandem Principes excrevère.

6. *Quodnam cimelion Henricus Imperii Insignibus adjecit?*

Longini lanceam, qua Christo apertum latus. Hanc quà precibus, quà minis à Rudolpho Galliarum Rege extorsit. Eadem asservatur inter cætera insignia Norimbergæ. Cæterùm Henrico debet Germania, quòd artibus variis, belli studiis, optimisq; legibus aucta sit, & exornata. Hinc Pater Patriæ, Princeps pius, Imperii & Ecclesiæ Ornamentum jure optimo à grata posteritate vocabitur. Rexit Imperium annis 17. ad A. C. 936.

90. Otho Magnus.

1. *Cur Otho sub Imperii exordium terror, dein amor mundi appellatus?*

Magno parente Henrico major adhuc filius Otho felicibus bellis, & invicto robore, populos ab obsequio alienos adedò mox contrivit, ut mundi terror sit dictus. Ob clementiam dein, & humanitatem singularem, cæteraquè virtutum ornamenta Amor mundi est appellatus.

2. *Cur*

2. *Cur à binis suis fratribus impugnatus fuit?*

Tancwerdus Imperium sibi tanquam majori natu deferendum ratus, bellum Othoni movit, in quo vitam posuit. Contra Henricus frater quidem minor natu, sed ab Henrico Aucupe, jam Imperatore, genitus sibi coronam deberi existimabat, quòd Otho, patre nondum imperante, esset in lucem editus. Verùm nec iste profecit quidquam. Variis enim cladibus affectus, permittere se Othoni supplex debuit, à quo Bavariæ Ducatu est auctus.

3. *Cur à filio quoquè armis laceffit Otho?*

Ægrè tulit Ludolphus, patrem Othonem ad secundas nuptias transisse, quòd suam sibi portionem imminutum iri crederet. Igitur ad arma vocat, Hunnis etiam in auxilium accitis. At nihil proficere in Patrem potuit natus impius, dum fractis tandem viribus ab Othone veniam supplex petere est coactus, quæ quidem concessa est; sed nonnisi deposito Sueviæ Ducatu, cui præerat Ludolphus, & in Eberhardum Helffensteinium translato.

4. *Qua Othonis contra Hunnos fuit fortuna?*

Cùm omnem latè Germaniam igne ferroq; vastarent, in campo Lycio haud procul Augusta tantam Barbarorum edidit stragem, ut è centum millium exercitu vix pauculis in Panoniam redire licuerit, acceptæ cladis nuncium allaturis. Auctus nobilissimâ victoriâ Imperator per omnes Germaniæ Ecclesias gra-

tes DEO referri publicè iussit. Prælio interfuit S. Udalricus Episcopus Augustanus, illiquè in medio pugnae Crux, victoriæ tessera de cælo submissa fuisse perhibetur

5. *Quid rerum terna expeditione in Italia gessit?*

Prima Berengarium, Italiæ Regem domuit, ac supplici feudi nomine Italiam concessit. Alterâ eundem Berengarium Pontificis rogatu, quem variè vexabat, bello petiit, regnoq; exutum Bambergam in exilium migrare iussit. Papa verò tyranni vexationibus liber, Othonem liberatorem coronâ impertit, spondetquè, se illi perpetuò adhæsurum, eumq; pro legitimo Imperatore, exclusis aliis, habiturum.

6. *Num diuturna fuit hæc Pontificis cum Othone consensio?*

Minimè; geminos Cardinales, Pontifici refractarios, Otho benignè susceperat, cum ad se confugissent. Indignatus Papa, Adalbertû, Berengarii filium, adversus Othonem evocat. Hic vero in furorem versus, Romam armata manu ingreditur, & Joanni XII. Pontifici Leonem VIII. Pseudo-Papam subrogat, quo incentore Imperatoris in Joannem Pontificem indignatio tamdiu sopita non est, quamdiu Leo superstes fuit. Hoc extincto, & peste exercitum vastante, ad se rediit Otho, hanc divinitus immissam interpretatus ob malè habitum Christi Vicarium.

7. *Quæ*

7. *Quanam tertia Othonis in Italiam
expeditio?*

Versus in agnum leo, Romam accurrit Jo-
anni XII. contra refractarios laturus suppe-
tias. Severè punitis iis, qui è Romanorum
numero quietem turbârant, mansit posthac san-
ctæ Sedi addictissimus.

8. *Quanam alia Othonis præciara fa inora?*

Græcis & Saracenis ex Italia pulsus: hanc
integram Imperio restituit Danos, Sorabos,
Heneros, Bohemos fortiter debellatos, ad Ec-
clesiam, Christi què fidem adduxit, complures-
què Episcopatus erexit. Quoties habitu Im-
peratorio induebatur, DEUM ardentè ora-
bat, ut sibi animum humilem, & alienum à
superbia largiretur &c. Obiit post annum Imp:
37. An: Christi 973. Dignissimus, cui istud
Magdeburgi sepulto poneretur elogium sepul-
chrale:

Tres luctus causæ sunt hoc sub marmore clausæ
Rex, Decus Ecclesiæ, summus honor Patriæ

91. Otho II.

1. *Quo tempore Imperii coronâ redimitus?*

Vivente etiamnum patre Othone M. an-
nos natus quindecim, Romæ est coronatus? mi-
nor parente filius, cujus felicitatem & virtutes
non perinde est assecutus.

2. *Cur pallida mors Saracenorum est ap-
pellatus?*

Quòd hos, à quibus antea cæsus fuerat &
captus, felici prælio superatos, ad internecio-
nem

nem deleverit, ut primum ex eorum manibus mira dexteritate evaserat.

3. *Cur postmodum dictus etiam Sanguinarius?*

Ob factum crudele, quod Romæ exercuit. E Nobilitate Romana quosdam occultè seditiosos deprehenderat, quos è medio tollere mox constituit. Ergo Nobiles Romanos ad unum omnes epulo exceptos, inter delicias convivales subito exterret, dum valida militum manu in triclinium immissa; seditiosos ab epulis ad capitis supplicium abripi jubet, cæteris inspectantibus, & horrore plenis. Frustrà hos, peractâ carnificinâ, Otho ad hilaritatem est cohortatus, cùm tristium epularum finem universi avidè expectarent. Imperavit annos 10. ad Ann: Ghristi 933.

92. Ottho III.

1. *Cur mirabilia mundi appellatus?*

Anno ætatis decimo patre orbatus, Willigiso, & Gilberto Averno viris doctissimis, quorum prior Archiepiscopus Moguntinus, alter summus Pontifex tandem factus, traditur instituendus, quorum sub magisterio tam stupendos in litteris progressus fecit, ut ob amplissimam in ætate adhuc tenera eruditionem Mundi Miraculum appellari sit meritus.

2. *Quidnam de Willigiso memorie proditum est?*

Carpentarii filius is erat, humili loco natus; ab Othone III. quem literarum, & morum præceptis imbuerat, Ecclesiæ Moguntinæ datus Antistes, egregium demissi animi specimen dedit:

dedit: namque, ut elationem fugeret, rotam in palatio, & conclavi suo depingi curavit, hac adjecta epigraphe: *Willigise, memento, unde veneris!* Atquè isthæc causa fuit, cur Archiepiscopi Moguntini rotam scuto suo gentilitio inferuerint

2. *Cur Mariam Arragoniam, Conjugem suam, vivam Otho flammis addixit?*

Quòd enormium sceierum convicta esset; præsertim, quia virum Nobilem, ad scelus à se frustrà plectum, falsis criminationibus ad supplicium capitis promoverat Ajunt, ex innocentis viri corpore lac, sanguinis loco promanasse.

4. *Quæ Othoni lava fors in Italia obtigit?*

Quartò in Italiam venerat, seditiosos ad officium compulsurus. Verùm ab iisdem obsessus Romæ in palatio præsens vitæ discrimen adiisset, nisi clam evadendi occasionem nactus, rebellium furori subduxisset sese: at nihilominus mortis brevi secutæ causam indè secum tulit; Viduam quippe nobilem propinqui matrimonii spe lactârat, quæ ubi delusam se vidit, chirothecas veneno imbutas, Othoni obtulit, quarum usus mortem illi attulit Anno Imp: 18. Christi 1002.

CAPUT III.

Imperatores Seculi XI.

93. Henricus Sanctus.

1. *Quòd doctore à teneris ad sanctitatem est eruditus?*
S. Wolfango Ratisbonensium Antistite, qui

cælo jam receptus, Henrico, tunc Bavarix
Duci, ad sui quondam præceptoris sepulchrum,
oranti Imperium præfaguit geminâ voculâ;
Post Sex. De morte imminente commoneri se
ratus Henricus, diebus sex, tum sex hebdo-
madis, mensibus, & annis ad eandem piè ob-
eundam egregiè se comparavit; quo evoluta
temporis spatio Imperator est renunciatus.

2. *Cur dictus Claudus?*

Qua die coronatus est Italiæ Rex, in urbe
Ticinensi, Itali, Regi Teutonico infensi, sum-
ptis armis sub vesperum regiam cingunt Hen-
rico ad necem postulato. Is verò discrimini
se subducturus, per urbis mœnia defiliit, lu-
xatoquè crure claudicare deinceps est coactus.
Hinc Claudus atquè ob virtutem eximiam San-
ctus cognominatus est.

3. *Quid illi Romam ingressuro Benedictus VIII.
obtulit?*

Globum aureum cruce insignem, quo indi-
caretur Imperatoris esse, orbem universum ad
Crucis Christi obedientiam adducere. Hic
porrò Globus ad cætera Imperii adjectus est
insignia, eumquè Cæsares, dum Imperatorio
habitu in coronatione induuntur, manu præ-
ferre solent. Coronam auream Henricus sub
idem tempus à Benedicto Romæ accepit.

4. *Cur Apostolus Hungariæ, Advocatus S. Petri,
& Ecclesiæ Defensor acerrimus est appellatus?*

Sororem suam Giselam Stephano Hungariæ
Regi eo pacto nuptui dedit, ut is cum regno
ad Christi fidem accederet, quo feliciter obe-
tento

tento datum Henrico Apostoli Hungariæ gloriosum nomen. Cum verò terna in Italiam expeditione suscepta fortiter Ecclesiam tueretur, quam & aliis palmaribus beneficiis auxit, Advocatus S. Petri, & Ecclesiæ Defensor cognominari est promeritus Singularis erga DEI servos in Cœnobiis amor etiam Patris Monachorum nomen illi peperit.

5. *Quid Henrico ante praelia usitatum?*

A peccatis expiari & sacro pabulo refici jubebat milites, ut Numen sibi redderent propitium. Ipse SS. Laurentium, Georgium, & Hadrianum sui exercitus Duces elegerat, quorum sub auspiciis Deiquè præprimis auxilio fretus semper felici Marte cum hostibus conflixit.

6. *Quid cum Babone Abenspergensis Comite accidit memoriâ dignum?*

Aquisgranum ad Venationem invitârat Proceres Henricus, ea tamen lege, ut nonnisi cum uno famulo singuli comparerent, nè aliàs nimius à copioso famulitio in urbe strepitus oriretur. Adfuit Babo 64. virorum stipatus manipulo, quem ubi conspexit Cæsar, nonnihil succensuit Comiti, quòd in datam legem peccasset. At Babo minimè, inquit, Cæsar, mandatum tuum præterii. Filios meos vides triginta duos, quorum singuli singulos adducunt famulos; Illos omnes tuis obsequiis mancipatum venio. Attonitus rei novitate Cæsar Patrem cum Filiis perbenignè habuit, prospecturumquè se omnibus recepit.

7. *Quî cum S. Cunegunde conjugæ suæ vitam traduxit?*

Virgo cum Virgine castitatem illibatam semper coluit. Hinc moriturus agnatis eandem his verbis reddidit: *Recipite, quam mihi tradidistis, Virginem vestram!* Memorabile est, quod in suspicionem sceleris adducta quondam Imperatrix apud Henricum igne probâri expetierit ad testandam innocentiam. Enimvero supra vomeres candentes nudis pedibus ambulasse dicitur illæsa, quo prodigio absterfa est suspicio. Imperavit Henricus annos 23. ad Ann. Chr. 1024.

94. **Conradus II. Salicus.**

1. *Quî ad Imperium promotus?*

Eum Henricus Sanctus paulò ante mortem Principibus commendârat, velut apprimè idoneum scepro cùm ob pietatem, tum ob insignem belli peritiam. Duo tamen abiêre anni, priusquam consentirent discordes Principum animi. Fuit Conradus Franconiæ Dux, plurimum opinione dictus Salicus, quod ad flumen Salam ditiones suas obtineret.

2. *Qua ratione Burgundia, seu Arelatense Regnum Imperio adjectum?*

Burgundiæ Rex Rudolphus Testamento illud legârat Henrico Sancto, quo mortuo, solutum se sponsione existimabat. Verùm à Conrado armata manu cogitur, sibi quoquè legare Burgundiam, velut legitimo Henrici successori. Accedit, quòd judicaret Conradus, regnum

gnum illud inter feuda Imperii numerandum. Archiepiscopus Colonienſis mox ab Imperatore Cancellarius per Arelatenſe Regnum eſt renunciatus, qua appellatione hodie dum gaudent Electores Colonienſes.

9. *Quid Beneficii Conradus in equitem contulit altero pede orbatum in bello Burgundico?*

Illi ocream ſuam pecuniis impleri juſſit, ut pedis jacturam ſarciret.

4. *Quare ultor fidei appellatus?*

Slavi barbari effigiem Chriſti ligneam turpiter mutilârunt; hos ille ingenti numero ad ſe perductos coram ſacra illa imagine pariter mutilari primum, deinde necari juſſit.

5. *Qualis erga Eccleſiam Conradus?*

Albericus Comes Tuſculanus Pontificiam dignitatem jure velut hæreditario aſſerere Familiæ ſuæ allaborarat. Jamquæ binos ex eadem Papas viderat Benedictum VIII. & Joannem XX. His ſubrogare parabat 12. annorum è Comitibus Tuſculanis Juvenem, cui impietati non oppoſuit ſe Conradus, ut debuit, & potuit. Imperavit annos 14. ad Annum Chriſti 1039.

95. Henricus III. Niger.

1. *Quâ potitus Imperio?*

Henricus, à ſuſco capillitio dictus Niger, patre Conrado in vivis adhuc agente, ab Archiepiſcopo Colonienſi admodum adoleſcens coronâ Regia inſignitur, tum à parentis obitu Imperator renunciatur.

2 *Quanam virtutes Henrici?*

Insignis pietas, prudentia, & clementia. In praeliis conferendis plus orationi quam armis tribuit. Petrum Hungariae Regem, à suis pulsum, restituit, contritis tandem ope Divina refractariis. Ratisbonae, confecto gloriosè hoc bello, exceptus more triumphantis, illud Davidis ingeminabat: *Non nobis Domine, non nobis; sed Nomini tuo da gloriam;* tum vulgari veste indutus, omnia ejus urbis templa gratias DEO acturus obiit.

3. *Quid Ingelhemii in secundis nuptiis egit memorabile?*

Eò confluxerat spe lucri histrionum & miliorum turba. Ad unum omnes abigi mandat Henricus etiam impransos, hac edita memorabili sententia: Longè præstabilius esse nummos pauperibus, quam nugatoribus elargiri.

4. *Quid à Scriptoribus carpitur in Henrico?*

Quòd in Pontificum electiones sese plus æquo ingesserit, laesa Ecclesiae libertate. Quamvis ab aliis id factum eleveretur eo nomine, quod nonnisi urgente Ecclesiae necessitate id egerit. Mortem imminere sibi haud obscurè præsentiens, Victorem II. Papam, virtutibus & prodigiis clarum, Româ in Germaniam evocat, ut æternitatem adituro assisteret; adstitit is, piequè obiit Henricus post annos Imp: 17. Christi 1056.

97. Henricus IV.

1. *Qualis Henricus etiamnum adolescens?*

Sex annos natus, patre mortuo, ab Agnetē Religioſiſſima matre, ac B. Annone Archiepiſcopo Colonenſi ſanctē educari cœpit. Verum nonnullis Imperii ſtatibus optimi Præſulis, matrisq; institutionem minùs probantibus, Adalberto Bremeniſium Archiepiſcopo traditur informandus.

2. *Qualis Henricus Juvenis Imperator?*

Adalberto cœcos in perus & cupiditatem Henrici, nè illius gratiâ excederet, diſſimulante ac ſ. vente, datus eſt Imperio Princeps haud ſanè immoderatum ſuorum affectuum dominus.

3. *Qua ratione Eccleſiam vexare cœpit?*

Eccleſiæ bonis abutebatur Henricus pro libidine. Ea quippe vel plus offerentibus vendidit, vel ſtipendium indè militi numeravit. Paternis Alexandri Papæ II. monitis morem haud geſſit, nec deinceps reſipuit.

4. *Quenam alia controverſia illi fuit cum Pontificibus?*

Graviſſima ſanè. Soliti erant hætenus Imperatores Episcopis, cum clientelare obſequium exhiberent, prædia beneficiaria per annuum & pedum concedere. Jam dudum id Romanis Pontificibus diſplicuit; quippe cùm annulus & pedum ſigna ſint poteſtatis ſpiritualis, videbatur Cæſar ſibi arrogare auctoritatem derivandi in Episcopos facultatem, quâ ipſe

ipse minimè præditus erat. Quare Gregorius VII. quosdam Henrici Consiliarios, qui eum in Pontifices rursus irritaverant, anathemate percussit. Henrico interim diplomatis promulgationem prohibente, ac sacerdotia quævis partim pretio, partim privata auctoritate conferente. Ea de re commonitus à Gregorio, magis excanduit. Itaque aliquot Præsulum, Pontifici maximè adversantium, conciliabulo Wormatiæ coacto, Pontificatum Gregorio, viro planè sanctissimo, tanquam multorum scelerum reo, abjudicavit.

5. *Quid ad hæc Gregorius?*

Non potuit non damnare facinus tam enorme ac impium. Igitur in Concilio Romano Henricum cum præcipuis Satanicæ illius conventiculi synedris sacro fulmine ferit. Cujus vim mox sensit Guilielmus Trajectensis Episcopus, Henrico in Pontifice insectando particeps & adjutor præcipuus, qui paulò post expirans inter horrendos cruciatus, & ejulationes factus est, actum esse de præsentæ æternæque salute sua, quòd Pontificem Sanctissimum tam injuriosè, contumeliosèque tractasset. Henricum porro Pontifex regni insuper jure & titulo exuit, populosquè fidei solemniquè sacramenti religione absolvit.

6. *Quo hac animo accepere Imperii Proceres?*

Pleriquè omnes Henrico aperte denunciant, statutum sibi esse Imperatorem alium subrogare, nisi intra anni curriculum communionem

Ecclesiæ restituendum se curaret, & in gratiam rediret cum Pontifice, qui ea de re certior factus comitiis Augustæ Vindelicorum habendis coràm adfuturum se recepit.

7. Quid interim Henricus?

Veritus, nè ad finem annus vergeret, priusquam Pontifex, qui jam Româ discesserat, ad Comitia in Germaniam appelleret, citatis equis venienti occurrere statuit. Cumquè hunc Canusium, munitissimam Longobardiæ arcem, divertisset, cognovisset, eodem se contulit, humili habitu, nudisque pedibus veniam petiturus. At Pontifex, non ex vano metuens, nè mente minùs seria ageret Henricus, tres ipsos dies alloquio hunc suo prohibuit. Postquam tamen interposita iurijurandi religione pollicitus est, se in Pontificis Romani potestate futurum, atquè in Augustanis Comitiis objecta crimina diluturum, absolutus est ea conditione, ut, nisi promissis stetisset, Regni jure excideret.

8. Seriane fuit Henrici penitentia?

Aut seria non fuit, sed tantùm temporis gratiâ simulata, aut mox retractata: quippe rescissis, quas paulò antè jurejurando firmaverat, pactionibus, sacrilegis rursus armis laceffit Pontificem, qui sacris ei denuo interdixit. Igitur Imperii Principes, tantam perfidiam execrati, exauctorato Henrico, Rudolphum Sueviæ Ducem substituunt; qui tamen haud diu superstes fuit, manu, pauloque post vitâ quoquè cruento in prælio amissâ

9. Quid

9. *Quid exinæ consilii cepit?*

Gregorium Pontificatu dejecturus, convocato Brixinæ in Tyrolî conciliabulo, Guibertum, hominem scelestissimum, in Petri sedem intrudit, Clementem III. dictum. Inter hæc Conradus, Henrici filius, in parentem. Deo & Ecclesiæ rebellem, arma sumit, sed nihil promovet, morte brevî post sublatum.

10. *Quis tandem Henrici impietati modum statuit?*

Alter ejusdem filius Henricus, Procerum instigatione bellum infert parenti, qui destitutus ab omnibus, permittere se cogitur filio, vehementer instanti, Ecclesiæ tandem & Pontifici planè cumulatequè satisfaceret. Tergiversantem ad Imperii Ordines, Moguntia congregatos adducit, ubi Imperii insignibus exutus, hæc filio Henrico cedere compellitur, exemplo futurus posteris, non impunè vexari Ecclesiam ab iis præcipuè, quibus ejusdem defensio à DEO est demandata. Obiit paulò post anno Imperii 50. Christi 1106.

CAPUT IV.

Imperatores Sæculi XII.

97. Henricus V.

1. *Majorene in Ecclesiam, Christiquè Vicarium pietate ac observantia fuit Henricus Filius, quàm ejus parens?*

Quo Patrem crimine condemnârat prius, eodem se dein ipse obstrinxerat, sacerdotia dispartienti sacrosquè Præsules pedo & annulo inaugurandi jure sibi arrogato, perquè vim

extor-

extorto à Paschali II. quem in vincula datum non antè dimisit, quàm plenam sacerdotia conferendi sibi cederet potestatem.

2. *Num rata, firmaquè mansit hæc cessio?*

Concilium Lateranense exinde celebratū, irritam prorsus ac nullam declaravit Paschalis cessionem, cū quod vi fuisset expressa: tum quod sacra Ecclesiæ jura in Principem profanum transferri haudquaquam possint. Decreto huic parere cū noller Henricus, à Gelasio II. Paschalis successore, piorum communione ejicitur. Quâ pœna vehementiùs exasperatus, Paschali Gregorium VIII. Pseudopapam opposuit.

3. *Quò tandem pacto pax firmata est?*

Postquam Henricus jure illo, per vim nuper extorto, de quo antecessores tant operè disceperant, cessit bonaq; omnia Ecclesiæ ablata, restituenda curavit, concessum à Pontifice, ut Episcoporum & Abbatum electionibus ritè ac secundum Canones factis Imperator (vel alius ejus nomine) interesse, electosquè non pedo & annulo inaugurare, sed sceptro tanquàm clientes Imperii fiduciarios, in fidem & clientelam possit recipere. Ità sedati tandem sunt motus turbulentissimi, quibus Petri navicula annos fermè quadragintà fuerat agitata. Obiit Henricus anno Imp: 20. Chr. 1125. nullo relicto hærede masculino.

98. Lotharius II. Saxo.

1. *Quis Henrico successit?*

Hujus nepotibus ob avi patrisquè flagitia repudiatis, ad Lotharium, Saxoniae Ducem pietate, cæterisquè virtutibus insignem, versa sunt Principum Electorum studia.

2. *Num Imperator hic Ecclesiæ Advocatum ac defensorem pro mun-
tis sui ratione se exhibuit?*

Omnino; nam rebus in Germania, conciliatore potissimum S. Bernardo, compositis Innocentium II. à Rogerio Siculo, Anacleti Pseudopapæ defensore acerrimo semel atquè iterum Sede pulsum, restituit, Rogerio, cum Antipapa suo Petro Leonis sive Anacleto terramariquè debellato.

3. *Quibus præcipuè virtutibus claruit?*

Inter ipsos Armorum strepitus, gravissimamquè Imperii negotia ternis quotidie Missæ sacrificiis, summo pietatis sensu, lacrymisquè, quibus orationes suas rigabat, interfuit, solem orientem prævertere solitus, Deoque consecrans lucis primitias, quas alii somno tribuunt, die in noctem, præpostero sanè ordine, converso. Pauperes quibus pedes cum Augusta sæpe abluerat, Filios suos, Sacerdotes, quorum consuetudine impensè delectabatur, Patres, viduas, quas contra potentum oppressiones strenuè tutabatur, Matres nuncupare consueverat.

4. *Num*

4. *Num bonarum quoque artium & disciplinarum cultor fuit?*

Plurimum certe Jurisconsulti debent Imperatori huic; quippe qui & Romæ primùm, & deinceps Bononiæ Jus civile ad normam Codicis Justiniani explanari publicè, indeq; Doctores solemnî ritu inaugurari voluit. Qui dein mos ritusque ab aliis quoque Academiis est receptus. Imperavit Lotharius annos 13. ad annum Christi 1138. sub. to morbo, cum ab expeditione Italica rediret, haud procul Tridento extinctus. Imperii insignibus genito suo Henrico, Saxonix & Bavarix Duci, traditis.

99. Conradus III. Svevus.

1. *Quosnam hic competitors habuit?*

Henricum Superbum, Bavarix & Saxonix Ducem, hujusque fratrem Guelphonem. Ille post multa prælia inauspicatè inita, utroque Ducatu privatus, mœrore contabuit. Hic post bellum diuturnum, suasu præcipue & operâ Rogerii Siciliæ Regis cum Cæsare susceptum in gratiam tandem restitutus est post urbis Winsbergæ deditionem.

2. *Quid in urbis hujus deditione singulari memoriâ dignum occurrit?*

Guelpho, omni belli nervo, quem Rogerius aliquamdiu suffecerat, destitutus, Winsbergam, tanquam receptaculum tutissimum, cum suis se recepit; sed fame urgente, urbem denum victoris arbitrio permittere est coactus.

nec aliud jam, quàm Guelphonis, eiquè ad-
hærentium mors aut captivitas, urbisquè di-
reptio instabat, cùm Matronæ nobiles, non
tam de fortunis suis, quàm maritorum vita
solicitæ, Cæsari supplicant, asportare sibi id
duntaxat liceret, quod suis ferre possent hu-
meris. Annuente Cæsare, Guelphonis primùm
uxor, tum hujus exemplo cæteræ suum quæq;
maritum, humeris exceptum, furorì militum
subduxère. Delectatus pio astu Cæsar non ur-
bem tantùm in fidem & gratiam, sed Guel-
phonem quoquè in amicitiam & familiarita-
tem recepit

3 *Quem successum habuit expeditio sacra à
Conrado, hortante S. Bernardo, in Pala-
stinam suscepta?*

Belli apparatus erat tantus, ut orbi univer-
so expugnando suffecturus videretur; qui ta-
men in irritum cecidit, tum Græcorum perfidi-
diâ, qui calce & gypso farinæ admisto longè
plurimos necabant, consiliaquè omnia Turcis
aperiebant; tum Ducum ipsorum discordiâ &
invidiâ, quæ Gallos inter & Germanos glisce-
bat. Unde Damasco frustrâ oppugnatâ, Con-
radus ad suos redux, aliquantò post Bamber-
gæ obiit, cùm depacanda Italia cogitaret. Im-
peravit annos 14. ad annum Christi 1152.

100. Fridericus Ænobarbus.

1. *Cur huic Imperii dignitas delata?*

Erat Fridericus, Conradi ex fratre nepos,
ob barbam subrusam, à Latinis Ænobarbus,
ab

ab Italis Barbarossa cognominatus, præclaræ omnino indolis Princeps, cui patruus, præfili suo teneræ etiam dum ætatis, Imperii insignia cum ditione vivus tradidit, hocquæ defuncto, Electores communi suffragio confirmarunt.

2. Unde prima dissensionum Papam inter & Cæsarem jacta semina?

Prima in Italiam expeditione domuit Imperator omnes, qui adversabantur Pontifici, à quo coronâ aureâ Romæ est insignitus. Non multò post Friderico in Germaniam reverso, Londinensis Episcopus Româ redux, à Germanis captus, libertatem magno pretio redimere cogebatur. Questus ea de re Hadrianus Papa, hæc suis ad Cæsarem literis inseruit: *Insigne tibi beneficium coronæ contulimus.* Nequæ enim ignorabat Pōtifex, cōvivēte Imperatore, Præfulem illum durius habitum. Hæc verba acriter pupugēre Imperatoris animum, quòd iisdem significari putaret, coronam Imperatoriā se debere unicè favori Pontificis. Nequæ deferbuit Principis, naturâ prætervidi, ira, quamvis Hadrianus aliā epistolâ, non eam sibi mentem fuisse, declarâset.

3. Quanam altera & propior dissensionum causa?

Altera in Italiam expeditione Mediolanenses, quòd Insubriæ totius dominum affectarent, injecto freno cōercuit Cæsar. Inde ad examinanda vindicandaquæ Imperii per Italiam jura & bona clientelaria progressus, in sacra quoq; Ecclesiæ jura involavit, Henricos

Antecessores suos in conferendis Sacerdotiis, & Episcopis inaugurandis imitaturus. Pessimè habuit Papam sacrilegum facinus; jamquē sacrum fulmen in Fredericum cudebat, cum morte abreptus, successori provinciam sanè difficillimam relinquit.

4. *Qua tandem memorata diffinitiones in apertum Schisma erupere?*

Alexandro III. in Pontificem ritè electo, Cardinales duo, Cæsaris addicti partibus, Victorem V. Antipapam opposuere. Huic Fredericus illico adhæsit, frustrà Imperii Principes ad idem faciendum cohortatus. Igitur anathemate utrumquē ferit Alexander, nec multò post Victor impius ad DEI tribunal evocatus est.

5. *Quo pacto fovere schisma perrexerit Fredericus?*

Mortuo Victori Pseudopapam alium subrogandum curavit Paschalem III. quem pertinaciter & ipse defendit & ut Germaniæ Præsules eidem adhæerent, vi compulit. Sub idē tempus Mediolanum solo æquatum, quod in Cæsarem insurrexisset.

6. *Quem exitum tertia Frederici in Italiam expeditio sortita est?*

Pseudopapam propugnaturus, Romanosquē & Venetos, Alexandro additissimos oppugnaturus, numeroso cum milite advolavit. Verum peste in exercitum atrociter grassante, Germaniam repetere coactus, mortuo interea Paschali Calisto III. itidem Pseudopapam suffecit, Præsulum dissidentium operâ. 7.

7 *Quenam quarta exp ditionis Italica causa?*

Mediolanenses non solum urbem suam de-
nuo instaurarunt sed novam insuper S. Pe-
tti, ejusque successoris Alexandri III. honori-
bus exedficarunt, Alexandriam dictam. Id
indignissime terens Cæsar ingenti cum exer-
citu ad novam hanc urbem exscindendam ac-
currit.

8. *Qua expeditionis hujus fortuna?*

Sinistra sanè; quippe Alexandriam oppu-
gnare adortus, eas tandem in angustias redi-
gebatur, ut vitæ etiam periculum haud leve
subiret. Accessit clades naualis, à Veneris il-
lata, ubi Otho ipse, Friderici filius cum 46.
navigiis captus, & Venetias est abductus. In
cujus victoriæ perenne monumentum Dux Ve-
netus quotannis mare Adriaticum, projecto il-
luc annulo aureo, sibi despondere solet.

9. *Num saniora tandem cepit consilia?*

Tot tantisque malis fractus Imperator vin-
dicem Dei agnovit manum, serioque de pace
cum Ecclesia ineunda agere decrevit. Quem
in finem Venetias profectus, se totum permi-
sit Christi Vicario, cujus pedem non solum ite-
rato osculo est veneratus, sed ascensuro in e-
quum etiam stapedem tenuit. Vanissimum
proinde commentum est, Alexandrum, eximie
mansuetudinis & prudentiæ Pontificem, Im-
peratoris in genua provoluti collum calcasse,
hisque insultasse verbis: *Super aspidem & basi-
liscum ambulabis, & conculcabis leonem & draco-
nem.*

10. *Quid exinde memoratu dignum gessit
Fridericus?*

Ut præteriti delicti, in Ecclesiam admissi, aboleret memoriam, Hierosolymam, ab Saladino captam, recuperaturus, cum centum quinquaginta millibus armatorum in Orientem contendit, præclarè ubiquè & fortiter gestis, dum ecce! luctuosa, prorsusquè inexpectata Cæsaris mors prosperum victoriarum cursum, spesquè ingentes repertè abruptit. Nam dum is corpus, æstivis caloribus fervidum, in Cydno, prægelido Ciliciæ amne, parat abluere, frigoris vehementiâ totus repentè obrigesce-
re, & animo linqui cœpit. Extractus, confestim, sibiq; paulisper redditus, grates egit Deo, quòd in expeditione, Religionis, Christi-
q; Imperii dilatandi studio suscepta, evocaretur ex hac vita, quam Deo in placationis hostiam offerens, seque totum Numini per-
mittens, posuit anno Imperii 38. Chr: 1190.

101. *Henricus VI. Asper.*

1. *Verumne, Celestinum III. Coronam Henrici capi-
piti impositam, mox pede decussisse, ut osten-
deret, potestatem dandi, auferendiq; coro-
nas esse penes Pontificem?*

Cùm facti hujus tam insolentis præter Scri-
ptores A catholicos nemo meminerit, avilibus
id fabulis annumeramus. Nec injuria de veri-
tate suspectos habemus juratos illos Romanæ
Ecclesiæ hostes, maximè quando invehuntur
in Pontifices, Christi Vicarios, quos Antichri-
stos

stos per atrocissimam calumniam appellare non horrent rebelles Ecclesiæ filii.

2. *Quo pacto Sicilia Regnum Henricus obtinuit?*

Hoc dotis loco à Constantia Guilielmi ultimi Siciliæ Regis filia Henricus conjux accepit. Regni tamen possessionē adire prius haud potuit, quàm Tancredus, Guilielmi nothus, quem frustra armis impetierat; è vivis excessit. Potitus tandem regno, diris suppliciis in eos animadvertit, qui Tancredo adhæserant. Jordanum Comitem, quod sceptrum Siculum affectasset, sellæ candenti imponi, ferreamq; coronam ejus vertici clavis affigi jussit, crudelitate sanè inaudita; unde meritò *Asper* cognominatus est.

3. *Quid à propria conjuge est passus?*

Ad Siculos suppliciis mactandos cum denuo se accingeret, popularium suorum vicem miserata Constantia, conjugem vi armorum, & Procerum conspiratione eò adegit, ut pacem ipse à subjectis sibi populis petere cogeretur. Mortuus est anno Imperii 7. Chr: 1198. non sine suspitione propinati ab ipsa uxore Constantia veneni, redditis tamen omnibus, quæ Ecclesiæ prius abstulerat.

102. Philippus.

1. *Quas difficultates Imperator hic subiit?*

Fuit Philippus è filiis Barbarossæ natus minimus, cujus electionem ratam habere noluit Innocentius III. quòd novas ab illo tricas metueret. Eundem Otho V. armis quoq; laceffivit, Imperium sibi vindicaturus. K5 2.

2. *Utri tandem sceptrum a iudicatum?*

Eò convenientum est, ut Philippus, quoad viveret Imperium retineret, succedendi jure Othoni relicto, cui nuptui quoq; data Beatrix Philippi filia cum Regis Romanorum titulo. Quæ omnia probavit quoq; Pontifex. Occisus est Philippus Bambergæ à Comite Palatino, anno Imperii 10. Christi 1208.

C A P U T V.

Imperatores Sæculi XIII.

103. Otho IV. Saxo.

1. *Quidnam de illo memorabile?*

A Philippi obitu Imperator coronam accepit Romæ ab Innocentio III. sed cum postea in Pontificii juris territorium involâisset, anathematis fulmine est percussus.

2. *Quam vim anathema hoc habuit?*

Imperii Principes propè omnes, Othone relicto, Fridericum II. Henrici Alperi filium, & Ænobardi nepotem ad Imperii solium evererunt. Otho exinde in Saxoniam secessit, se ipse vehementer incusans, quòd Ecclesiam turbâisset. Imperavit annis 10. ad annum Christi 1218.

104. Fridericus II.

1. *Meliùsne cum Pontifice convenit Imperatori huic, quàm avo Barbarossæ?*

Tres, qui ordine succelsère, Pontifices diso Fridericum anathemate quater perculère, cū quòd mandatis eorum morem gerere detre-
cta-

stabat, tum quod injustis vexationibus Ecclesiam exagitabat.

2. *Quanam primi anathematis causa?*

Quod expeditionem sacram, voto firmatā, procrastinabat, cum praesenti Palæstinæ iterum amittendæ, re. q; Christianæ inibi funditus interituræ periculo

3. *Cur secundo à fidelium communione est seclusus?*

Quod suscepta eadem expeditione, iniquissimis conditionibus pacē inierit cum Saracenis, eisdem hāc difficulter subacturus, si serio voluisset. Fuit tamen Ecclesiæ denuo conciliatus.

4. *Unde anathema tertium?*

Longobardiæ civitates contra datam fidem oppugnare aggressus est Fridericus, quod à Pontifice itarent Sardiniam insuper occupavit, & bellinorum factione suffutis. Quare *Cruciatam*, seu expeditionem sacram adversus Fridericum Ecclesiæ hostem indixit Pontifex; qua tamen nihil aut parum admodum promovit.

5. *Unde anathema quartum?*

Exstincto interea temporis gemino Pontifice, ad Ecclesiæ clavum sedere cœpit Innocentius IV. Finem Is tot urbis facturus, Legatos ad Cæsarem cum litteris mittit, & ad pacem componendam invitat. Nihil hisce permotus Imperator, viros Religiosos haud paucos, cum litteris à Pontifice missos, laquei supplicio addicit. Deniquè ne in urbanitatis lo-

ge peccâsse videretur, Legatos & ipse ad Pontificem destinat, quem interea ex insidijs cōprehendere parat. Quo comperto Innocentius Galliam petit, coactoque Lugduni Concilio ad causam ibidem dicendam Fridericum citat, ac renitentem anathemate ferit.

6. Num victas tandem manus dedit?

Quin potius inde effractor, in Pontificem ac Sacerdotes furere cœpit, & tertiam proven-
tuum partem exigere ab Ecclesiasticis, ut ne decissent ex ipso Ecclesiæ ærario subsidia, quibus Ecclesiam impugnaret. Monet igitur Pontifex, aliud Imperii caput designarent Principes. Hi Henrico Rasponi Thuringæ Landgravo, sceptrum deferunt, eoq; haud multò post è vivis sublato, Guilielmum Hollandiæ Comitem substituunt, inane Cæsaris simulacrum, quod vix quidquam memoriâ dignum gessit. Unde nec inter Cæsares à plurimis numeratur.

7. Quis tandem Friderici exitus?

Postquam Italiam intestinis odiis, & periculosis Guelphorum, qui Pontifici, ac Gibel-
linorum, qui Friderico adhærebant, factionibus laceraverat, Parmenses arctissima duorū annorum obsidione pressit, qui facta tandem eruptione Cæsarem castris, exercitu, honore, imò & coronâ imperatoriâ, quam intercepere, spoliatum, in turpem fugam coniecere. Captus quoq; à Bononiensibus & ferreæ caveæ ad mortem usq; inclusus Enthius Friderici notus, quem, cum hic oblata licet ingenti auri
summâ

summâ redimere haud posset, vel mœrore, vel, ut multi arbitrantur, veneno, quod Manfredus, alter Friderici nothus propinasse fertur, periit anno Imperii 32. Christi 1250. Anverè pœnitens, haud liquet.

105. Conradus IV.

1. *An Ecclesia & Imperio tranquillitatem reddidit Conradus?*

Novis iterum turbis agitata omnia. Guilielmus Batavus cum Conrado de Imperio contendebat, quamvis irritò labore. Conradus Neapolin & Siciliam fratri erepturus, Italiam armis infestabat, ubi vitam suâquæ amisit, veneno necatus à Manfredò, cùm annum quartum imperâisset, anathematis vinculo etiam dū irretitus. Cujus exequiæ dum celebrarentur Mellanæ, templum incensum est, ejusq; cada-ver igne consumptum.

2. *Quinam à Conradi obitu Imperatores lecti?*

Occiso duobus post annis Guilielmo Batavo, Electores in diversa distracti, alii Alphonsum Sapientem, Castellæ Regem, alii Richardum Angliæ Regis fratrem suffecere. Prior dum Imperium tot turbis, discordiis, factionibus implicatum cunctatur accipere, Maurorum interim armis laceratus, suo potius Regno debuit prospicere, nè cani illi Ætopico similis rideretur. Alter post ingentes pecuniæ sumptus incassum factos redire in Angliam coactus est. Unde Imperium mansit acephalum.

3. *Quid de Conradino, Conradi IV. filio memorant Historia?*

Patre mortuo in Italiam movet cum Friderico Austriæ Duce Regni Siculi & Neapolitani aditurus possessionem. Istud Clemens IV. Carolo Andegavensi, S. Ludovici Galliarum Regis fratri, tradiderat ea conditione, ut Manfredum Siciliam pelleret. Quo dein occiso, Conradinus, & Carolus de regno obtinendo armis contenderunt. Sed victus ille unâ cum Friderico, multâq; Nobilitate, Caroli jussu, publico in foro Neapoli obtruncatus est. Quo fatali ictu stirps Barbarossæ omnis, Ducumq; Sueviæ furculus postremus excisus est.

4. *Num verisimile est, Carolum, Clementis IV. instinctu, vitam eripuisse Conradino?*

Id contra omnem veri speciem commiscetur heterodoxis. Quin potius constat, Pontificem illum, moderatione & pietate insignem factum tam crudele Carolo vehementer exprobrasse.

5. *Qua porro Gallis, Caroli militibus, in Sicilia evenere?*

Tredecim post annis ipsa die Christo resurgenti sacra, dato ex more ad vespertinam psalmodiam signo, octo Gallorum millia ex condito trucidata sunt. A. Chr. 1282. *Lucæ Vespera Sicula* in proverbium abire.

Inter-Regnum.

1. *Quam diu hoc duravit?*

Annos 22 ab An. Christi 1150. ad 1173. Quo toto tempore aut Imperator nullus fuit, aut certè talis, qui vix Imperatoris nomen gesserit. Horum è numero fuere Cōradus IV. Guilielmus Batavus, Alphonſus Sadiens, Richardus Anglus.

2. *Cur anni quatuor Imperantis Conradi ad, Interregnum referuntur?*

Quodd Cōradus, ut ut legitimè electus, nihil præstitit, quo componerentur Imperii turbæ, adeoque regnante illo jam cœperint gravissima Interregni incommoda

3. *Quanam illa incommoda?*

Summa rerum omnium conversio ac perturbatio; cū enim Imperium capite careret. ac iudice, *jus illud armatum*, seu *vindicationis privata* (rectius *latrocinium* dixeris) per Germaniam invaluit. Unde cædes mutue, rapinæ, incendia, direptiones, vastationes, malæque innumera.

4. *Quin Suevia Ducatum exinde obtinuit?*

Occiso Conradino Imperator non erat qui Ducatum hunc alteri committeret. Exstinctus igitur is fuit, nec ampliùs posthac restitutus. Hinc Sueviæ urbes quàm plurimæ in libertatem se ipsæ asseruere; ex quo maximo quoque numero minora subin exorta sunt dominia.

Obfer-

) 160 (

OBSERVATIONES.

Historicæ, Politicæ, Morales, & Geographicæ ad tertiam partem.

1. *Qua ratione vel auctum, vel imminutum est Imperium à Carolo M. usque ad Interregnum*

Tria hic distinguimus tempora. 1. Florentissima fuit Imperii facies regnante Carolo M. cujus pietate & fortitudine auctum maxime & illustratum est. Remisit splendor & robur statim ab obitu Caroli, cujus filii virtute multum dissimiles patri, accedente insuper Provinciarum divisione multiplici, impares erant retinendo Imperii robori. 2. Othonis M. felix magnanimitas splendorem restituit, integrum servavit Henrici sanctitas. 3. Duo Henrici, & Friderici ob negatum precipue Christi Vicariis obsequium sibi met sinistros negotiorum eventus, stirpis suæ excisionem, Imperii diminutionem, cælo ausus improbos minime secundante, accersuerunt. Hinc tristissima, durante Interregno, jacentis Imperii facies, rerumq; summa confusio, ac perturbatio.

2. *Quantum augmenti detrimentique passa est Ecclesia inde à Carolo M. usque ad Interregnum?*

Tres itidem temporis differentiâs notari velim. 1. Carolus M. laboranti Reipublicæ divinitus submissus miris incrementis auxit Ecclesiam, pluribus ad eam adductis, firmatâque summopere sanctæ sedis auctoritate. 2. O-

tho M. veterem Pipini, Caroli M. & Ludovici donationem novo decreto sanxit. Et quam sedi Apostolicæ aliquantisper adversabatur, brevi tamen, & vinis etiam flagellis admonitus, ad mentem rediit erroremquæ suum magnis beneficiis in eandem sedem collatis compenlavit. Quantum porro splendoris Henrici sanctitas, tantum firmitatis juncta sanctitati fortitudo Ecclesiæ attulit. 3. Agitari potuit sub Henricis & Fridericis Petri navicula, everti non potuit? quin potius omni procella superior feliciter tandem emerfit. Sanctitate insuper & miraculis semper claruit, ut in Historia Ecclesiastica memorabitur.

3. *Quâ occasione Romanorum Imperium translatum à Græcis ad Carolum M.*

Cum Ecclesia Romana diu multumquæ hinc ab Imperatoribus Græcis sacrilegis præcipuè imaginū exterminatoribus, illinc à perfidis Longobardorum Regibus exagitaretur, opus sanè erat Othoniele, aut Gedeone aliquo, qui populum Dei durissima servitute liberaret. Fuit is Carolus nomine Magnus rerum gestarum gloriâ Maximus, ex antiquissima Ducum Austrasiæ prosapia, Galliæ, Germaniæ, & Longobardiæ, posteaquam Desiderium, ultimum Longobardorum Regem debellaverat. Hunc igitur Carolum S. Leo Papa III. singulari Dei dispositione & instinctu ipsa die, Christo nascenti sacra, Romanorum Imperatorem in Occidente, simulquæ Advocatum, Defensorem, & Propugnatorem Ecclesiæ proclamavit, & in

Opusc. VI:

L

augura-

auguravit, acclamante Clero, populoquè Romano universo: *Carolo Augusto, à Deo coronato, vita & victoria?*

4. *Num Carolus M. natione Germanus fuit?*

Etsi Gallorum quidam contradicant, id tamen exinde manifestum fit, quòd Ingelheimii haud procul Moguntia natus, Aquisgrani, celebri Germaniæ urbe, sedem regiam fixit, ibidemquè gloriosa morte obita, sepulchrum sibi delegit. Accedit luculentum sanè duorum Pontificum Adriani IV. & Innocentii III. testimonium, diserte asseverantium: *Imperium à Græcis translatum in Persona magnifici Caroli ad Germanos.*

5. *Quinam in Oriente rerum status, post instauratum Occidentis Imperium?*

Orienti deinceps præesse perrexerunt Græci duntaxat Imperatores, Romanorum Imperio, ut modò dictum est à Græcis ad Germanos translato. Secuta indè Ecclesiæ Græcæ à Latina dissensio, ac divortium, totiusq; tandem Imperii interitus longè funestissimus, capta à Turcis Constantinopoli A. Chr: 1453. & Oriente sub Barbarorum jugum & tyrannidem redacto.

6. *Qua ratione ad Imperium evectis Casares hisce Sæculis?*

Sæculo IX. jure sanguinis imperârunt Carolingi Sæculo X. XI. & XII. eligebant Imperatorem Status, & Principes Imperii simul universi, non sine respectu ad sanguinem Regiû.

7. *Quan-*

7. *Quando, & à quo instituti septem Imperii Electores?*

Tametsi de tempore ipso non satis conveniat inter scriptores etiam Catholicos; id tamen constat numerum Electorum septenariū circa medium Sæculum XII. post varias, quæ in eligendo Imperatore præcesserant, contentiones & dissidia prævaluisse; & quidem Romanorum Pontificum auctoritate: id quod nō solum Innocentius III. & Clemens V. sed ipsimet Electores in Epistolâ, ad Nicolaum III. data, disertè luculenterquè testantur. Plurimum nempe interest Ecclesiæ Romanæ, cujus *Advocatus* & *Defensor* ex officio suo est Romanus Imperator, ut is eligatur, qui Ecclesiâ propugnet potiùs, quàm oppugnet.

8. *Quodnam igitur Imperatoris Romani munus, & officium præcipuum?*

Christi Ecclesiam tueri adversum paganos, Hæreticos, Schismaticos, Tyrannos, omnesq; alios Christianæ Reipublicæ pacem disturbantes; unde hodieq; Imperator *Advocatus Ecclesiæ* nuncupatur.

9. *Quanta Imperatoris Romani dignitas?*

Inter Reges & Principes Christianos universos locum is obtinet præcipuum. Hinc & Ecclesia in statis solennibusq; suis precationibus peculiarem de *Christianissimo, & Devotissimo Imperatore* mentionem facere consuevit.

10. *Quid Imperatori confert Pontificis coronatio?*

Cœleste indè auxilium per Ecclesiæ preces
L 2 eidem

eidem conciliatur, roburq; ac fortitudo, qua resistere possit Ecclesiæ hostibus. Cæsares porro, à Pontifice necdum coronati, appellari solent *Electi Romanorum Imperatores*.

11. *Quandonam primùm creati Comites & Barones?*

A Carolo Magno, qui etiam primus solennes Imperii Conventus instituit, ubi de gravissimis negotiis tractabatur.

12. *Quas Provincias Imperatores possidebant hisce Saculis videlicet IX. X. XI. XII.*

Carolus M. Regnum Italiæ. Galliæ, & Germaniæ: successorum pleriquè Italiam solùm & Germaniam obtinebant.

13. *Ubinam Regnum Austrasiæ, & Arelatense?*

Austrasia complectebatur Alsatiam, Lotharingiam, Palatinatum inferiorem, Belgii partem magnam &c. Regnum Arelatense idem fermè erat, quod Burgundicum, hisquè constabat provinciis, Comitatu & Ducatu Burgundiæ, Helvetiâ, Sabaudiâ, Delphinatu, &c.

14. *Quenam celebriores familie, è quibus Imperatores delecti?*

Sæculi IX. Imperatores novem Carolingi præfuere. Transiit paulò post Imperium ad Saxones, quorum quinq; continuè sibi succedebant, nempe Henricus Auceps, Otho M. Otho II. Otho III. Henricus S. Baviariæ Dux. Secuti sunt Francones quatuor, Conradus Sallicus. Henricus III. Henricus IV. Henricus V. Tum Suevi sex, Cōradus III. Fridericus Aenobardus, Henricus VI. Philippus. Fridericus II. Conradus IV.

Anim-

Animadversiones Criticæ, Ad tertiam partem Historiæ Im- peratorum.

1. *Cur Scriptores A catholici suas passim Hi-
storias tot conspergunt mendaciis & calu-
mniis adversus Ecclesiam, & Pontifices.*

Quia oderunt lupi pastorem, gregi suo stre-
nuè naviterq; invigilantem; nec aliter sectam
suam dealbare, & apostasiam purgare se posse
opinantur, quàm denigrando & criminando
illibatam Christi Sponsam Ecclesiam, supremos-
què ejus Antistites, quibus Christus ipse agnos-
& oves suas pascendas tradidit.

2. *Quò verò præcipuè collineant tot eorum sy-
cephantia, fraudes & calumnia?*

Dum Pontifices Romanos plerumquè depin-
gunt, ut homines ambitiosos, feroces, arro-
gantes, qui summum orbis imperiùm affectent
&c. Id intendunt, ut omnium ludibrio & con-
temptui exponant Christi Vicarios. Cumquè
Ecclesiam ipsam, utpote Petræ inexpugnabi-
li inædificatam expugnare se posse de-
sperent, insultare saltèm, & illudere non ces-
sant supremo ejus Antistiti.

3. *Nulline ergo Pontifices reprehensione
digni?*

Fuère nonnulli moribus minimè inculpatis,
id quod super tecta prædicant A catholici, ne-
què silent Orthodoxi; ac fuère multò plures,

imò pleriq; omnes sanctitate, prudentiâ, & morum integritate conspicui. Quas laudes vel silent omnino, vel nisi parcissimè attingunt Seriptores A catholici. Verùm hac de re pluribus in Historia Ecclesiastica.

4. Num aut Carolus, aut Othoni M. concessa unquam potestas propria auctoritate constituendi aut gradu movendi, Pontifices?

Quamquam olim ob maximam temporum illorum perturbationem à Romanæ sedis oppugnatòribus, intrusisque per eos Pontificibus invec tam, Ecclesia afflicti ssima Imperatoris opem, auctoritatemq; in nominando Papa, aut ejus electione probanda, vindicandaque implorâre cogebatur; falsum tamen est Imperatores jurisdictionem, aut potestatem ullam arrogare sibi potuisse in Ecclesiam, ejusq; Caput circa consensum ejusdem Ecclesiæ. Cui proin frustra insultant heterodoxi, dum Pontifices subdere volunt Imperatoribus, quos illi tunc temporis potius propugnatores suos, quàm oppugnatores sensère, & agnovère. Falsum itèm, aut Constantinum aut Carolum M. aliumvè è successoribus, inscio & inconsulto Pontifice, aut Synodos legitimè convocâsse, aut iisdem præfedis se.

5. Num laudanti Carolus & Otho M. quod Constantini M. exemplo Ecclesiam multis magnisque possessionibus dotârint, & locupletârint?

Hanc plusquam regiàm munificentiam molestissimè ferunt A catholici, juratique Ecclesiæ

ſæ & Sacerdotii hoſtes; mallent quippe Eccleſiæ Paſtores inermes prorsus ac inopes, omnique nervo ac juſtæ deſenſionis præſidio penitus deſtitutos eſſe, ut nempe in hos, ipſumq; ovium gregem impunè graſſari, & quæ illi ex pia Catholicorum liberalitate poſſident, optimèq; ut plurimum, & utiliſſimè diſpentant; alios longè in uſus poſſent convertere. Et cur Eccleſiæ Præſulibus ſua hæc bona invident; cum Deus ipſe priſcis illis temporibus Sacerdotes & Levitas opibus longè majoribus cumulârit, dum præter tot urbes ampliſſimas cū paſcuis circumjacentibus, omnium inſuper frugum, pecorumq; decimas, primitias, primogenita, aut lytra eorum, ſacrificia itèm, & oblationes omnes &c. vel ex toto, vel certè ex parte iſdem attribuit? Quæ omnia ſi nunc quoq; ſummis Pontificibus, cæterisq; Sacrorum adminiſtratoribus præberentur, ne illi multò amplioribus, quàm unquam adhuc opibus abundarent. At fortè etiam ſumptus propè immenſos, uti olim à Davide, Salomone & aliis, ita hodie quoq; à tot Principibus Catholicis in tēplorum fabricam ornatumque profuſiſſimè impendi ſolitos, meliùs ſcilicet locatos vellent A catholici. Sed caveant, nè dum ex ſacrilegis ſpoliis cum infelice illo Angliæ Rege Eccleſiæ primùm *Deſenſore* ſtrenuo, dein acerri-mo oppugnatore cupiunt diteſcere, cum eodem ſera nimis & inutili *confeſſione* fatèri tandem cogantur: OMNIA PERDIDIMUS!

6. *Utrum Henricus IV. à Pontifice, an potius Pontifex ab Henrico iniq; est vexatus?*

Nec debuit, nec potuit permittere Gregorius VII. ut in Sacra involaret Henricus Cæsar, sacerdotia immerentibus conferret, ditioribus venderet, imò & proventus sacros in militum stipendia insumeret. Coërcendus itaq; fuit pœnis Ecclesiasticis, cum nec paterna monita nec minæ quidquam proficerent. Id ipsum de Henrico V Friderico I & II. sentiendum. Cæterum si Magnum illum Theodosium, S. Ambrosio, scelus exprobandi, castigantiquè submissè auscultantem, imitari voluissent hi Imperatores sibi gloriam, Ecclesiæ & Imperio tranquillitatem peperissent.

7. *Quanam Mathildis illa, cujus gloriosa nomina infamia nota in iurare tentant Acatholici?*

Erat Bonitacii Hetruriæ Marchionis filia, pietatis, fortitudinis supra sexum generosæ, & castimonie miraculum, hæres. unica amplissimarum in Italia provinciarum, quas omnes legavit Ecclesiæ; quanquam donatio hæc postea haud parùm est imminuta. Portio porro illa, quæ Ecclesiæ obvenit, *Patrimonium S. Petri* appellari solet.

8. *Rectene egisse censendus est Henricus V. quod sua Ecclesiæ jura in deferendis Sacerdotiis salva tandem atq; integra esse voluerit?*

Præclarè omninò egit, ac laudabiliter; quavis Imperii detrimenta, nescio quæ, enata inde fuisse fabulentur Acatholici.

9. *Cur*

9. *Cur expeditiones sacra vocabantur*

Cruciata?

Ob crucem, vexillis vestibusq; in dextro humero assutâ, quæ sacræ illius militiæ insigne erat ac tessera. Prima hujusmodi expeditio adornata est A. C. 1096 Ductore Godefredo Bullionio, qui captâ Hierosolymâ primus ibidem Rex omnium suffragiis est electus. Alia item A. C. 1147. Duce & Imperatore Conrado III Alia A. C. 1189. Duce & Imperatore Friderico Ænobardo. Universè octo celebriores *Cruciatae* numerantur.

10. *Quid de Expeditionibus istis sentiendum?*

Has à tot Principibus Christianis virtute ac belliglориâ celebratissimis, svasu etiam & instigatu S. Bernardi, aliorumq; Virorum Sanctissimorum rectè utiliterq; susceptas fuisse luculento sanè argumento esse potest vel solum Regnum Hierosolymitanum, quod bina propè sæcula perduravit. Si proin omnium laudibus celebrantur Cyri expeditiones, quibus Monarchiam Persicam, post bina sæcula ad Græcos translata, fundavit, non est, cur ille sacri belli apparatus carpatur ab Acatholicis, atque in irritum cecidisse dicatur.

11. *Cur memorata expeditiones exitum minus optatum, ut plurimum sortiebantur?*

Præter arcana DEI judicia, quæ submisce potius adorare, quàm curiosius scrutari oportet, in causâ fuere cum frequentes Christianorum Principum discordiæ, tum præcipuè plurimum, non re sed nomine duntaxat Christiano-

rum flagitia, quibus vel ipsis Saracenis peiores existimari haud injuriâ poterant. Atq; hæc præcipua sanè causa est, quòd Palestina, totq; aliæ regiones nobilissimæ sub durissimo Turcarum jugo tot jam sæculis gemant, tunc demum in libertatem asserendæ, quando Turcarum peccata graviora fuerint peccatis eorum, qui sub inani Christiani nominis larva vitam ducunt sceleratiorem, quàm ipsimet Pagani & Mahometani, Christianæ fidei lumine destituti.



P A R S IV.

Romanorum Imperatores Germani
à Rudolpho I. Habsburgico ad
Carolus VI. Augustum.

Completitur pars isthæc Imperatores duos
& viginti, qui per sæcula quinque cum dimidio Imperii gubernacula tenuere.

C A P U T I.

*Reliqui Romanorum Imperatores
Sæculi XIII.*

106. Rudolphus I. Habsburgicus.

1. *Quis quantusq; hic Heros?*

Erat Comes Habsburgi, Alsatiæ Landgravius
us ampliquè in Helvetia territorii Dominus,
genus suum & originem referens ad Carolum

M.

M. per. Domum Lotharingicam, Austriacæ gentis inelytus Patriarcha, & Heros non pietate minùs quàm fortitudine præstans, qua, uti & prudentiâ singulari Imperium post 22. annorum Interregnum felicissimè instauravit.

2. *Quâ viâ ad supremum Imperii fastigium est erectus?*

Fluctuante aliquandiu Imperio, gubernatore destituto, Gregorius Papa X. turbatis Germaniæ rebus prospecturus, de Imperatore designando commonuit Electores, qui conventu Francofurti habito, Rudolphum, Basileam tunc obsidentem, Augustum dicunt, atquè ad capessendum Imperium evocant.

3. *Quid Aquisgrani, ubi Imperii insignia receperat, memoratu dignum accidit?*

Imperii Procere in fidem & clientelam suscepturus, petiit, interposito ut jurejurando Ecclesiæ & Imperio ablata restituerent Cunctâ-
tibus nonnihil, sceptrumq; deesse causantibus, Rudolphus acceptam ex ara proxima Christi è cruce pendentis effigiem Principibus ostendens: En, inquit, signum, quo omnes redempti sumus! En ornamentum pariter, ac fulcimentum regnorum omnium! Hoc ego sceptro jus dicam populis, & hostes Imperii prosligabo. Moxquè crucem deosculatus, cæteros ut idem facerent invitavit, quod uno consensu præstitère omnes, dicto simul fidelitatis sacramento.

4. *Quinam potissimum Imperatori huic adversabantur?*

Inter omnium potentissimos erat Othocarus

Rex Bohemiarum, qui Austriam, aliasq; Provincias præter jus easq; occupaverat. Monitus idcirco per Cæsaris Legatos, hos contra jus gentium Pragæ ad urbis portam suspendi iussit. Iussis proinde armis appetitus, magnaq; affectus clade pacem, quam obstinare prius negaverat, supplex petiit, in verba Cæsaris jurare paratus, dummodo id palam omnibus haud fiat, sed in tentorio. Annuit Rudolphus; tabernaculum tamen ita figi iussit, ut cortinæ illiico demitti quaquaversum possent. Itaque cum Othocarus ad Cæsaris pedes se provocaret, submotis repente periperastratis, patuit omnium oculis Othocarus Rudolpho supplex: ridentibus Germanis, Bohemis ringentibus.

5. *Quo apparatu Othocarum excepit Rudolphus?*

Monitus à suis, Othocarus, splendido cum comitatu, & pompa adventantem, majore quoque apparatu exeiperet, respondit: sæpius Othocari purpuram vulgari suo vestitui quoddam illuisse, at nunc illius purpuræ hunc illi lulum. Hinc stipatores quoq; & doryphoros nonnisi loriceis hastisque instructos adstare voluit, inquiens: *ferrum & arma maximum, propriumque Germanorum esse ornatum.*

6. *Num Othocarus juratam fidem servavit?*

Domum reduci imperiosa conjux hanc tantam submissionem publicamq; ludificationem vehementer exprobravit, nec ante destitit, quam Rex collecto ingenti exercitu Austriam contra

contra fidem datam denuo occupavit; quàm tamen paulò post, quatuordecem suorum milibus desideratis, propriaq; vitâ amissâ, Rudolpho cedere coactus est. Hanc is dein Alberto filio clienrelæ nomine tradidit, futurâ exinde tot Heroum, Regum & Imperatorum matrem, altricemq; fecundissimam juxta, ac fortunatissimam.

7. *Quibus præcipuè virtutibus Rudolphus excelluit?*

Insigni prorsus erat pietate erga Deum & Ecclesiam, cujus privilegia vetera rata habuit, & nova adjecit. Virtutem bellicam abunde testantur decem & quatuor prælia, quàm fortiter ipse iniit, tam feliciter consummavit, *Victoriosi* indè cognomen ex merito adeptus. Eximiâ quoq; prudentiâ, fortitudine & justitiâ misere laceratam Interregni tempore Germaniam in integrum restituit, abolito jure illo injustissimo vindicationis privatæ, seu potius latrocinio, quo potentissimus quisquè in aliena bona grassari impunè est ausus. In sola certè Thuringia sexaginta arces, latrociniiis hujusmodi infames, intra mensis unius spatium demolitus est. Victu & vestitu vulgari admodum utebatur, solo raparum esu in castris aliquando contentus. Qua frugalitate militum ob annonæ penuriâ querelas opportunè sopivit. Siti aliàs urgente, aquam, inopi rustico vi ereptam, bibere renuit, indignum ratus, si cum viri pauperis injuria sitim pelleret. Domesticos suos, hominum plebejorum turbas ab
alloquio

alloquio suo arcentes, lavaverat, ut mitis erat ingenii, sic increpuit: *Sinite, quaeso, hos ad me venire. Quid enim? num ideo Imperator sum, ut in arca domi conclusus haream?*

8. *Quodnam Eucharistica pietatis edidit
specimen Rudolphus?*

In Habsburgensi sua Dynastia venationi fortè intentus, Sacerdotem obvium habuit, lutosâ viâ Sacrum Viaticum ægroto afferentem, cui equum suum confestim obtulit, secutus ipse pedes ad usquè pauperis ægroti casam; indeq; reversus ad templum, equum recipere noluit, quòd cœli terræquè Dominum portâsset. Huic Eucharisticæ pietati felicitatem suam omnem in acceptis refert Domus Austriaca. Imperavit Rudolphus annos 18. ad A. C. 1291.

107. Adolphus Nassovius.

1. *Cur Albertum, Rudolphi filium, non
suffecerunt Electores?*

Id nè fieret, Gerardus Elector Moguntinus obstitit, qui astu quodam Electores reliquos induxit, ut suo unius arbitrio electionem permitterent. Cùm igitur Alberto Austriaco dudum infensus esset, Adolphum Nassoviæ Comitem cognatione sibi junctum, Imperatorem nominavit. Quod tametsi præter spem omnium & opinionem accidit, Aquisgranum tamè deductus, & Imperii insignibus decoratus est.

2. *Cur Adolphus aliquot post annis ab
Imperii gubernaculis est dejectus?*

Videbatur Adolphus initio regiminis sui nõ
impopularis. indi-

indiligenter rem curare publicam, cum sensim assentatorum pessimis consiliis depravatus, non jam Imperium, sed suis duntaxat commodis servire cœpit. Angliæ Regi stipendiariam militiam accepta ingenti pecuniæ vi, pollicitus, fidem fregit, novoq; perfidiæ scelere Thuringiam, quam Landgravius parens cum summa filiorum hæredum injuria venalem proposuit, auro Anglicano emit. Hanc dum hæredes pro jure suo armis vindicare parant, immanitate plûs quàm barbara in obvios quosq; sæviturum est. Direpta templa & monasteria, pagi, urbes & oppida incensa, puellæ, matronæ, virgines Deo sacratæ ludibrio habitæ, Adolpho si non jubente, certè connivente. Ob hæc pluraquè alia, Imperatore prorsus indigna, Septemviri, atquè ipse inprimis Moguntinus, electionis illius auctor, Imperium Adolpho abrogârunt, substituto in ejus locum nunc tandem Alberto Rudolphi I. filio.

3. *Cessitne Imperio Adolphus?*

Aut Cæsar futurus, aut nihil, decretorii certaminis aleam subire statuit. Aventani igitur Alberto æmulo suo expedita cum equitum manu occurrit, prælio belli fortunam tentaturus. Jamquè dato pugnæ signo, sex horas ipsas acerrimè dimicatum est, dum tandem Adolphus, accepta lethali plaga, equo ab Alberto dejectus, atquè ab astantibus trucidatus est anno Imperii 7. Cbristi 1298.

108. Albertus I. Austriacus.

1. *Quanam Alberto imperante, rerum in Helvetia conversio atque immutatio?*

Cum à Præfectis suis nimio opere premi se conquererentur indigenæ, grave jugum excutere, sequè in libertatem asserere decreverunt. Hos inter terni paulò animosiores, interposito etiam jurejurando, in fædus ac societatem primum cōiungere anno 1308. In pluribus tunc sociis aucti, expulsis aut occisis Præfectis Rempublicam in libertatem, qua hodiequè fruuntur, vindicârunt.

2. *Quam mortem Albertus obiit?*

Joannes, Alberti ex fratre nepos, periniquo tulit animo, quod annos licet undeviginti nato, hæreditarias sibi provincias regendas tradere recusatet Imperator. Igitur conspiratione cum tribus sceleris sociis inita, Albertum in comitatum, nec tale quid suspicatum, Badenam inter & Reinfeldam aggressus, è medio tollit. In ipso patratae cædis loco nobile dein Monasterium Königsfeldam condidit Imperatrix vidua; occisi verò cadaver Spiræ sepulchro illatum est. Imperavit Albertus annos 10. ad annum Christi 1308. ob insignes animi dotes vita longiore dignissimus.

CAPUT II.

Imperatores Seculi XIV.

109. Henricus VII. Luxemburgicus.

I. Cur

1. *Cur Æmulo Philippo, Galliæ Regi, præferebatur Henricus?*

Electores diu multumquæ hæsitantes utri deferendum Imperium, admonuit Pontifex, Cæsarem Germanicum, missò Galliæ Rege contestim eligerent, nè gravissimis alioqui turbis ageretur orbis Christianus. Electus igitur Henricus Comes Luxemburgicus, ad omnia summa natus, qui mox in Alberti parricidas condignis suppliciis animadvertit.

2. *Quid in Italia præclari gessit?*

Pontificis hortatu internecinas Guelphorū, & Gibellinorum simultates & factiones, quibus annos ferè centum Italia durum in modū lacerabatur, sopiturus, ingenti cum exercitu illuc contendit, perquæ Legatos Pontificis Avenione tunc degentis, Romæ coronatus, cōplura per Italiam bona clientelaria Imperio vindicavit. Redux indè in Germaniam, Bonconventi obiit ex febris maligna, non ex veneno, quod sacram Synaxin sumpturo in hostia Sacerdotem porrexisset nonnulli comminiscuntur. Imperavit annos 5. ad ann. Christi 1313.

110. Ludovicus V. Bavarus, &

Fridericus III. Austriacus.

1. *Quis ab Henrici VII. obitu Imperii status?*

Post 14. mensium interregnum Electores in binas distracti factiones, hi Fridericum Pulchrum Austriacum, illi Ludovicum Bavarum Imperatorem renunciant, utrumquæ ob dotes, plus quàm regias solio Cæsareo longè dignis-

simum, si unum duc simul capere potuisset Imperatores. Hinc grave & vehemens octo annorum bellum, quod tandem pugna, haud procul Mùldorffio Bavarix oppido inita, diremit, victo captoq; Friderico, & in arcem Transnizensem adducto, ubi triennium detentus, libertatem à mago oblatam, Christiana fortitudine rejecisse fertur, rem planè indignà ratus, si, ut corpus captivitate eximeret, animam Orci tyranno in servitutem traderet. Dimissus ex arce, Imperii negotiis porro tractandis abstinuit, sive rerum humanarum fastidio, sive metu, nè novis implicaretur turbis. Obiit quadriennio post, anno ab electione sua 15. à Christo nato 1329.

2. *Quid de Schweppermanno memoriâ proditum est?*

Cùm post difficillimum illud duodecem horarum prælium, prope Mùldorffium commissum, præter ova obsonii nihil ad cœnam Imperatori Ducibusquè suppeteret, is singulis singula; Schweppermanno verò, qui eo in conflictu eximia virtutis bellicæ dedit specimina, bina porrigi jussit cum dicto: *Dentur singulis ova singula, pro Schweppermanno bina.* Qua oratione vir fortissimus per omnem vitam gloriatus, hanc suo etiam tumulo jussit incidi.

3. *Unde Papam inter ac Ludovicum tot tantaque orta dissidia?*

Existimabat Ludovicus, devicto Friderico æmulo, rebus jam tranquilis pacatisquè se fruturum, cùm ad Joannem XXII. Pontificem, Ave-

Avenione commorantem, non unius culpæ reus agitur, nominatim quòd Imperii possessione nec ritè, nec majorum more adita, citra Pontificis assensum palàm pro Imperatore se gesserit, filium Septemvirali dignitate auxerit, Ecclesiæ hostes consiliis, opibus, armis juverit. De quibus omnibus tres intra menses, intentato etiam anathematis fulmine, purgare se iussus, Avenionem Legatos misit : qui tamen nil præter bimestrem dilationem impetrârunt. Interea Ludovicus editâ apologiâ suam testatus innocentiam, ad Papam de rei summa planius edocendum, indequè ad Concilium generale appellat. Nihil isthæc moratus Pontifex, Ludovicum, elapso bimestri, sacrorum usu prohibet.

4. *Quo hæc animo tulit Ludovicus?*

Tum pravis aliorum consiliis, tum præcipiti iræ impetu abreptus, in Pontificem jam palàm cœpit insurgere. Indè Romanorum, Joanni adversantium, quòd sedem Avenione Romam transferre recusâset, invitatu Italiam ingressus, Mediolani ferream, Romæ Imperialem coronam à Cardinali Columnio accepit. Sub hæc convocatis è Gibellina factione Episcopis, post multa in Joannem jacta probra & calumnias, Petrum Corbârium, qui Nicolaum V. se dixit, in sedem Pontificiam intrudendum curat.

5. *Num tanti eum delecti pœnitentia postmodum subit?*

Missis ad Joannem XXII. ejusquè Successo-

res Benedictum XII. & Clementem VI: aliis atquè aliis legatis, & deprecatoribus, anathematis vinculo solvi suppliciter petiit. Sed preces, toties iteratas, irritas fecere tum corrupti consiliarii, tum potentes aliorum, Philippi præsertim Galliarum Regis, obices, quorum nempe intererat, Ludovicum è labyrintho suo emergere non posse.

6. Quis tandem rerum exitus?

Hortante Clemente VI. Electorum plerique exauctorato Ludovico Carolum Bohemia Regem subrogarunt; cui tamen is uno haud amplius anno superstes, apoplexiâ extinctus est, vel veneno, quod dum equestri inter venandum agitatione nequiquam laborabat excutere, superante vi mali in terram effusus, inter luculenta pœnitentiæ signa exspiravit, anno Imperii 33. Christi 1347. Defuncti cadaver Monarchii in Æde principe tumultatum est, excitato multis post annis à Maximiliano I. Electore Bavaro visendi planè operis Mausoleo. Id enimverò de suis meritis successoribus jure poterat Imperator hic, cum ob præclara animi decora (quæ Augusti ejus nominis vindices non ex mendacis famæ commentis, sed autographis literis & tabulariis orbi nota fecere) tum ob singularem erga Deum, ac Cœlites cœliquè præcipuè Reginam pietatem, cuius vel in sola Bavaria tot pene existant monumenta, quot Monasteria. Nam præter templum & Asceterium Ettalense longè celebratissimum, alia insuper plura aut condidit, aut perquam munificè dotavit.

III. Carolus IV.

1. *Quid causa fuit, cur Pontifex Electoribus Carolum commendaret?*

Cum ob multa præclaræ animi dona, tum quod ex ephebis vix egressus, jam Dux victorq; gloriosus, Gibellinos, perpetuos Pontificum hostes, armis domuerit, atque adeo ipem haud modicam fecit rei bene gerendæ, si ad Imperii gubernacula admoveretur.

2. *Num Carolus à Ludovici obitu Imperii possessionem adire mox licuit?*

Id quidem speraverat Carolus, qui vivente Ludovico imperandi jure ac potestate consulto abstinuit. Verum Electores, ii præsertim, qui Ludovico constanter adhæserant, cognito ejus obitu, de novo mox Imperatore legendo deliberant, hancquæ dignitatem Angliæ primùm Regi Eduardo, dein Friderico Thuringiæ, Landgravio, & Marchioni Misniæ, ac demum his jure suo cedentibus, Gunthero Comiti Schwarzburgico deferunt, qui suū hoc jus armis aliquamdiu persecutus, veneno, à Medico sibi porrecto, paulatim extinctus est, consentientibus tandem in Caroli electionem Septemviris omnibus.

3. *Qua maximè re de Imperio Romano bene mereri studuit?*

Ut lites & discordias, in Cæsarum præsertim electione oriri solitas, præcideret, in comitiis Norimbergæ 1356. celebratis linguâ latina Diploma vulgavit, ab appenso sigillo Imperatoris

ratoris aureo *Bullam auream* nuncupatam. Ubi de Imperatoris electione, Septemvirorum prerogativa, ordine, dignitate, causisque & rebus Imperii gravioribus agitur.

4. *Quanam Imperatoris hujus laudes, ac decora?*

Tantâ erat in Christi Vicarium reverentiâ, ut stratoris etiam Officio functus, Urbanum V. equitem pedes sequi non erubuerit. Pragæ Archiepiscopatum condidit, dotavitquè, & S. Wenceslai honoribus magnificam excitavit Basilicam. Quàm justitiæ amans fuerit, vel inde patet, quod Pragæ in publico sæpe tribunali confidens, omnium querelas audire, omnibusquè jus dicere voluerit. Doctrinâ insuper excelluit, quinque linguarum, latinæquè apprime peritus. Literas, virosquè eruditos, quos inter Bartolus Jurisconsultus celeberrimus, & Franciscus Petrarcha, magno semper in pretio habuit. Academiam Pragensem multis ornatam privilegiis fundavit Disputationibus, aliisque exercitationibus literariis plures sæpe horas interfuit tanta cum voluptate, ut, cum aliquando de prandii tempore moneretur à suis, responderit: irent ipsi, pranderentquè; sibi namquè pro omnibus epulis certamen hoc literarium sapere.

5. *Quid Imperatori huic potissimum vitio vertitur?*

Quod regni Bohemiæ, quàm Imperii amplificandi, ornandi; studiosior, urbes quasdam, & vectigalia, ad idem Imperium pertinentia

ven-

vendiderit; præcipuè verò quòd Wenceslaus filium, cujus mores improbos nescire non potuit, redemptis magna pecuniæ vi Semptemviralibus suffragiis, sibi successorem destinârit. Cæterum præter morem antecessorum uni Bohemiæ, Carolus ferè affixus hæsit, unde jura dare Imperio consueverat; cum tamen Imperatores reliqui in itineribus conficiendis multi fuerint, prout varia provinciarum aut necessitas, aut utilitas exigere videbatur. Obiit anno Imperii 32. Christi 1378. Filio Successore sapientissimis monitis instructo; quibus tamen hic intuper habitis, suo potiùs genio est obsecutus.

112. Wenceslaus iners.

1. *Ecquem Christianos inter Cæsares hic locum obtinet?*

Omnium sanè postremissimum, inter Caligulas potiùs, Neronas, & Heliogabalos collocandus; adeò nihil dignum Christiano Principe gessit, ebrietati, otio, omniquè turpitudini, perpetuò intentus, non homo, sed monstrum hominis. Carnifex perpetuus ejus lateri comes adhærebat, ut è vestigio sanguinaria Domini Imperia exequi posset.

2. *Cur S. Joannem Nepomucenum necari jussit?*

Joannæ Imperatrici pientissimæ à confessionibus hic erat, à quo expiscari cum vellet Wenceslaus, qua de re arcano in tribunali se accusaret conjunx, sacerdos Cæsaris impietatem

tem execratus, tam sibi nefas esse ajebat quicquam, per sacram exomologesin cognitum, evulgare, quàm Cæsari inquirere. Hac responsi libertate ille in rabiem actus, Joannem de ponte Pragenſi in Moldavam fluvium præcipitari jussit. cujus viri virtutem Deus prodigiis propè innumeris. hodiequè testatam facit.

3. *Qua demum ratione in ordinem est redactus?*

Cum ob enormia scelera à Regni Proceribus semel atquè iterum in carcerem detrusus, indequè elapsus, ad ingenium semper rediisset, Septemviri Comitibus Francofurti A 1400. indictis, exauctorato Wenceslao Fridericum Brunswicensem, & huic, paulò post à sicariis interempto, Rupertum Palatinum, Bavarix Ducem subrogârunt.

4. *Num agrè id tulit Wenceslaus?*

Quin potiùs gratulari sibi visus est, quòd qualicunq; jam onere levatus, liberiùs otio, gulæ, libidini vacare dehinc posset. Cumquè Norimbergenses, ut fidelitatis sacramento exsolverentur, decies mille florenos Wenceslao ultrò obtulissent, hinc nonnisi quatuor vini Rhenani plaustra sibi mittere petiit. Vitam tandem sceleratissimè actam pari exitu clausit 1419. cum à parentis obitu Bohemis annos 41. Imperio 22. non tam præfuiſſet, quàm ad omnem scelerum licentiam facem prætulisset.

C A P U T III.

Imperatores Sæculi XV.

113. Rupertus Palatinus, Dux
Bavariæ.

1. *Quæ ab eodem in Italiam suscepta
expeditio?*

Vocatus illuc à Bonifacio IX. & Florenti-
nis, ut Galleatio, Italiæ dominatum affectanti,
frenos injiceret, sinistro Marte cum eodem
confluxit. Quare cum nihil subsidii ab Italis
sperare posset, re infecta in Germaniam redi-
it, meliorem inibi operam locaturus.

2. *Quanam Ruperti laudes?*

Princeps erat præclaris omnino animi do-
tibus instructus, Religionis pacisque amator,
justitiæ custos & vindex egregius, bonisque
literis apprimè favens. Heidelbergæ Acade-
miam, ædemque Sancti Spiritus fundavit, ube-
reque dotavit proventu, ibidem sepultus A. C.
1410. postquam annos decem Rempublicam
bene feliciterque administravit. Ruperto suc-
cessorem optaverat Pontifex Sigismundum
Hungariæ Regem; sed huic præferebatur Jo-
docus Moraviæ Marchio, qui cum mense ab
electione sexto obiisset, à plerisque silentio
prætermittitur.

114. Sigismundus.

1. *Quid in hujus electione memoratu dignum
accidit?*

M. 5

Cum

Cùm & ipse Elector esset, sibi met suffragium dedit; nequè enim alium quemquam se nòsse ajebat, qui propensiore, paratiorequè esset animo ad procuranda Imperii emolumenta. Placuit hic animi candor Electoribus cæteris, qui summo eum consensu Imperatorem proclamârunt. Et erat sanè Sigismundus eo honore dignissimus, utpote qui ingenii, indolisquè planè Regiæ præstantiâ, Religionis ac pietatis studio, sapientiâ, industriâ, patientiâ laborum, munificentiâ, animi magnitudine, aliisque eximiis virtutum ornamentis inter cœvos Principes longè eminebat, Wenceslao fratri natu majori moribus, ingenio, totaque vitæ ratione omnino dissimilis.

2. Quæ prima præcipuaquè Sigismundi cura?

Ut diuturnum ac perniciosum Ecclesiæ schisma, quo terni simul Pontifices in totidem factiones distracti, Reges quoquè ac Principes in suas quisquè partes trahebant, penitus tolleretur, non tantùm Legatos quaquaversum misit ad Principes; sed Galliam, Hispaniam, Angliam, Italiam maxima celeritate, & incredibili laborum difficillimorum tolerantia ipsos adiit: nec antè quievit, quàm Joannem XXIII. ad Concilium Oecumenicum Constantiam, Germaniæ urbem situ amœnissimam, & commodissimam convocandum permovit.

3. Quando, quaque frequentia celebratum hoc Concilium?

Inchoatum est solenni ritu die 5. Novembris 1414. & post 45. Sessiones ad exitum
per-

perductum die 22. Aprilis, 1418. Interfuere
 præter Joannem XXIII. qui usque ad cessio-
 nem Pontificatus præsidebat, Patriarchæ 4.
 Cardinales 29. Archiepiscopi 47. Episcopi
 160. (imò aliquamdiu amplius trecenti quàm
 Archiepiscopi, quàm Episcopi aderant) Antisti-
 tes, Cœnobiarchæ, Theologi & jurisperiti cō-
 plures Multorum insuper Regum Legati, tres
 Imperii Electores, cæterorum verò Principum
 ingens numerus. Imperator pridie Natalis Do-
 mini urbem ingressus, dum Sacra illa nocte
 primum Missæ sacrificium solenni ritu pera-
 geret Pontifex, cantavit Sigismundus Evange-
 lium: *Exiit edictum à Cæsare &c.* Indè Conci-
 lium non solum præstantiâ suâ cohonestavit,
 sed omni insuper ope, consilio, industriâ for-
 tissimè, constantissimequè protexit ac propu-
 gnavit, dum tandem electo Martino V. pax
 Ecclesiæ reddita.

4. *Quid de Joanne Huss, ejusquè discipulo Hie-
 ronymo Pragensi Historici meminere?*

Uterquè à Concilio rogi supplicio est addi-
 ctus, ob nefariam in propugnanda hæresi per-
 vicaciam. Indè belli incendium calamitosissi-
 mum, facem præferente Ziska, Hussitæ Bohe-
 mi suscitârunt, quod Sigismundus, copioso mi-
 litum sanguine tot in præliis fuso restinguere
 haud potuit, Deo atrociam Bohemiæ ac Germa-
 niæ scelera horribili hæreseos Hussiticæ flagel-
 lo castigante; quoad tandem rebelles illi, in
 diversas distracti factiones, legitimo se Domi-
 no ultrò subjecere.

5. Num

5. Num aut Concilium, aut Sigismundus Hussium
ejusquē a seclam condemnando datam fidem
publicam violasse censendi sunt?

Impudentissima hæc Calumnia est, ab Aca-
tholicis vel per grandem inscitiam, vel potius
per summam malitiam fraudulenter conficta,
quam Scriptores Catholici evidentibus pridē
argumentis satis superquē confutârunt.

6. Quo erga literatos fuit animo Sigis-
mundus?

Hos nobilibus illiteratis longè præferendos
duxit: nam Equites, inquit, & Nobiles creare
potest Cæsar; non item Doctos, Doctores, quos
Deus & natura ipsa indoctis præstare voluit. Adu-
latores summiopere detestabatur. Hinc assen-
tatori cuidam inflictâ alapâ, quærenti, cur me
cædis? respondit: Cur me mordes? Imperavit
Sigismundus annos 27. ad an. Chr: 1437.

115. Albertus II. Austriacus.

1. Qua stirpe & prosapia reliqui deinceps
Imperatores sunt orti?

Omnes dedit inclyta Domus Austriaca ex
qua ab annis jam ducentis nonaginta, serie
nunquam interrupta, Imperii solium tenent
Archiduces Austriaci.

2. Quæ Regna Alberto obvenère?

Ad summa quæquē formata fuit ætas Alber-
ti tenerior, & scientiarum præsidiiis apprimè
instructa. Unde à parentis obitu Austriam,
& Provincias hæreditarias ætate licet juvenis,
senili prudentia gubernavit, quam admiratus
Sigis-

Sigismundus Caesar, non alium censebat digniorem, cui filiam suam unicam, Regni Hungarici & Bohemici hæredem desponderet; sæpe dicere solitus: *beata fore regna, quibus talis Princeps imperaret.*

3. *Cur delatum sibi Imperium detrectabat?*

Nè tot regnis, provinciisque administrandis impar, nimio sub onere fatisceret. Addunt alii, Albertum, ut erat Princeps religiosissimus, celebri illo Christi oraculo: *Quid prodest homini, si mundum universum lucretur, anima vero sue detrimentum patiatur?* fuisse deteritum. Ad extremum tamen tum Pontificis & Concilii Basileenfis hortatu, tum rogatu Electorum & Hungariæ Procerum, tum importuna suorum interpellatione peremptus Imperii gubernacula suscepit.

4. *Quem vitæ exitum sortitus est Imperator hic, immortalis memoria dignissimus?*

Rebus maximis pertremi tempore confectis, atq; Hussitarum præcipuè assèctis, & fautoribus bello domitis, tum ex Hungaria, pulso inde Turcarum tyranno, redit in Austriam, corripitur dyssenterix morbo, qui & nimio solis æstu, & peponum esu auctus, anno Imperii altero, Chr: 1439. incredibili bonorum omnium luctu è vivis eripuit Imperatorem optimum ac pientissimum quo dignus non erat mundus, relicta prole posthuma Ladislao Hungariæ & Bohemiæ hæredes

) 190 (

116. Fridericus IV.

1. *Quis Alberto successit?*

Fridericus IV. Alberti consanguineus, ex Hierosolymitana peregrinatione redux, concordii Septemvirorum suffragio Imperator electus est. Ladislaum Regni Hungarici & Bohemici hæredem, in tutelam sibi traditum sollicitè educandum curavit. Quod cum ægrè tulissent Procerum quidam, Ladislai adolescentiâ in rem suam abusuri. Fridericum Neostadiensi in oppido tamdiu obsedère, quoad is reddito cliente, tutelâ se abdicavit. Quin & in ipsa adeò arce Viennensi cives seditiosi Imperatorem hunc duobus ferè mensibus obsidere sunt ausi, ubi cum Maximilianus parvulus hordei loco lautius obsonium à matre Imperatrice peteret, hæc illachrymans: *utinam*, inquit, *sili mi, panis nos non deficiat.*

2. *Quis Friderico imperante rerum status in Oriente?*

Capta à Mahomete II. Constantinopoli, evertum est funditus Græcorum in oriente Imperium, & ad Turcas translatum Anno 1453. Hoc nempe supplicium Græci gravissimis suis sceleribus, & perfidioso ab Ecclesia Romana divortio dudum sibi accersiverunt. Fridericus comitiis Ratisbonæ primùm, dein Francofurti indictis, bellum Turcis parabat inferrer; at Christiani Principes mutuis decertare odiis, & rebus quisquè privatis consulere maluerunt, quàm Christi causam tueri.

3. *Cur Fridericum Fabio Cunctatori comparant Scriptores?*

Quia cunctando, bellaquè declinando pacem Imperio reddidit, Europâ reliquâ civilibus & externis undiquè bellis perstrepente; unde & nomen Pacifici obtinuit.

4. *Quæ alia memoratu digna id temporis acciderunt?*

1. Inventa & exulta ingenti literarum bonorum Typographia à Joanne Guttenbergio Germano sub annum 1440. 2. Insulæ Americanæ à Christophoro Columbo Genuensi primùm detectæ 1492. ipsaquè paulò post America ab America Vesputio Florentino. 3. Abrogatæ ludicræ hastis velitantium pugnae, cum ob crebras cædes, tum ob mutatam bellandi methodum, posteaquàm pulvis pyrius & bombardæ sub annum 1380. itidem à Germano quopiam inventæ fuerunt. 4. Lutheri ortus Germaniæ, totiquè Ecclesiæ acerbis, & luctuosus, Friderici tempora funestavit 1483. Obiit hic anno Imperii 53. Christi 1493. Maximiliano filio annum abhinc octavum Romanorum Rege creato.

117. Maximilianus I.

1. *Quò erga literas ac literatos studio ferebatur?*

Cum impeditioris primùm linguæ esset, hoc dein vitium arte & industriâ ita emendavit, ut septem omnino linguas non modò calleret perbene, sed expeditè quoquè pronunciare nòset.

nōſſet. Ut taceam reliquas ſcientias, quibus ap-
primè erat inſtructus. Unde & literatos im-
penſè fovit, largèque remuneratus eſt.

2. *Quodnam periculum in Alpibus Tyrolenſibus
adit Maximilianus Juvenis?*

Damarum venationi intentus, in arduæ ru-
pis jugum evaſerat, unde nulla patebat rede-
undi via. Tertium jam diem ſine cibo potùque
inter præcipitia moratus, mortem certam op-
petiebatur, cùm tandem allato, prout petierat,
Deo Euchariftico, atque eminus adorato, de
repentè hominè conſpicit, qui manu prehen-
ſum per vias ignotas ad ſuos reduxit. Cùmque
hic nuſquam exinde comparuiſſet, non ex va-
no creditum eſt, Angelum fuiſſe cœlo miſſum.

3. *Qua laude Imperium adminiſtravit?*

Non belli minùs, quàm pacis temporibus
Imperatorem egit manu ſemper & conſilio
promptiſſimum. Contra Gallos, Venetos,
Hungaros, Bohemos, Palatinos, Helvetos,
Belgas, qui Brugis per meſes aliquot capti-
vam detinueant, in aciem progreſſus, ea for-
titudinis planè heroicæ dedit ſpecimina, ut,
ſi non continuò victor, nunquā tamen victus
prælio exceſſerit. *Camera Imperialis*, ut vo-
cant, judicium Wormatiæ primùm inſtituit,
poſtea Ratiſbonam, indequè Spiram, ac de-
niq; Wezlariam translatum. Imperium in de-
cem diviſit Provincias, ſive circulos 1. Au-
ſtriacum. 2. Burgundicum. 3. Rhenanum in-
feriorem. 4. Saxonicum ſuperiorem. 5. Fran-
conicum. 6. Bavaricum. 7. Svevicum. 8.

Rhe-

Rhenanum superiorem. 9. Westphalicum,
10. Saxonicum inferiorem.

4. *Quibus provinciis aucta est Domus Austriaca, Maximiliano imperante?*

Septendecem Belgii provincias cum Burgundiæ Ducatu Maria, Caroli Audacis filia unica, Maximiliano nupta, dotis loco attulit. Philippus verò, Maximiliani filius, Joannâ Ferdinandi Catholici filiâ matrimonio sibi junctâ, Regnum Hispaniarum dotale accepit. Demum Hungariæ quoque & Bohemia, post nuptias à Ferdinando I. cum Anna Hungariæ Regis filia initas, rediit ad Austriacos. Unde notus ille versiculus: *Bella gerant alii, tu felix Austria nube.*

5. *Quæ Maximiliani virtutes?*

Religione in Deum, amore in populos sibi subjectos, mansuetudine & clementiâ in hostes, in omnes munificentia, Superùm, hominùm què amorem sibi conciliavit. Justitiam tantopere coluit, ut per loca, fontium supplicis destinata, transiens, dicere sit auditus: *Salvo sancta Justitia.*

6. *Quæ Caesaris hujus ad mortem preparatio?*

Ne mortis memoria ex animo unquam ex-cideret, annis vitæ postremis sandapilam constanter secum circumtulit. Morti proximus, non contentus tabulis inscripsisse, astantibus sibi Principibus: *renunciate*, inquit, *Carolo & Ferdinando nepotibus meis, ut Majorum insistentes vestigiis fidem Catholicam, à Germanis hætenus cultam, adversus novorum dogmatum auctores secta-*

soresquē etiam cum vita periculo defendant. Obiit
Anno Imperii 26. Christi 1519.

CAPUT IV.

Imperatores Sæculi XVI.

118. Carolus V.

1. *Quis, quāntusquē hic heros?*

Ad Germani hujus Herculis facta heroica recensenda iusto sanè volumine opus foret. Natus hic est Gandavi Flandriæ oppido A. C. 1500. ex Philippo Maximiliani filio, quo præcoci morte sublata, decem & quinque haud amplius annos natus Belgii & Burgundiæ administrationem suscepit. Indè Hispaniarū Rex ac demum anno ætatis undevicesimo, jam tum gerendis rebus maximis maturus, Imperator est salutatus.

2. *Quæ Caroli Expeditiones?*

Victricia signa per totam propè Europam, imò & Africæ, Americæ, & Asiæ partem circumtulit. Solimannum ingenti cum exercitu Viennæ armis obsessæ inhiantem solâ adventus sui famâ fugavit. In Africam cum classe trajiciens Tunetum occupavit, & Muleassem Regno iniquè pulsum restituit. In America decem & octo Reges, duosquē Imperatores subegit. In Europa Hispaniam tumultuantem compescuit, Belgas rebellantes ad obsequium reduxit, Germaniam signis sexies prolatis composuit. Italiam iteratis cladibus domuit, ubi Franciscus Galliæ Rex in Ticinensi prælio cap-
ptus,

ptus, & in triumphum abductus est: biennio post Roma, Borbonio Duce, per vim occupata atque à milite, magnam partem Lutherano, immanitate plus quàm barbara direpta ac spoliata est: Pontifex ipse Clemens VII. in arce S. Angeli obsessus, & conditionibus durissimis ad deditionem compulsus, inscio & invito Carolò, cui idem Pontifex tribus post annis Bononiæ coronam auream imposuit.

3. *Quæ Sectæ Lutheranae in Germania origo?*

Hæc ex superbia, quæ initium omnis peccati est, turpiquè æmulatione & invidia ortum traxit. Cum enim Leo X. Imperatoris aliorumquè Principum rogatu Indulgentias per orbem Catholicum promulgandas curaret, ut in bellum Turcicum pro sua quisquè facultate & arbitrio stipem conferret, promulgatio hæc demandata est Joanni Tezelio è S. Dominici Familia, ringente Luthero, hominè tam superbo, quàm mordaci, & cum Papam, tum Prædicatores, tum Indulgentias ipsas, quas thesibus publicis impugnaverat, allatrante.

4. *Num homini huic, DEO & Ecclesiæ rebellis, se opposuit Casar?*

Cum illum nec paternis Christi Vicarii monitis, nec minis, pœnisquè ullis Ecclesiasticis emendari, quin potiùs deteriorem ac petulantiozem in dies fieri perspexisset, ex Hispania redux, pestilentes Lutheri libros carnificis manu exuri, inquè Comitibus Wormatiensibus, tanquam obstinatum Schismaticum, & notorium Hæreticum toto Imperio præscripsit, sub-

scribentibus præter Carolum Imperatorem Electoribus 6, Principibus Ecclesiasticis 30. Sæcularibus 33. Abbatibus 22. Comitibus & Baronibus 32. Civitatibus Imperialibus 39. Hunc tamen ab Ecclesia, & Imperio proscriptum, dirisque omnibus devotum, Fridericus Saxonie Elector in castro Wartburgensi per annum ferme occuluit, lautequè habuit.

5. *Quibus adminiculis aucta, & propagata est nova hæc Secta?*

Tribus potissimum; nam Principibus pinguißimos Ecclesiarum ac Monasteriorum proventus, improbis Sacerdotibus ac Cœnobitis uxores, plebi omnem vivendi licentiam permisit Lutherus, aliamquè prorsus, ac Christus verbo & exemplo præivit, monstravit viam, laxissimam nempe, & spatiosissimam, quæ eodem Christo teste ducit ad perditionem.

6. *Quosnam fructus ex ea doctrina novitate Germania decerpfit?*

Multò amarissimos turbas nempe innumeras, seditiones, bella cruenta, quæ & excitavit, & fovit Lutheri Secta. Hinc anno 1525. exortum bellum rusticum, quo gens agrestis, Münzero concitatore, excusso omni iugo, in Christianam scilicet libertatem se vindicatura, totam latè Germaniam cædibus, incendiis, vastationibus depopulata est, quoad variis tandem cladibus attriti, centena amplius millia occubuere.

7. *Unde protestantium Nomen?*

Cum Wormatiæ 1521. Norimbergæ 1523. Ratis-

Ratisbonæ 1524. Spiræ 1526. ac demum 1529. itidem Spiræ auctoritate Cæsarea proscripta fuisset Lutheri doctrina, intercessere quinque Imperii Principes, & duæ urbes Imperiales, quibus aliæ postmodum se adjungere, à qua intercessione, seu *protestatione ortum protestantium nomen.*

8. Quid Confessio Augustana?

In Comitibus Anno 1530. Augustæ habitis, epitomen Sectæ suæ, in varios distinctum articulos, Imperatori obtulerunt sectatores Lutheri, quam Confessionem Augustanam dixerunt. Fertur illachrymarus fuisse Cæsar funesto ab Ecclesia tot millium secessui cum epitome illa publicè legeretur.

9. Undenam fœdus Smalcaldicum, & inde secutum bellum Religiosum originem duxere?

Cum oblatam sibi Confessionem Augustanam probare Cæsar noluisse, congregati Smalcaldiæ in Thuringia Principes Protestantes in fœdus mutuum consensere, quo tueri Sectam suam pro viribus statuerunt Anno 1545. Brevis post ad arma ventum. Ingolstadii tum Cæsar, tum Protestantium exercitus castra posuit, sed hi nihil moliri ausi. Anno tamen sequente cæsi sunt Mülbergæ in Saxonia, captoque ibi Friderico Saxone, & Philippo Hassio celerem finem vidit bellum Smalcaldicum, seu Religiosum.

10. In quem finem indictum fuit Concilium Tridentinum?

Urgente potissimum Cæsare cœgit illud Sū-
N 3
mus

mus Pontifex, ut ab Ecclesia universa confutatis Lutheri erroribus, ad veritatis semitam novatores redirent. Hinc invitati quoque ad Concilium Theologi Protestantium, quorum tamen nullus comparuit, cum & veritatem odissent noctuæ, & Concilium legitimè congregatum esse negarent.

11. *Quid rei famosum illud Interim?*

Divisam Germaniam ad concordiam revocaturus Imperator, quandam Religionis Formulam, salvitamen Fidei dogmatibus, præscripsit, quam *interim* tenerent omnes, dum à Concilio Oecumenico aliud quid decerneretur. Istam Religionis normam *Interim* dixere, quod solum ad tempus aliquod tenenda proponeretur. Verum displicuit Catholicis, & Protestantibus, quod nec Orthodoxa satis esset, nec libertati admodum faveret.

12. *Quid rei Pactio Passaviensis, & Pax religiosa?*

Maximis incrementis auctam hæresin sopiri vix amplius posse existimavit Cæsar. Quare facta Passavii 1552. cum Protestantibus pactio, liberum illis novæ Sectæ exercitium indulgit quæ concessio *Transactio Passaviensis* vocata est. Confirmata subin 1555. Augustæ in comitiis eadem *Transactio Pacis Religiosa* nomine est appellata.

13. *Quæ tandem vitam, & Imperium finit Impeator Carolus quintus?*

Biennio antè, quàm è vita discessit, abdicatis Regnis, in Monasterium Sancti Justi recepit sese, DEO, sibi què victurus deinceps, & animæ

animæ salutem curaturus impensius. Paulò ante obitum suus sibi met exequias funebres haberi voluit. Imperavit Ann: 39. obiit Ann: Chr: 1558.

14. *Quanam alia notatu digna evenerunt imperante Carolo?*

1. Calvinus in Gallia, Zwinglius in Helvetia Sectas recens procusas eodem ferè tempore invexere, quo Lutherus Germaniam deformabat. Anglia quoque sub Henrico VIII. ab Ecclesia discessit 1533. 2. Circa nascentis hæreseos tempora S. Ignatius è milite ad sanctitatis studia conversus, Clericorum Regulæ familiam, Societatem JESU, instituit, quæ hæren, & vitiis fortiter obfisteret.

16. *Quibus coloribus adumbrari Lutherus meretur?*

Quis fuerit Lutherus, discite ex ejusdem præceptore, nempe Dæmone, quo cum falis modios complures se absumpsisse, Missamquæ abrogasse ob argumenta à Diabolo contra illam sibi proposita in disputatione cum illo habita fassus est. Quare nec illud rejiciendum, quod referunt Scriptores probati, vidisse Maximilianum I. Augustæ Lutheri adhuc Religiosi humeris dæmonem insidentem, moxquæ ad Nobilem de Aybach ponè adstantem dixisse: hic Monachus in Ecclesia, & Germania ingentes excitabit turbas. Morte non invidenda sublatus est Ann: 1546.

119. Ferdinandus I.

1. *Quandonam Hungaria & Bohemia Regna Austriacis cessere?*

Ferdinandus I. Carolo V. fratre adhuc imperante, Ludovici II. Bohemiæ & Hungariæ Regis sororem duxerat, ex quo connubio utrumquè illi regnum obvenit 1526. Hungaricum tamen ob varias turbas seriùs adiit. Regnum hoc geminùm ab eo tempore constanter paruit Austriacis, sed non sine turbis.

2. *Quanam gesta Ferdinandi illustriora?*

1. Insigni sapientiæ & pietatis fama Imperium administravit, Religionis Orthodoxæ, & literarum apprimè studiosus. 2. Concilii Tridentini sanctiones, in subjectis sibi provinciis, & promulgari, & executioni tradi curavit.

3. *Quæ celebrantur ejusdem apophthegmata?*

1. Gemmas & Thesauros perdere se malle, ajebat, quàm literas nescire. 2. Aulico cuidam suo venationum Præfecto, & scientiarum hosti disertè asseruit, facile cariturum se venatorum turbâ universâ; Doctis verò carere se haudquâquam posse. 3. Familiaris hæc illi gnome erat: *Fiat Justitia, nè paveat mundus.* Imperavit Anni 7. ad 1564.

120. Maximilianus II.

1. *Cur in Austria Lutheri dogmata sectandi potestatem aliquibus fecit?*

Nimiùm indulgentis clementiæ id fuit, quâ jure S. Pius V. datis ad eum literis reprehendit. Plurimùm autem à vero abluunt, qui

Cæ.

Cæsarem ipsum Lutheri addictum fuisse erroribus comminiscuntur.

2. *Quæ in Belgio rerum facta mutatio Imperante Maximiliano?*

Septem Provinciæ, quas Hollandiam vocamus, hæresi multum infectæ, excussio Hispanorum dominio, in libertatem asseruerunt sese, ac præpotenti Batavorum Reipublicæ paulò post initium dedere 1579. Obiit Maximilianus Ferdinandi I. filius an: Imp: 12. Chr: 1576. Symb: *DEUS providebit.*

121. Rudolphus II.

1. *Quibus dotibus enituit hic Imperator?*

Patre Maximiliano adhuc superstite electus Romanorum Rex, & mortuū in Imperio successor, avitam Religionem egregiè tutatus est, omnesquæ Principis optimi partes implevit, vitam cælibem perpetuò sectatus.

2. *Quomodo jacta sub Rudolpho belli Germanici tricennalis semina?*

In Bohemia primò, deinde in Germania quòquæ belli feralis quædam initia se prodidère. Obtinuerant à Rudolpho magna pecuniarum vi Hussitæ Bohemi Diploma Cæsareum (litteras Majestatis appellabant) quo potestas illis fiebat Religionem suam liberè profitendi. Hæc verò litteras cum tractu temporis violatas crederent, sub Ferdinando II. in grave bellum res tandem desit.

3. *Quomodo in Germania gliscere bellum cœpit?*

Protestantes Germani cum sinistra omnia fi-

bi, suæquæ Sectæ metuerent à Catholicis, Heilbrunnæ armorum societatem iniêrunt, quam *Unionis* nomine indigitare placuit. Suum quoque fœdus illi opposuêre Catholici 1610, Confluentiæ, quod *Ligam* appellârunt. Continuêre se partis utriusquæ fœderati usquæ ad annû 1618. quo tandem cruentum bellum accendit hæresis. Imperavit Rudolphus annos 36. ad 1612. Bohemiæ & Hungariæ Regnis in fratrem Mathiam translatis, cui 17. florenorum milliones in ærario reliquit. Symb: *Omnia ex voluntate DEI.*

4. *Qualem Concordiæ librûm edidêre Lutherani Rudolpho Imperante?*

In dies magis inter se dissidebant eorum Ministelli circa Sectæ suæ dogmata. Quare conscribi iussit Concordiæ Formulam, seu Librum Augustus Elector Saxonix, cui omnes adhererent.

C A P U T V.

Imperatores Sæculi XVII.

122. Mathias.

1. *Quonam eventu memorabile redditum est Matix Imperium?*

Ipsa belli tricennalis initio, cui exorta Præge seditio prælusit, & occasionem dedit.

2. *Quanam seditionis causa?*

Mathias destitutus hæredæ, cognato suo Ferdinando Archiduci Bohemiæ, & Hungariæ Regna confignârât, cum Bohemi Orthodoxi, novi

novi Regis pietate freti Hussitas populares suos ab exercendis Sectæ suæ functionibus prohibere cœperunt variis in locis, unde orta statim seditio.

3. *Quid porro egere seditiosi?*

Literas Majestatis obtentas à Rudolpho proculcari mox clamitant, atquæ ad arcem Regiam Pragensem accurrunt, apud Præfectum Regium querelas suas deposituri. Verùm non satis, ut existimabant, auditi, & hunc, & duos alios Regis Administros, per arcis fenestras furiosi dejiciunt, nullo eorum per singularem Numinis favorem læso, quamvis bombardas etiam complures in illos seditiosi explosissent. Ulteriùs etiam grassatus est horum furor; pulso enim urbis magistratu, alium substituere sibi faventem, auctiquè statim maximo insanæ plebeculæ numero, justum exercitum confecere, datumquè bello initium 1618. Obiit paulò pòst Mathias Ann: Imp: 7. Chr: 1619,

123. Ferdinandus II.

1. *Qualenam fuit Imperium Ferdinandi?*

Omnino turbulentum, & belli perquam difficilis motibus perpetuò agitatam, cui sustinendo virtus nisi Ferdinandæ par esse non poterat. Forlan & ista succubisset oneri, nisi suavissimis illis è Christi in cruce pendentis effigie auditis aliquando vocibus fuisset suffulta: *Ferdinande, te non deseram!*

2. *Quò anno cœptum, quòve confectum hoc bellum?*

Cœptum, est 1618. Imperante Mathia; finitum

tum 1648. Imperante Ferdinando III. cū Pax Monasteriensis, seu Westphalica successit. Quare belli finem non vidit Ferdinandus II.

3. *Quanam prima fuit hujus belli scena?*

Post seditionem Pragensē Bohemi, rejecto Ferdinando, Fridericum Electorem Palatinū Regem dixēre. Adfuit illico Cæsarei exercitūs Ductor Maximilianus Bavarus, cæsisquē in monte Albo prope Pragā seditiosorum copiis, insignem victoriam tulit. Depulso quoq; Friderico (quem Regem hyemalem ob exigui temporis Regnum dixēre) Bohemia Ferdinando reddita est, noxia posthac libertate caritura, & ejecta hæresi orthodoxè creditura.

4. *Qualis altera belli scena?*

Advenit cum exercitu Christianus Daniæ Rex, Friderico Palatino socero suo latum superias; junxēre se illi Protestantes, qui abhinc decennio in fœdus conspirānt. At brevipedem Danus retulit, clade à Cæsareis accepta. Contrà Germaniæ Protestantes magis etiam in furorem acti, quodd Ecclesiarum bona, inde à Passaviensi transactione ablata, restituere illos Cæsar jussisset.

5. *Quæ tertiam scenam Suecia Rex, Gustavus induxit?*

Adjuturus socios Novatores, & in turbido piscaturus, copias in Germaniam duxit, partaque prope Lipsiam insigni victoria eos brevi progressus fecit, ut Bohemiā, Sueviā, Baviā, & Franconiā mirā celeritate peragatis, ingentes ubiquē prædas egerit, & urbes quàm plu-

rimas occupârit. Ingolstadium Bavarix munimentum obsidione cinxerat Gustavus, cum ferro globo percussus amisit equum, in terram ipse effusus: in pugna vero ad Lucenam glânde plumbea tactus, & equorum calcibus prostratus est. 1632.

6. *Quod pietatis opere Suecum prostravisse creditus est Ferdinandus?*

Jubilæum Orbi Catholico pro pacandis Germanix tumultibus concesserat Papa, cujus gratiâ densas inter pluvias templa Viennæ Cæsar invisit, pietate eximia, compositis ante pectus manibus, frustra monentibus Aulicis, ut rheda veheretur. Incidit autem tantæ virtutis opus illam ipsam in diem, qua cecidit ad Lucenam Suecus, Cæsaris humilitate tumidam Regis superbiam proculcante.

7. *Quomodo scenam belli quartam Gustavi Belli Duces adornârunt?*

Cæso Rege, variâ Fortunâ pugnârunt, modò victores, modò victi. Nordlingæ verò, Duce Ferdinando III. Cæsaris filio, memoranda clade affecti sunt: Germaniam tamen atrociter devastare, aurum emungere, spoliare Ecclesias, & crudelitatis ubique vestigia relinquere non destiterunt. E sola Bavaria minimum sexaginta calicum Sacrorum millia exportasse feruntur.

8. *Qualisnam Scenæ quinta facies, Gallo Suecis se adjungente?*

Pragæ cum Principibus Imperii Potestantibus pacem composuerat Cæsar, Gallis & Sue-

cis ab'ea seclusis. Hi dudum antea foedere tacito juncti, aperto nunc etiam Marte unâ Cæsarem aggressi sunt, eventu vario, summo Germaniæ totius detrimento. Hæc inter adversa diu probatam Cæsaris longè optimi virtutem Cælum sibi vindicavit; obiit enim post An: Imp: 17. A. C. 1637.

124. Ferdinandus III.

1. *Quamdiu adhuc tenuit cum Gallo-Suecis ferale bellum?*

Décennio adhuc integro variè pugnatum Germaniæ dudum exhaustæ impensis. Tandē agitari cœpta pacis consilia ultimo ferè belli quinquennio tum Osnabrugæ, tum Monasterii Westphaliæ, armis interea minimè silentibus.

2. *Quibus conditionibus pax deniquè restituta?*

Post tricas inter paciscentes longè difficillimas in hæc tandem præcipuè capita convenit. 1. Statutum, ut bona quævis Ecclesiastica retinerent Acatolici eo prorsus modo, quo Anno 1624. erant ab iis possessa, quare annum hunc Normalem seu Regulativum dixere. 2. Ut Calvinianis & Lutheranis liberè profiteri Sectam suam in Germania liceret. 3. Maximiliano Bavaro Superior Palatinatus & Electoralis dignitas adjudicata; Friderici verò Palatini filius inter Electores octavus est nominatus. 4. Gallo, Alsatia Austriaca, & Episcopatus tres, Metensis, Tullensis, & Virodunensis attributi; Sueco verò Pomeraniæ pars, & Episcopatus gemini, Bremen-

sis & Verdenſis, cedi debuere, additis inſuper quinque millionibus, quos Imperii Circuli, dempto Auſtriaco & Bavarico perſoluerent. Marchio Brandeburgicus Archiepiſcopatum Magdeburgenſem, & Episcopatus Halberſtadenſem, ac Mindenſem, in Principatus ſeculares converſos, obtinuit &c.

3. *Quinam Duces præcipui hoc bello copiis præſuere*
Pro Cæſare dimicarunt Maximilianus I. Bavarix Dux, Comes Tilius, Pappenheimius, Walenſteimius, Egon Furſtenbergius, Joannes de Werih, Gaſſius, Altringerus, Buquoyus &c. Gallos duxere Turrenius, Forcius, Guebriantius &c. Succos verò poſt Regem Guſtavum Weinmarius, Wrangelius, Ochſenſtirnius, Torſtenſonius, Bannierius, Hornius &c.

4. *Quanam Cæſaris geſta memorantur ſancita pace?*
Decem adhuc annis Imperio pacificus præſuit, filiumque Ferdinandum IV. Regem interea dici curavit; ſed paulò poſt morte abruptum, ingenti mœrore tumulo illatum vidit. Alterum igitur Virtutum & Regnorum hæredem reliquit Leopoldum. Imp. Ann. 20. ad 1657.

125. Leopoldus M.

1. *Quinam eventus Imperium Leopoldi memorabile reddiderunt?*

Bella quinque; Turcica duo, tria verò cum Gallix Rege Ludovico XIV. geſta.

2. *Qua-*

2. *Qualisnam primi belli Turcici fors fuit?*

Exortum illud est in Transylvania, quam sibi vindicatum ibat Turcarum tyrannus. Armis arma Cæsar opposuit, confertaque 1664. ad S. Gotthardum celebri pugna, inducias Barbarus petiit, quæ ad ann: 20. concessæ sunt.

3. *Qualenam bellum Turcicum secundum?*

Rebelles Hungari, Duce Tökelio clam adjuvante Turca, cæsarem aggressi sunt 1672. Aperto dein etiam Marte à Turcis pugnatum, quorum ducenta millia 1683. acri Viennam obsidione cinxere integro bimestri, maximo Christiani orbis terrore. Tandem Joannes III. Poloniae Rex, Electores, Bavarus, & Saxo, ubi laboranti validis adductis copiis subvenere, hostemque cum Lotharingo Cæsarei exercitus Archistratego præcipua clade affectum à Viennæ mœnibus repulere ingenti Christianorum lætitiâ.

4. *Quanam alia gloriosè hoc bello gesta?*

Buda expugnata 1686. Belgradum vero 1688. Duce Maximiliano II. Bavaro: Prælia quoque ad Budam, Mohazium, Salanckemenum, & Zentam feliciter conferta &c.

5. *Quis belli exitus?*

In medio victoriarum cursu sancienda pax fuit, Ludovico XIV. Galliarum Rege bello Cæsarem laceffente; unde magna copiarum pars ea Hungaria fuit avocanda Inducias itaque cum Turcis pactus est Leopoldus Carolwizii 1699. retentâ Transylvania, amisso tamen rursus Belgrado.

6. *Qua*

6. *Quæ causa belli Gallici primi?*

Conjugem duxerat Ludovicus XIV. Mariam Theresiam Philippi IV. Hispaniarum Regis filiam, quo mortuo ad se devolutum Belgium Hispanicum per uxorem Ludovicus existimabat; armis igitur adire Belgii possessionem statuit 1667. Verùm obstitere Batavi, Anglis & Suecis juncti. Ulturus injuriam Ludovicus, elapso quadriennio, ipsosmet Batavos aggreditur, ab Anglorum societate jam seunctos, & eâ quidem victricium armorum fortunâ, ut Hollandiam eversurus omnino videretur. Eodem ferè tempore Rex Lotharingiam, ac Burgundiam occupavit, ut viam sterneret potentiae suæ ad Rhenum extendendæ.

7. *Cur Leopoldus Cæsar Batavis adversus Gallum adstitit?*

Rogatus primò à Batavis, Reipublicæ suæ haud ex vano metuentibus; dein laceffitus etiam à Gallis, fines Imperii aggressis, Cæsar & sua tueri, & oppressos juvare constituit. Agitata quidem tanrisper Colonia Agrippinæ pacis consilia, quæ tamen in ventos abiêre, postquam Cæsar Guilielmum Fürstenbergium, Gallo adhærentem, velut Imperii hostem, injecta vi, Colonia abductum, custodiæ tradiderat, quare læsum fuisse jus Gentium Galli querebantur.

8. *Qualis huic bello impositus finis?*

Modum invenit Ludovicus, quo Hispanos & Batavos, ab Imperatore divulsos ad pacem secum ineundam adduceret. Quare destitutus

Opusc. VI. O

fociis Leopoldus pacem & ipse amplecti compulſus eſt 1679. Noviomagenſem dixere, quod Noviomagi in Hollandia Cæſaris & Regis Legati contraxiſſent Reſtituti fuere in integrum Batavi, Rege Burgundiam ſervante. Lotharingiæ verò Dux carere ditionibus à Gallo ereptis maluit, quàm iniquis conditionibus reſtitui.

9. *Cur poſt pacem Noviomagenſem captum à Gallis Argentoratum, aliaquæ Alſatiæ urbes?*

Metis, Briſaci, & Veſuntione Tribunalia terna conſtituerat Ludovicus Galliæ Rex, quas Unionum & Reunionum Cameras indigitabant: Investigare illa jubebantur & judicium ferre, quænam Germaniæ urbes, ditioneſve, aut Allatiæ, aut Lotharingiæ, aut Burgundiæ olim fuiſſent annexæ, ut eæ omnes Coronæ Gallicæ protinus infererentur. Hinc anno ſequenti 1681. Alſatiæ quoquæ metropolis Argentoratum præter alias urbes ſubitò à Gallis eſt occupatum, Cæſare juſtè quidem, ſed incuſſum conquerente, nec, ob bellum Turcicum, reſiſtere valente. Attigit ergo tandem Gallia metam tot ſuorum conſiliorum ac bellorum, ut à mari dominaretur uſquæ ad Rhenum ſimulquæ, poſt captam Argentinam, clavam Imperii haberet, à ſe pro placito obruendi.

10. *Quanam belli Gallici ſecundi 1688. cauſa fuit & occaſio?*

Gemina fuit: I. Caroli Electoris Palatini ſororem

rorem conjugem habebat Dux Aurelianensis, Ludovici XIV. frater: Carolo vitâ functo, hæreditatem adire Gallia nitebatur, Ducissæ Aurelianensi debitam, aliquot urbibus in Palatinatu inferiore occupatis, Germanis sese opponentibus, quòd urbes illæ ad eam hæreditatem nequaquam pertinerent. 2. Cardinalem Fürstenbergium ad Archiepiscopatum Coloniensem deposcebat Canonorum pars una, Gallo adnitente, repugnante Cæsare. Altera Capituli pars Josephum Clementem, Bavariæ Ducem postulavit, probante Roma, & Electû confirmante. Istud injuriâ factum esse contendit Rex Galliarum Ludovicus, moxquè Cæsari, adversum Turcas in Hungaria felicissimè agenti bellum indixit 1688.

11. *Quid memorabile in hoc bello gestum?*

In Palatinatu inferiore Ludovicus rerum latè potitus, Franconiam quoquè ac Sueviam duris exactionibus emunxit. Verùm adductis ex Hungaria Germanorum copiis, plures recuperatæ sunt urbes; aliæ, quas inter Spira, Wormatia, Frankentalium &c. barbarè à Gallis incensæ, ac vastatæ sunt. In Belgium subintranslata belli sedes, postquam nempe cum Batavis Hispani ad Cæsarem accessissent.

12. *Quanam pace finitum hoc bellum?*

Riswicensi, cujus sancientiæ necessitas de novo Cæsari est imposita, disjunctis ab illo fœderatis. In eas porro conditum est pacis conditiones, ut Argentinam, & liberas quondam Alsatiæ urbes retineret Gallus; redderet verò

Cæsari Brisaccum, & Friburgum, Imperio Philippopolim, & munimentum Kelanum. Lotharingiaquoque ad Duces suos redire est iussa 1697.

13. *Quanam tertii belli Gallici causa fuit?*

Carolo II. Hispaniæ Rege Ann: 1700. absque liberis vitâ functo, Regnum illud & Imperator, & Rex Galliæ sibi vindicabat. Leopoldo in Carolum filium jus omne suum transferente, Hispaniarum Rex proclamatus hic fuit 1703. Viennæ: Contrà Philippus Andegavensis Regni possessionem adiit, avo Ludovico eum omnibus viribus adjuvante.

14. *Quantis hoc bellum progressibus gestum est?*

Cæsar misso in Italiam exercitu, quod præcesserant Galli, Duce Eugenio, urbes bene multas in potestatem redegit. Inito subin cū Batavis, Anglis, & quibusdam Imperii Principibus fœdere solemni, in Hispanias Carolus trajecit, ubi utramque fortunam expertus est. In Germania exercitus Regis Galliæ Höchstadii 1704. ab exercitu Anglo-Cæsareo pugna decretoriâ superatus est, Tallardo cum 12000. Gallorum capto: quâ partâ [Victoriâ] in Belgium translata est belli sedes, ubi felicibus armis certatum pro Austria. Atque inter hæc Leopoldum Cæsarem, & Religionis studio, & mansuetudine præcipuè nulli secundum, vita destituit Ann: Imp: 47. C. 1705. Symb: *Consilio, & Industria.*

15. *Qua memoranda evenère Leopoldo imperante?*

1. Comitia Ratisbonæ perpetua constituta

1663.

1663. 2. Regnum Hungariæ ad Austriacos cū pleno Successionis jure transmittitur, illiusq; Rex inauguratur Josephus I. 1687. 3. Rex Romanorum dicitur Josephus, & Augustæ coronatur 1690. 4. Fridericus Marchio Brandeburgicus Titulum Regis Borussiae obtinuit 1701. Princeps verò Hanoveranus nonus Elector constituitur 1708. 5. Sæva pestis Vienneam populata est 1680. quo eodem anno horridus in cælo Cometes apparuit.

CAPUT VI.

Sæculum decimum octavum.

126. Josephus.

1. *Qua fortuna sub Josepho pro Monarchia Hispanica decertatum?*

Ad votum omnia fluxere: recepta in fidem Bavaria, Belgium victoriis emensum, expugnatae urbes munitissimæ. In Italia Ducatus Mediolanensis, cū Mantuano, utri & Neapolis, ac Sardiniae Regna feliciter recuperata. In Hispaniis fida Carolo Regi sola Catalaunia, retineri tamen non potuit.

2. *Quo fato in medio victoriarum cursu interceptus est Josephus Caesar?*

In ætatis flore morbillis extinctus est Imperator felix, Magnanimus, ac mira comitate Majestatem temperare assuetus Ann: Imp: 6. Christi 1711. Symb: *Timore & amore.*

127. Carolus VI.

1. *Qua mutata subito belli facies Carolô ad Imperium vocato?*

Quàm strenuè pro Carolo certârat priùs Anglia, tam remissè ab obitu Josephi rem gessit; quippe verebatur, nè viribus nimium augeretur Carolus, si ad Austriam accederet quoquè Hispania. Stirit proin armorum felicem cursum, factaque à Carolo secessione, pacem cum Gallo-Hispanis composuit Anglia, quàm secuti mox Batavi, Lusitani, aliique fœderati.

2. *Quo exitu clausum tandem bellum pertinax?*

Destitutus à sociis Imperator ad pacis confilia verti debuit, Rastadii quidem 1714. compositæ majores controversiæ ab Eugenio & Villarso, supremis copiarum Ducibus, ac tandem restituta pax, quæ anno insequente firmata est Badenæ in solemni Legatorum conventu ubi difficultates etiam ceteræ, quas præterierant Rastadii, sunt complanatæ. Solus Hispaniæ Rex Philippus paci nec subscripsit ipse, neque cum illo Cæsar tunc est conciliatus.

3. *Qualenam cum Turcis bellum gessit Carolus?*

Venetis Moream, seu Peloponnesum Turcæ eripuerant, cùm ulturus injuriam Rei Publicæ supplicis ac sociæ Imperator in Hungariam exercitum mittit. Gemina insignis parata victòria est Eugenio Duce, prima. ad Petrowaradinum 1716. Secunda ad Belgradum 1717. Urbes quoque nobilissimæ Temeswarinum, & Belgradum expugnatæ cùm Serviæ Regni-]

Regni tam magna parte Cæsari subjunctæ sunt, Biennio absolutum est bellum, quòd in Italiam vocarentur Cæsaris copix, adversum Hispanos pugnaturæ, qui Neapolin & Siciliam recuperaturi advenerant. Sancita igitur pax cum Turcis Passarowizii 1718,

4. *Cur Hispanorum classis in Italiam transmisit?*

Cæsare victorias in Hungaria accumulante, repentè Italiam subiit Hispanorum classis, Neapolin, Siciliam & Sardiniam à Cæsare receptura Verùm profligata, disjecta est navali prælio ab Anglis, Cæsarem denuo secutis. Siciliam ingressi nihilominus Hispani, parùm profecêre; quippe cedendum illis denique fuit, & Sicilia Cæsari relinquenda.

5. *Quid rei Conventio, seu Tractatus Viennensis?*

Pax est Cæsarem inter & Hispanum Viennæ sancita sine arbitris 1715. postquam nempe maximis sumptibus, cassoquè labore Camerraci inter Legatos diu agitatum de pace fuerat. Cessit Imperator suo in Hispanias jure; cessit Hispanus Italiam Cæsari cum Belgio, atquè in fœdus mutuum condixêre, ad quod anno proxime sequente Moschorum quoque Imperatrix, & inter Electores plerique accesserunt.

6. *Quid rei tractatus Hanoveranus?*

Fœdus est Hanoveræ sancitum inter Angliæ, Galliæ, ac Borussia Reges, cui accessere postmodum Batavi, Dani quoque & Sueci Pax Cæsarem inter, & Hispanum Viennæ composita sine arbitris huic fœderi causam dedit: pupugit enim Angliæ potissimum Regem, se in-

amicitiam stabilem Caroli & philippi animos coaluisse,

7. *Qualis ad Indos navigatio Auctoritate Cæsaris est instituta?*

Ostendæ erecta commerciorum societas naves ad Indos deinceps missura, & merces indè in Europam advectura. Hanc societatem ringentibus præcipuè Batavis, summo Belgii, & Germaniæ commodo, auctoritate Cæsarea stabilivit Augustissimus, ac privilegiis munivit, 1721.

8. *Quodnam est Symbolum Augustissimi nostri Imperatoris?*

Illud sibi elegit: *Fortitudine & Constantia.*

Utramque virtutem, uti & alias omnes Cæsare dignas, inter tot rerum discrimina, bella, negotiaq; gravissima in se expressit verè **MAGNUS CAROLUS VI.** Natus 1. 8bris 1685. Post bella cum Gallis, & fæderatis Hispaniæ Sardiniaq; Regibus pace Imperii & tranquillitate serenata, 1730. post initam cum Oriente in castris ad Belgradum societatem, fide publica stabilitam, pacem ipse & requiem ingremio pacatæ Europæ invenit 1740. Ultimus è stirpe Austriaca, annos plusquam trecentos sceptrum imperii sine interruptione tenente, delendus ne magis, an defectione sanguinis spectandus, desit vivere 20. 8bris. Fortunatus Mensis festiva nascantis beatitate funestissimus amissi Principis jugi dolore, idemq; felicitatis & exitus augurium. Occasione mortis in Octobri Augustissimi ultimi de Domo Austria-

ca Symbolum illud Friderici III. *a. e. i. o. v.* Velim varie explanatū, nunc à nonnullis non male intellectum: *Austria erit in Octobri Vidua.*

9. *Quis electus post Carolum VI. Imperator, & cujus Familia Claritudine insignitus?*

Principum & Electorum Bavariae, Carolus Adalbertus, Elector Bavariae Natus 6. 7bris 1697. Patre Maximiliano Maria, Emmanuele ejus Bavariae Haerede Ferdinandi Maria, & Adelaidis Henrietae filio ex Victore Amadeo Duce Sabaudiae progenita, Matre Theresia Cunegunde Sobieska Joannis III. animi & rerum bellicarum magnitudine clarissimi, & Mariae Casimirae praestantissima filia Henrici Marchionis d' Arquien, & Franciscæ delabcharte ex Materna Serie, ex Paterna verò, Jacobi Sobieski Castellani Cracoviae & Theophilæ de Daniloviciis Palatinidis Russiae lectissima nepte, quæ lucem aspexit 4. Marti 1676. Desponsata per Procuratorem Varsaviae 1694. quater & quinquaginta peracto. annorum curriculum vivis erepta 1730. Electus ad Augustales titulos 24. Januarii 1742. Sub nomine Caroli VII. à Germano suo Archiepiscopo & Electore Colonienfi, (cui, hæc Officii prerogativa, ab Archiepiscopo Moguntino solius hujus solemnitatis causa collata die 12. Febr ejusdem Anni diademate redimitus.

Quam longiori intervallo circumscriptum illius regimen

Trium Annorum inter bellorum, vicissitudines anno 1745. absumptus 20. Janu: Monachiis

chis Et hic Princeps auspicio inaugurationis ad solium quem suspexerat mensē lætiores, contracta Imperii gloriā expertus funestissimum. Hæredem reliquit Filium unicum Carolum Maximilianum Anno 1729. Filia pro- genitum unā cum Mâria Antonia, Josepha Anna, & Josepha Maria, præstantissimis tribus filiabus.

129. Franciscus I.

Franciscus è Familia Principum Lotharingæ Leopoldi Ducis Lotharingæ & Elizabethæ, de Principe Philippo d'Orbans prognatæ Filius, Natus 8. Dec: 1708. Ab Anno 1723. ad annum 1729. in Aula Imperatoris Comoratus. Eques aurei velleris 1736. declaratus. Portatis exterorum moribus per Hollandiam Angliam rediit 1732. Viennam. Anno 1736. pactis Hymenei associavit Mariam Theresiam Caroli VI. Filiam natu maximam anno vergente in 1737. Magno Ducatu Hetruriæ positus eodem anno Vicerex & supremus Gubernator Hungariæ, Generalissimus Exercituum Romani Imperii simul Mareschallus; de nuntiatus Anno 1741. communi regnandi sorte ad omnia hæreditaria bona, à consorte sua cumulat. Fasces Imperii delati eidem 23 7bris 1745. Coronatus 4. 8bris. Prolem suscepit, Filium unicum Josephum Benedictum Augustum, natum 1741. 13 Martii Filias, Mariam Annam 1728, Mariam Christinam 1742. Mariam Amaliam 1746. pro-

progenitas. Auspicatissimum, præsentis anni
festiva Chronostici incidit posteritati gloria,
SIDUS PACIFICUM eUropæ Votis eX aUstria
or It Ur.

OBSERVATIONES

Ad partem quartam Historiæ Imperatorum.

1. *Qualisnam Romani Imperii facies à Rudolpho
Habsburgico ad nostra usquè tempora?*

Quamvis potentiâ, opibus, & provinciarum
numero prima & mediæ Monarchiæ Romanæ
tempora multò fuerint ultimis hisce Sæculis
clariora; minora tamen in Ecclesiam, & Rem-
publicam beneficia contulit postrema Impera-
torum series, dum pietate ac prudentia opu-
lentiæ superioris defectum compensavit.

2. *Quid in mystica Nabuchdonosoris Statua pedes
partim lutei, partim ferrei designabant?*

Ultima Romani Imperii tempora notaban-
tur, quibus varia illius membra æquè parùm es-
sent consensura quàm parùm cohærere potest
lutum ferro admixtum.

3. *Quantùm Ecclesiæ profuit series Imperatorum
ultima indè à Rudolpho Habsburgico?*

Profuit quàm maxime: Italiam enim Ecclesiæ
centrum, perditura dudum fuerat Ottomanno-
rum rabies, nisi fræna identidè injecisset Cæsa-
rum præsertim Austriacorum, fortitudo. Dein
hæresis quoque Germaniam haud dubiè inte-
gram depastura fuisset, nisi Herodès iidem
potenter obstitissent.

*4. Quantum passa Ecclesia fuit ab hæresi ultimis
hisce Seculis?*

Plurimum sanè in Gallia, Garmania, Dania, Suecia, Polonia, Hungaria & Anglia. Aucta verò maximis incrementis in Asia & America.

*5. Cur permisit Deus Romanorum Imperium variis
temporibus concuti adeò, atque etiam immutari?*

1. Ut non gloriatur adversus illum omnis caro
2. Hæc rerum omnium humanarum conditio est perpetuò mutari, ut sapere altiora, & firmiora discamus. 3. Ut sæpius ad fines suos adhibere DEO placuit Regnorum potentiam: itâ quòquè aliàs ostendit, eâdem se in exequendis suis consiliis minimè indigere.

*6. Quanam Imperatorum Austriacorum decora pre-
cipua & singularia?*

1. Annis propemodum trecentis continuò tenent Imperiale solium; quod unius Austriæ privilegium est. 2. Austriaci omnes: nullo excepto, virtutum laudibus, claruère, quod in eo Imperatorum numero antea fuit rarissimum

*7. Cur nonnulli Scriptores hæretici parùm favent
Austriacis!*

Quia lucem oderunt nocturæ, & Principes verè orthodoxos erroneos Sectarii. Indè haud ægrè conficitur, quid eorum gerris, & ineptis crisis tribuendum.

*8. Verumne est, Ferdinandum primum, & Maxi-
milianum II. Luthero fuisse addictos?*

Istud equidem optarent A catholici, aut credi ab aliis cuperent, uti & Carolum V. Lutheri sectæ esse immortuum, quas malè factas fabulas ridet Catholici.

9. Unde Archiducū in Austriacos derivata
compellatio.

A Friderico secundo Imperatore honoris cau-
sā eo titulo sunt exornati

10. Ubinam modò Circulus Burgundicus?

Distractā ab Imperio Burgundiā pars illus in
Belgio Austriaco superest.

11. Cur Imperatores Teutonicos etiam Romanos
appellamus?


Quód Ecclesiæ Romanæ Defensores sint, ac
Tutores Monarcharum, quoq; Romanorum
Successores.

12. Quo sensu accipiendum illud Friderici IV.
Symbolum a. e. i. o. u.

Communiter itā exponitur: Austriaci Erunt In
Orbe Ultimi, vel Austria Erit In Orbe Ultima.

O. A. M. D. G.





he

Biblioteka Jagiellońska



stdr0022055

